

家庭寶鑑日用秘笈

# 秘術海



- ◎ 游戲幻術門
- ◎ 禽獸飼養門
- ◎ 蟲魚辟養門
- ◎ 急救死傷門
- ◎ 防患避災門
- ◎ 身體療治門
- ◎ 婦人調衛門
- ◎ 小兒廣濟門
- ◎ 閨閣化粧門
- ◎ 旅行須知門

上海廣益書局印行

046  
656.7  
:2

# 秘術海

家庭必備  
日用寶笈

第二册

新智識圖書社刊行

A 210475

0069.9  
#07304



最有趣之說部

文辭雅潔

趣味深濃

- ▲實事小說 怨偶奇獄 二冊 定價八角
- ▲筆記小說 夢工廠雜著 四冊 定價五角
- ▲苦情小說 蕙娘小傳 一冊 定價二角
- ▲寫情小說 海棠羹哀史 一冊 定價四角
- ▲哀情小說 弱女飄零記 一冊 定價二角
- ▲筆記小說 黛痕劍影錄 一冊 定價四角
- ▲傳奇小說 桃花扇 一冊 定價六角
- ▲罵時小說 霹靂琴 一冊 定價三角
- ▲言情小說 蝶媒恨 一冊 定價三角
- ▲偵探小說 怪富人 一冊 定價三角
- ▲短篇小說 小郭 一冊 定價四角

▲全書念四冊


▲定價洋四元

本書搜集古今筆記至六百餘種之多，彙粹粕而存精華，文筆爾雅，趣味深濃，可以資談助，可以資考証，內容分

史談、方言、神童、方技、美術、鬼怪、事原、諺語、美人、文藝、趣事、草木、古蹟、英雄、妓女、武術、歌謠、禽獸、風俗、文士、優伶、音樂、仙佛、瑣聞

部二十四門，選材各以類從，每類另有綱目，不相雜廁，所錄尤多秘笈，為世所稀見之本，倘筆記之精液，亦說部之大觀也。

目録  
12



家庭必備  
日用寶笈  
**秘術海第二冊總目**

卷一

游戲幻術門.....一至二十頁

卷二

禽獸飼養門.....一至十八頁

卷三

蠱魚辟養門.....一至十二頁

卷四

急救死傷門.....一至二十六頁

卷五

防患避災門.....一至十八頁

卷六

秘術海 第二冊總目

身體療治門……………一至二十六頁

卷七

婦人調衛門……………一至三十六頁

卷八

小兒廣濟門……………一至二十六頁

卷九

闡關化粧門……………一至十二頁

卷十

旅行須知門……………一至十頁

## 游戲幻術門

春光明媚。陌頭固多游士之踪。秋雨淋漓。階前亦碎文人之履。如其澆愁無術。何如游戲有方。滿堂鬨笑。頓使舉座生風。盡室騰歡。亦增家人逸興。因輯舊法。冀拓新知。雖乏刻鳳長才。或免屠龍貽誚。布我微意。尙乞鑒諸。集幻術。

### ●紙上畫月夜中放光法

倩名家繪松月鳴泉圖。就其月上。塗以下法之藥。則夜中月色光輝。儼如仙筆。誠奇妙之法也。其法見載於古今秘苑。古今秘苑云。取螢火蟲百枚。雲母石二錢。共研末。稍加清水一滴和之。取新筆塗於畫上。塗一次。一月有光。塗十二次。一年有光。如畫星斗亦然。如加色繪着色物則不驗矣。

### ●紙上畫牛日見在欄外夜見在欄內法

編者垂髫時。曾聞老輩言。極以爲奇。嗣游幕鄂渚時。又聞張望峴孝廉言。更以爲奇。待職漢陽政幕時。公餘多暇。翻覽閒書。見古今秘苑載有此一則。秘苑云。用老鷲膽一個。不可見水。納明礬末一錢於內。懸掛當風處陰乾。然後用此膽磨汁調顏色作畫。日則

不見。夜則明顯。晴則不見。陰則明顯。據此。知前人是以此法和色畫半欄矣。於是始嘆書之不可不讀也。

●神仙盜契法

田地房產賣質諸契。以及藉作憑證之字據。非常緊要。豈有被人盜去之理。予偏有法。使其收貯之箱。微絲不動。原書契據。成爲白紙一張。毫然無用。人當皆以爲奇。不知此法亦載於古今秘苑。不奇也。秘苑云。用海螵蛸墨。〔卽烏鰂魚所吐之墨〕舂於墨盒內。隨書字於何種紙上。過六七個月後。字跡悉落。仍然白紙一張。以骨屑擦視亦然。仍不。如墨之效。進產家當注意此法。以防損失也。

●使鷄蛋騰空法

以鷄蛋開小竅。去黃白。盡入露水。令滿。浦紙糊口。日中晒之。可自升起。離地三四尺。

●搖會必勝法

每逢會期。預研硃砂書同會各會友姓名。踏於左足底。再將自己姓名藏帽上。勿形於色。勿令人知。臨搖時。對東方連搖三下。見骰出後。不可再動其骰。則他人搖之。點色必

不能勝已也。

●剃鬚不用刀法

剃鬚不用刀。以石黃一兩。石灰一兩。樟腦二錢爲末。水調搽鬚上待乾。以刷掃之。則鬚自落。

●頃刻種菜及瓜果法

用新鷄頭生卵。從頂中開一小竅。去黃白。納菜子於其內。用紙封固。與母鷄伏七七日。十九日。如一雞不能畢。再與他雞伏足其數。欲種時。先用硫磺粉少許滲於濕地。然後下子種之。其菜自出。瓜果法同。

●使字飄浮水面法

明礬二錢。黃芩五分爲末。寫字於紙上。放入水中。去紙。則字浮於水面。亦奇觀也。

●白紙傳書法

從前秘密社會。每每白紙傳書。外人得之。不知云何。受者用火一照。字皆顯出。一經去火。仍然白紙。又有以紙向爐火微烘而顯字者。有映日晒之而顯字者。羣詭爲奇。不知



亦載諸古今秘苑。不奇也。法以鷹粉書於白紙。日中不見。至黑暗處以燈火照之。顯若列眉。又以潔水漂礪砂研極細。用淨筆作書。向火微炙。或日下晒之。皆顯黑字。否則仍屬白紙。古法今傳。特恨我人讀書不廣耳。

●黃豆自然跳躍擊蠅法

黃豆能自然跳躍擊蠅。其法奇矣。不知悟得其法。不奇也。法取壁間蠅虎十餘枚置匣中。緘其口。仍捕蠅數十下投之。令爭噉。噉盡則自爲糧脯。大吞小。強吞弱。展轉畢命。止餘其一。更無所獵食。故令久飢以困之。度且斃。飼以小黃豆一粒。其蟲始蠢蠢然。少焉耽耽而睨。聳身搏之。既堅不可食。復盡力不捨。卒噉豆以死。取置几案間。凡蠅飛集稍近。去五六寸許。豆即能自起擊殺蠅。十不失一。殊有趣之游戲也。

●雪中煖酒法

雪能煖酒。可謂大奇。如悟得其法。亦不奇也。法用未化之大石灰一塊。預埋雪內。欲煖酒時。先將酒壺放預埋之石灰上。更以冷水一瓢澆之。石灰見雪已欲化。以水澆之。更速其化。酒受其熱度。自然滾沸可飲也。

●使酒不溢出盃外法

以礮礮（即前清白石頂料。然此係玉之一種。燒料貨不驗也。）琢成盃。酒雖滿出一分亦不溢。以無名異（藥名。藥店有售）磨各種盃口。亦能不溢。

●令絹帕包酒不漏法

無論何種手帕（市售稀如蛛網者不驗）以白礬末調鷄蛋清兩面塗遍。日中晒乾。用以包酒。消滴不漏。

●使沸湯頃刻變冷法

昔有人尋厨子開心。謂如此寒天。如何用如此冷湯餉客。厨子不信。自嘗之。果冷也。奇而大詫。疑有鬼弄。急易一碗。少頃。又如。是。客皆大譁。就詢詰者。詰者曰。此予故與彼游戲也。法用溪澗池塘中瀦積之水。撈取晒乾。包藏身際。欲爲此法時。只須以指甲取少許彈入即冷。再試之。果驗。詢客出自何書。曰。見物類相感志也。

●使白水變黑法

翰見戴立泉先生傳。有言以指之甲銜皂礬末少許。僞作書符狀。暗將礬末彈入。後入

茶汁一二滴。卽成墨水一碗。江湖輩率以是愚人。翰故特揭而出之也。

●使鬼吹火法

鰲頭雜誌載。以硝石硫磺等分研末。夾入紙吹內（卽吸水煙之紙條。此物名稱。隨地而異。故註明之。）點燃。不見人影。火燄誦談。儼然如有人對之作一吹一吹之勢。迷信家當不寒而慄。亦游戲中惡作劇之一法也。

●使鬼敲門法

翰向持無鬼論。今何爲夫而動輒言鬼。不知亦鰲頭雜誌所載也。志載以大斤許或半斤之天南星作末。好醋調之。塗於紙上。僞畫各符。貼人門上。夜靜之時。儼然如有人作敲門狀。開視之則無。苟靜而聽之。則仍作響。特迷信家生畏心。不敢靜而久聽耳。江湖術士。藉稱禳解。訛索錢財。故揭出之。以爲世告。

●使人白日能見鬼魅法

本草拾遺載。活吞鴉雀目。白日能見魅。研汁塗目角。能見鬼。鷓鴣之目吞之亦然。然無解法。跡近怪誕。不可試也。

●使燈烟化蛇影法

覓小蛇一條打死。以其血塗燈草陰乾。以之點燈。燈烟嬾嬾自成蛇影。酷而且肖。真奇觀也。

●使木狗自走法

以楊木刻成狗形。腹內及腿。皆宜挖空。以取輕便。鼻頭及齒舌或頭套。皆用輕微洋鐵製成。以漆各狀活狗之色漆之。使人不易辨別。遊戲時。以磁石（即吸鐵石）鑲頭之手。捧引之。則行走跳躍。皆隨人意。誠奇觀也。如小遊戲。以通草製成。外髹狗色。頭面眼鼻。以鐵屑敷之。置几案間。以磁石引之。亦能自如。

●使佳人變鬼法

內地風俗儉樸。婦人半用皂莢搗碎淨面。如以五倍子。皂礬。靛青。銀硃。研末。和入皂莢內。婦人不知。用以淨面。愈洗愈成鬼臉色。但見青顏硃額。眉黑唇丹。令人可怖。欲解。以石灰擦之即落。亦一取笑法也。

●置酒畫像前使其顏赤法

以光明硃一錢。生煇硝三分。用石搗搥研和。調以陳酒。使成薄泥狀。裝入壺。密閉蓋。埋藏向陽處土中。經三十日取出。如酒氣已乾。則稍加酒。再用石搗搥研和。當繪像之時。先以胡粉（介殼製之白粉）襯底。後施所合之朱色塗之。日中曝乾。復略施胡粉於其面。臨懸掛時。若置熱酒於此像前。則像受酒氣而顏赤如醉。及酒氣消失。即色白如前。

●播植種子立刻生芽法

解壞之鴨蛋一枚。和石灰共研細。日中曝乾。用時敷於盆底。然後播種各種瓜果之子於內。手未離而芽生。不半時而牽藤生蔓矣。

●使青銅鏡中顯百相法

竹汗（炙青竹於炭火上。竹中所出之汗即是）髮灰（煎皂莢汁洗髮去其油氣燒之）龜溺（以龜置玻璃器中。以鏡照之。溺即出）蝦臺油研和。倩妙手繪像於鏡。日中晒乾。用質地細密之石磨去繪。再以研粉（燒黃土所製。用以磨刀者）及梅醋磨之。後更以水銀磨之。則鏡異常明亮。所繪之像留於鏡底。使見者幾疑爲鏡中仙矣。

●使鷄卵跳躍法

鷄卵開小孔。悉去其汁。入醋其中。然後輕手剝去外殼。則外殼與內皮自然分離。（內皮破無用）若欲使之跳躍時。吹氣入卵內皮使膨脹。成鷄卵狀。以麪糊貼蜘蛛背。蜘蛛進行。卵遂跳躍不已。粗視之。人不覺其僞也。

●浮針水面法

取頭髮中膚屑。塗於針孔內。橫置其針於水面。則能浮而不沉。

●使紙製之蟲魚活動法

以舊紙隨意剪成蟲魚等形。以醋和墨。繪其鱗鬣。變時以碗盛熱水或熱茶。紙緊閉碗口。以紙製之蟲魚置其上。則自然活動如生。

●斟酒滿盃不溢法

前法已奇矣。今更得一法。以沒藥粉塗盃沿使滿。然後斟酒。雖高出於盃沿一二分亦不溢。此法於二三知友前行之頗為有趣。

●吹火不滅法

黃丹煇硝磺各二三。分共研末。和勻。捲入紙條。入盞作燈點之。壯漢吹之不滅。不知

者以爲又有鬼神呵護也。

●灰線懸錢法

錢乃重量物。線燒成灰。已完全失其懸重性。今偏欲背其道而行之。不亦可怪乎。法用絲線一條。浸於鹽滷內二三日。取出晒干。臨演時。以此線懸制錢一二枚於空處。令人用火燒線。線雖成灰。其錢不墮。誠不可思議之妙法也。

此法翰見於薛居敬傳。誰謂讀書無解頤事見焉。

●使紙蝶穿花法

覓真正陽起石研成灰粉。清水調刷宣紙上陰乾。然後用彩筆和陽起石粉繪成蝶形。用剪剪下。置於匣內。春日百花盛開之際。將此蝶對烈日放之。自然如真蝶之穿竄花間。真奇觀也。

●使紙魚泳水法

雄狗膽鯉魚膽各一枚。以其鮮汁和勻塗厚洋紙上。剪成魚形。(如製成魚形尤佳。)放置水盆內。須臾則游走與真魚無異。

●空掌招蝶法

春日取百花蕊陰乾。復夜露七日。蜜拌勻。見有衆蝶飛舞時。將兩手心塗蜜。立於上風。先用兩手合搓。次再拍掌相向招之。則羣蝶聞香。如蠅之逐臭而至。極奇觀也。

●使羣鼠畢至法

本草綱目云。蟹壳拌生漆燒烟。則羣鼠畢至。惡鼠傳疫者。可一網全拿。較之誘鼠捕鼠。省事多多矣。

●壁上畫燭點火法

壁鑿一洞如燭之火燄形。無妨稍大。以免火燄灼壁。致釀火災。然後施以相當之彩繪。并繪燭兩支於預鑿之火燄洞下。再以前載之吹火不滅法料加潮腦（即樟腦）於燭芯上點之。遠望儼如畫堂深秘。不知乃背景一幅也。

●令魚子三日變成大魚法

春日覓燕將伏雛之卵。去其黃白。以鮮魚子仍從小孔納壳內。置窠中仍與燕伏過。待雛燕出後。然後取出藏之。欲成魚以餉嘉客時。以大盆河泥及水。將子放內。一日能成。



四兩之魚。三日即可成一大魚。味不殊。實玄之又玄矣。

●沸油取物法

以礶砂末秘置油鍋內。微熱礶砂即鼓泡如沸油。其實未熱也。以手浸白醋內一遍。放心下手取之。毫然無害。徒令旁觀者蹠舌不下耳。

●火炬行雨中不熄法

蜀葵花葉陰乾。夾於竹片內作火炬。雖行狂風猛雨內。其炬不熄。以之和入蠟內澆燭亦然。

●使新嫁娘臨便驚逃法

取溪澗池塘邊瀦蓄水爲風所蕩積之白沫。不厭其多。攤紙上晒乾。當得塵粉形之物少許。卽以此粉形之物置於新人恭桶內。(俗呼百子桶)此粉苟被熱潑一冲。(他流質熱物亦然)立成白沫浮起滿桶。且冷侵人臀。新人不防有此一來。必驚而却走。亦遊戲中之惡作劇者也。

翰載此法。非欲人效之也。特令人防之也。蓋此法視之無物。最足出人不意。新人每

有因而致疾者。迷信家甚至有誕爲鬼神者。何事不可作謔。必欲以此爲戲。未免敗德。且青年婦女遇此。每每不及揜袴。一躍而起。同有妻小。心何安焉。故特出揭之。使人防之也。防之之法。以沸水冲之。卽免。靠目力視察。不得見也。

●使人臨席放庇法

卽以前法所取之粉末。秘置少許於酒杯內。「不可多。多則溢出杯外。」（斟酒本有沫。人亦不防。）飲此酒者。必連連放庇不止。當不能終席逃去。亦惡作劇之一法也。

●頃刻開放蓮花法

蓮子七枚（本年者爲佳。過兩年者無用。）置已去黃白之鷄蛋殼內。以紙封其孔。令伏卵鷄伏過二十一日取出。以冷釀茶洗淨收置。演時以滾水洗之。放於摻有硫磺末之污泥內。卽頃刻開花。然不甚大耳。

●頃刻種瓜法

江湖賣藝之流。敲鑼聚衆。言能頃刻種瓜。然僅小如金橘。不足奇也。予有一法。能令大如茶盅口。法用鷄卵去黃白。納瓜子於內。令滿封固。仍用鷄伏之。待雛出後。另用官糕。

厚朴、鹿角屑、甘草各一錢爲末。拌勻瓜子。另用一殼納之。（如原殼未破尤佳。）緊封埋潮濕土下。不可令乾。演時以濕新棉花包一粒。埋硫磺末拌勻之鬆土內。逾一刻鐘卽牽藤開花。結瓜如茶盅大。

◎浮飛五彩綉球法

兒時以竹筆筒吹皂水作泡向空中飛颺。亦頗有趣。然小而易散。不足觀也。今得一法。以濾淨木炭灰之湯燒滾。下松香細粉兩許。紅綠色水二勺。旋下旋攪。務使勻稠。再沸數次。卽行取下。俟其冷透。以篋爲圍。蘸水向空揚之。則結泡如麪碗口大。五色團滾。且不易散。真奇觀也。

◎使僵鯉復活法

贈送鯉魚於遠方。途中垂死時。搗大蒜取汁注其口卽活。若已死。摻茶末於其上。則決不變味。

◎用油一合點燈一月法

以浮萍草（大伏中採之）瓦松（俗稱瓦花。生於屋瓦之上。亦於大伏中採之）遠志、黃

丹。蛤粉（即胡粉）各一兩。研成細末。凡油一合。入藥粉三分之一。浸燈草點之。雖一月。油不盡。此爲節省燈油之良法。

●蠟燭一寸燃燒一夜法

蜜蠟、松脂、槐花各一斤。浮石四兩。溶解成液。澆成蠟燭。雖點一夜。僅燃一寸。

●火炬一寸步行五六十里法

浸櫟樹於池水中百日。然後擊碎晒乾爲火炬。長一寸。可照行五六十里。但圍徑須四寸方可。否則不耐。

●燭行雨中不滅法

丹礬八錢。樟腦五錢。松脂一兩。硫磺三錢。焰硝五分。溶解造燭。稍入樟腦。雨中行走。可以不滅。

●火炬不避風雨法

火炬行風雨中不滅。予已載前頁矣。茲更得一法。亟列之以供衆覽。法用櫟樹皮。以燒酒化硫磺塗二次。日中晒乾。雖狂風驟雨。亦決不滅。又有一法。以蘆葦裹木棉。溶解松

香液塗之晒乾。東爲火炬。亦能耐風雨不滅。

翰在湖北時。除夕之夜。見武昌大堤口文昌門。漢口龍王廟。集鴛嘴。江河各岸。皆燃是炬。狂風驟雨不滅。詢之製者。云得奇方秘苑。閱之果然。故揭以行世也。

●製神仙火球法

樟腦四兩。焰硝五分。硫黃五錢。研細末。煎鹿角菜汁和粉末。團成小球。預鑽小孔。待其乾燥。就孔中插鐵簽燃之。每球可照行二里許。卽遇雨亦不滅。

翰按此卽孔明燈法稍變化耳。孔明燈燃其一頭。一頭有烟冒出。就其烟點之。其火亦風雨不滅。然光度有限耳。此見劉青田多能鄙事。或可行耶。

●水面點燈法

樟腦一錢。松香五分。共研末。火酒製成薄片。晒極燥。放於水面點之。不沉不滅。

●使油燈放各種花草法

硫黃一兩。焰硝六錢。分加於各種陰乾花草瓣內研末。如欲放蘭花者。卽以燈蕊放入蘭花瓣之藥末內滲之。後用青油燃點。卽放蘭花。餘俱倣此。

●使燈影映出滿堂紫葡萄法

香油不拘多少。以小口罐盛之。埋葡萄架側地下。扯其藤之頭一枝。挿於油罐內。以繩繫之。勿令抽出。緊封罐口。勿使走氣。其上更以鬆土壅護。此罐及藤。過七七四十九日後。然後取出。以之點燈。則滿堂皆映出紫葡萄。璀璨可愛。誠惠而不費。極妙極雅極別緻之遊戲也。

●使香烟隨意引之成字久而不散法

塗蜜於五月間生新之盆景荷葉上。久之自有蟲蝕盡其葉肉。惟剩如蛛網狀之枯荷梗一支而已。取下去柄。晒乾研末。配於諸香。焚時則烟直上。團結不散。然後用篲擇其頭引之成字。（正草隸篆隨意書之。）約可留半時許不散。誠奇觀也。

●避難隱形法

正月朔日初出。被烏雲遮晦時。急取五月五日所取之癩團（名蝦蟆。目紅腹無八字紋者勿用。）陰乾所製之灰吞之。或用烏鷄所生之卵吞之。如正月朔無日。或有日而無雲遮。則於八月晦夜子時。一人如前法行之。遇有急難。藏身暗地。默念我身已如日。

之被遮。則暴徒自無處覓踪。法分載太平御覽。及陶隱神書。當有實驗也。

●變異形骸法

上巳日覓取啄木鳥一隻。以丹砂大青梓粟或飯或米飼之。如是者一年。藥不可間斷。至次年上巳日。將此鳥去手搗爛。加雄黃一錢。分作數十丸。每日清晨。向旭日水吞一丸。久久自能變形。笑則令人愛悅。怒則令人畏怖。如神如鬼。隨心欲之。皆能酷肖。洵奇幻之術也。

●使白鷄變作綠毛鸚哥狀法

古今秘苑云。取成對純白毛鷄五六隻入籠。絕粒二三日。將菜豆四五升。用硫黃、蒲黃、姜黃、雄黃、雌黃、各三兩。和水少許。煮乾此豆（豆熟爲度）以喂雞。兼飲豆汁。勿令飲水。七八日後。則毛當盡落。落後卽以鐵絲穿其鼻懸起。勿令其頭下垂。四五日後。卽出綠毛。此後只喂生菜豆粉。再用紅鳳仙染其嘴足。則宛如然鸚鵡狀矣。

●使家鷄變作五色錦鷄法

又云。取黑魚重斤半者一個。去腸。入硫磺令滿。放瓦器內蓋好。冬七日。秋五日。取出剝

碎。將雞先餓二三日喂之。則毛盡脫。不數日另生五色綵毛。宛如錦雞矣。

●使螢光自竹筒中映出法

以青新竹筒一段。留其上下兩節。以鑽於其中段開穴。自穴入螢火蟲。則雖極厚之竹。亦能顯其光於外。但枯竹無效。

●使鴨蛋成四方形法

法用醋浸蛋七日。即軟如綿。隨以方盒納蛋。置於清水內一刻。則殼仍硬如常蛋。人見之當詫爲奇也。

●煮白石充飢法

煮石充飢。世俗誤信縉流之言。以爲非神仙不克有此道術。不知皆古書所傳法也。予見本草綱目云。取溪澗中白石子。用胡葱汁或地榆根等煮之。即熟如芋。謂之石羹。又曜仙神隱書云。七月七日。取地榆根不拘多少。陰乾百日後。燒爲灰。復取生者與灰合搗萬下。灰三分。生末一分合之。若石二三斗。以水浸過三寸。以藥入水攪之。煮至石爛可食乃已。兩法以綱目爲佳。神隱書仍不脫道家氣。據此烏得謂非神仙不可爲耶。吾



秘術海 游戲幻術門

國古法摹影。特讀書君子。不暇留意及此。遂爲術家所銜耳。



## 禽獸飼護門

禽足怡情。獸堪代步。凡百君子。無或廢之。既不須鶴俸另籌。至貽亡國之憂。且可享八駿獨專。收我周游之利。維是豢飼失宜。病即隨之。不有良法。似鮮則效。因萃珍秘。冀濟所窘。大至牛馬犬豕。小至燕鷦鼠雀。逢茲二類。罔不搜羅。一言便市便鄉。洵稱利濟。若云窮奇盡異。予病未能。集禽獸。

### ●使鶴立至法

鶴爲玄鳥。最不易得。今人所見之鶴。率皆鸚耳。招之之法。以降香與禱樹皮（昔日弓臂上曾用之）共焚之則至。然不能留之也。

翰按。今人以鶴爲鶴。以彪爲虎。同一誤認。欲辨其狀。翻陶弘景所註本草卽知。

### ●養鶴法

花鏡云。畜鶴之地。須近竹木池沼間。方能存久。性喜啖魚蝦蛇虺。養者雖日飼以稻穀。亦須間取魚蝦蚌物喂之。方能使毛羽豐潤而頂緋紅。若欲使其飛舞。俟其餒。置食於窻遠處。拊掌誘之。則奮翼而舞。調練久之。則一聞拊掌。必然起舞。

●治鶴折脛法

墨娥小錄云。鶴脛至脆。易於斷折。急取青竹比鶴脛略大者。截長三四寸。劈作兩片。擷白頭蚯蚓十餘條。刮去泥土。鋪滿竹管中。用線扎定。再取十條與啖。俟飯頃即如舊。

●飼養孔雀法

或養其雛爲媒。或探得其卵。令鷄伏出。飼以豬腸生菜。即大。如病。飼以鉄水便愈。

●飼養鸚鵡法

用二尺高。尺五闊銅架。將細銅索鎖其一足。於架上左右。置二銅罐。以貯水穀。任其飲食。若欲教以人言。須於雛時。每日天將微明時。將雛挂於水盆上。使其照見己影。不道人言。惟知聆教其語。人乃立其旁。隨意教之。不久自肖。但忌撫摩。若摩其背。則瘖。性畏寒。冷即發鸚欲死。飼以甘蔗汁可解。若發風不食。尾尖上有一圓珠。形如豆大。以針挑破之。立愈。(八哥白鵬錦鷄孔雀同治)見夷門廣牘。

●飼養鵪鶉法(即八哥)

每日飼以生豆腐及半熟飯。惟忌八月十三大煞日。須密藏不露。方能免死。又忌養貓。

無猫雖無籠罩。任其飛走。亦不遠去。若欲教以人語。必須五月五日。或白露日。取雞閉之。籠中竟夕。用小剪修去舌尖使圓。如是者三次。每日天將晚曉時。如教鸚鵡法教之。良久。自能作人語矣。見花鏡。(翰按。剪恐傷。最妙以手代之。月餘舌尖自脫。)

●飼養畫眉法

於廊檐之下。貯以高籠。籠內安二水食罐。中用南天竹幹一條作梁。使之棲止。則足不冷。日以鷄子黃拌粟米。再和些少細沙與之食。便不時肯叫。如天氣漸炎。常將籠浸於水盆內。令其自浴。則異常活潑。否則反是。

●飼養黃頭法

取毛緊眼突者良。每日以鷄子黃拌粟米粉飼之。則力猛善鬥。切忌糯米作粉。交夏須覓竹苞內小白蠹與之食。更易長。但較畫眉難養。片時失與飲食。即餓死。

●飼養竹鷄法

性不喜水。籠底多貯以砂。俾滾臥其中。以當浴。飼以小米。或少雜野蘇子於內。可經久無病。如出血至二毛管即不活矣。養熟雖不閉籠。至晚自能歸宿。○春秋社日前後。當

以青布罩籠。藏之密室。若社風吹之。則眼爛而死。

●飼養白鴿法

置一厨。遂倉格開。每格畜二鴿。聽其飲啄。每日飼以浮麥。夏月須以菜豈串之。

●飼養麻雀使變白雀法

初生麻雀。尙未出毛。以腐鼠蛆喂之。便生白毛成白雀。法甚良驗。

●飼養金雀法

新捕到者。以水洗其足。令十分乾淨。再以舌順舐其頂上毛數十下。然后置之籠中。則可永不死。此秘法也。

●飼養秦吉了法

每日用熟鷄子黃和粟飼之。則極馴嫻可喜。維其性最怕烟。勿置烟燻處。則耐久。

●飼養鸚鵡法

每日飼以小米。欲其角勝。常持於手。時拉其兩足使直。置一小布袋。口如荷包而底平。有線可以收放者。納於中。出入吊於身旁。絕無跳躍悶壞之病。養馴任其行走。亦不飛。

去。但怕冷。大寒如不善料理則凍死。

●調鷹秘法

先將雞餓一二日。使之飢餓欲絕。然後兩人離丈許對立。一以鞴臂擊鷹。一持肉引之。口作聲呼之。引其飛來食肉。久則馴熟。聞呼即至。使捉各鳥及小獸甚捷。日以牛豕肉少許飼之。如欲出獵。則不與之食。○教鷹者先矇其兩目。仍布裹其頭。閉空屋中。以草人之臂承之。初必怒跳顛扑不肯立。久而困憊。始集臂上。度其餒甚。以少肉啖之。初不令飽。又數十日。眼縫開。始縛其翅而去其囊。囊去怒扑之。方憊而馴。乃以人臂代之。如是者約四十九日。迺開戶縱之高飛。半响羣鳥皆伏。無所得食。方以竹作雉形。置肉其中。出沒草間。鷹見即去捉之。遂徐收條焉。習之既久。然後出獵。擒縱無不如意矣。

●驅燕招燕法

燕亦玄鳥。來去有時。興盛之家即至。敗退之家或不至也。欲招之至者。取桐木刻雌雄二燕形。投入井中。三數日燕即至。如驅之。以艾葉置其窠中即不至。或硃書鳳凰二字貼窠上亦不至。花鏡與本草皆載。可復按也。

●惡鼻鳥鳴而止之法

鷓鼻惡鳥。人皆惡其向屋而鳴。欲其不鳴。豫取甌汽水硃書一(契)字。粘其一角於牆上。俟其再鳴時。以此契字紙裹石投之。則連窠移去。不復鳴矣。

●避子規啼法

荆楚歲時記云。春三月子規初啼時。先聞者主別離。效其聲者主吐血。登廁聞者不吉。如迷信家欲厭之之時。可俟其啼時。作狗聲應之即解。如撻狗代人鳴。則不效也。

●治小鳥病法

凡飼養之鳥有病時。取蠓蛄爲餌即治。又浸蕃椒(即辣茄)飼之。亦佳。

●飼各種雛雀使生白羽法

各種雛雀出殼後。尙未生羽時。和蜜於飯飼之。即化爲白雀。

●治療病禽法

截青竹一段。留其上下節。削去外皮。浸人糞中半年。則糞汁滲入其中。取出洗淨。開孔取其水。和餌飼之。奇效。禽類糞閉之時。以曝露之枯蠟殼研末。和餌飼之。若鷄鶩等糞

閉時。則和砂於餌飼之。卽治。

●治禽類生羽蟲法

禽類發生羽蟲（卽鳥羽間之疥癬蟲）時。煎牽牛花葉洗之。鷹則燒薰陸薰之。蟲當立斃。

●選擇鷄種要法

齊民要術云。鷄種取桑落時生者良。（形小毛淺脚短細者是）致富奇書云。春夏伏者不佳。形大毛羽悅澤。脚粗長者是。春夏鷄雛。二十日內。無令出窠。飼以燥飯。（出窠早不免鷓鴣。與濕飯則令臍脹也。）鷄棲宜據地爲籠。籠內著棧。雖鳴聲不期。而安穩易肥。又免狐狸之患。若任之樹木。一遇寒風。大者損瘦。小者或死。燃柳柴殺鷄雛。小者死。大者盲。『花鏡』云。鷄窠旁切勿挨磨。（物類相感志云。鷄鵝伏卵忌磨。若聞礮之聲。則不生矣。）有病常灌以清油。若傳瘟。速磨鐵漿水染米與食卽愈。如水眼以白礬傳之。

●養鷄易肥法

增廣物類相感志云。以油和麪。捻成指尖大塊。日與數十枚食之。或以土硫黃研細同



飯拌勻。喂數日即肥。致富奇書云。大園一所。分爲三。中置雞棲。每一旬。潑粥於園之左地。以草覆之。兩日盡化爲蟲。園右亦然。左邊食完。驅而至右。如此互相代易。則雞自肥。而生卵不絕。

●養雞使長生蛋法

古今秘苑云。生芝麻半升。豬板油三兩。同搗。養童雞一只。候初生一蛋。須藏好。即以二味食之。勿令飲水。則日日生蛋。再不思哺。農桑輯要云。雌雞無令與雄相雜。多與穀。自然長大易生蛋。

●使生雞不亂竄法

買得生雞到家時。飼以生米。溫水洗淨其兩足之污。則自然不亂竄有走失之患。

●醫雞發哮法

墨娥小錄云。取芒硝一小塊。粗如筆桿大。水調灌之即愈。

●醫雞瘟法

巴豆數粒。切片喂之。一瀉愈。或用巴豆仁搥碎拌米飼之。或用巴豆一粒。研極碎。香油

二錢。調勻灌下。入口即愈。○或用綠豆粉水和成條。喂數次。亦愈。

●驗鷓鴣是否有瘟法

如鷓鴣縮頸垂頭不食時。急驗左翅上有無黑筋一條。如有乃瘟病。鍼刺去黑血即愈。無則以青油或麻油灌之立蘇。

●畜養鬪雞法

花鏡云。如家雞高而且大。勇悍異常者。相其冠平爪利。則爲第一。每鬪至死不休。鬪後須用長鵝翎一根。挿入雞口。絞出喉內惡血。安養五七日再鬪。則無損傷之患。雖全勝者亦不可使之連朝很鬪。○一法用草烏頭末塗雞冠上。連鬪連勝。

●驗看烏骨雞法

烏雞亦有皮烏肉不烏。亦有皮肉烏而骨不烏。驗之之法。舌黑者骨肉全烏。舌不黑。僅皮肉烏也。

●使鷓鴣多生卵法

純養雌鷓。毋令雜雄。常令食足。則一鷓可生百卵。每年五月五日。不得放棲。只喂乾食。

不可與水。則日日生卵。

●養馬秘訣

馬乃火畜。其性惡濕。利居高燥。作房忌子午位。仲春放淫。順其性也。季春必昏。恐其退也。盛夏必涼。恐傷於暑也。季冬必溫。恐傷於寒也。久步則筋勞。久立則骨勞。久汗不乾。則皮勞。汗未燥而飲飼。則氣勞。馳驅無節。則血勞。此五勞宜時加調治。喂料須擇新草。篩簸谷豆。若熟料。用新汲水浸冷。方可食之。若熱不宜加熟料。飲以新水。一日三次。冬月飲水。亦須騎驟。摘卸不宜當風。如如此法。馬無不利者。亦畜馬家須知之秘訣也。

●養馬易肥法

齊民要術云。飢時與惡芻。飽時與善芻。引之令食。食當飽。則無不肥。或將草細剉。無節。糞去土而食之。令馬肥不啞。(啞。苦紅反) 又方。取鉤藤數寸。入小麥中蒸熟。喂之。易肥。

●治馬中毒法

馬誤食毒草。中毒時。其足弱。其目眩。注意觀之。即能區別。若鑑定其爲中毒。以山查子。

升麻、櫻花生、姜各四錢。潞黨參一分。甘草少許。研爲細末。酒水等分調和。（分量約七合）因馬大小飲之。卽治。

●治馬驟三十六種黃法

黃藥子根。山豆根。茵陳。山梔子。各五兩。連翹。黃連。黃柏。黃芩。各三兩。大黃二兩。共爲末。每服二兩。雞子青兩個。童便一鍾。蜂蜜二兩。調灌卽愈。

●治馬好傷人法

馬有傷人癖者。削雷火所擊樹一小方插腰間。則馬決不傷。置此樹一段於廐中。其癖卽自止。

●止奔馬法

若途中猝遇奔馬時。急脫衣披馬頭上。馬卽駐足不動。人亦不爲所傷。洵妙法也。

●治馬生虱法

煎榛樹皮葉洗之卽治。牛與他家獸亦然。

●治馬諸病方

白鳳仙花（又名指甲花。花開在頂者。又呼頂兒鳳。治病最佳。）連根帶葉一棵熬膏。塗眼四角上。得汗即愈。

馬病極多。另有獸醫專書。茲擇其要者載之。限於篇幅。餘恕不錄也。翰白。

●相牛秘法

相牛經云。眼要去角又要大。白要貫瞳頸要長。脚大股潤并毛短。若是稀疏不耐寒。角欲細兮身欲長。眉欲粗兮尾欲肥。梢毛拳曲并雜亂。不到三年命歸陰。又云母牛毛白。乳紅。多子。乳疏黑無子。生時子臥面相向爲吉。如相背則子疏。一夜下糞三堆。一年生一子。一夜只一堆。二年生一子。

●治牛不食草法

青木香四兩。金銀花籐一斤。煎湯灌下立效。如尾焦不食草。此受熱也。以大黃、黃連、白芷、蛋清煎汁。黃酒調灌立愈。（蛋清後下。分量不拘。）

●治牛瘟法

十二月之山鬼骨燒灰預存之。遇牛瘟和水灌三四錢即治。燒降香於牛欄可避瘟。

●治牛誤食毒蟲腹脹欲死法

燕糞一合。黃泥漿水三升。攪勻灌之。卽治。外台秘要云。取婦人陰毛三數根。裹草與食。雖能治。不如前法之佳也。

●治牛好觸人法

膽經有熱也。博聞錄云。以重劑大黃、黃連、芦根、黃酒灌之。卽治。

●治牛爛肩法

牛爛肩不能架犁耕作時。以舊棉絮一球燒灰。候冷以蔴油調敷。不數日卽愈。惟須忌水。博聞錄云。

●養猪秘法

母猪取短喙無柔毛者良。喙長者牙多。一廂三牙以上則不須畜。以其難肥耳。牝者子母不同圈。若同圈則喜相聚而不食。牡者同圈則無害。圈不厭小。處不厭穢。亦須小廠以避雨雪。春夏草多。隨時放拔。糟糠之類。當食則與。八九月放而少飼。又法。猪初產者。宜煮穀飼之。其子三日便搯尾。則無風死之患。六十日後健。骨細肉多。十一月十

二月生者。過一宿後。即取置籠中。微火蒸之。俟其略略汗出便罷。不蒸則腦凍不合。不出旬便死。惟蒸時之火須留意。否則蒸死。

●使猪易肥法

四時類要云。猪子閹割畢。候瘡口平復。以巴豆兩粒。去壳搗爛。和麻根搗爛與糠飼之。半日後即大瀉。瀉後即日見肥大。又方管仲、何首烏各一兩。麥芽、黃豆各一升。共爲末。加鹽一兩拌勻。每日飼以四兩。則易肥。一方。管仲、何首烏、大麥芽各一斤。共研末。每日用四兩拌食內。待出圈之日。半月前服起。候藥完日即宰。其肥較倍。小猪不可用。一法。赤豆煮粥食之。十日後宰。肥大加倍。如不食食。此有病也。用猪牙皂角一錢。研末吹入鼻中立愈。若生癩。以烟葉筋煎湯溫擦。每日數次自癒。

●治猪瘟妙方

大黃、樸硝各五錢。共泡湯一罐。傾出候溫。竹筒灌下。瀉出毒即愈。又蘿蔔葉切碎飼之。可救。或割去尾尖出血即愈。又以朽棺板作欄。永不生瘟。

●治犬中毒法

急用烏藥二兩。麻油一盃。煎滾候溫。飼之立愈。

●治犬生癩法

硫黃研末。拌飯飼之。三數次即愈。每次犬犬三錢。小犬減半。

●治犬生疥法

蛇皮（非蛇退衣）燒灰。和粥與食即愈。

●使犬夜中警覺法

癸辛雜識云。狗最畏寒。臥時必以尾掩鼻。方能熟睡。如欲其夜驚警。設法剪短其尾。鼻寒無所蔽。則終夜知警。庶飼養家得驚盜之益矣。

●治小犬無故亂吠法

物類相感志云。以香油（即婦人頭油）一峴壳灌其鼻中。經宿即治。遇有盜警。仍不失常犬之職也。

●養貓相貓各法彙誌

相貓法 純黃純黑純白者爲上。肚白背黑者。名烏雲蓋雪。身白尾黃者。名雪裡拖鎗。



俱佳。身上有花。四足及尾俱花。謂之纏得過。亦佳。身似狸。面如虎。柔毛利齒。口旁有剛鬚。几莖。尾長腰短。目若金銀。上齶多稜者爲良。又山堂肆考云。貓口中有二坎者。捉鼠一季。五坎者捉鼠二季。七坎者捉三季。九坎者捉四季。玉匣記又云。露爪能翻瓦。腰大會走家。面長雞種絕。尾大懶如蛇。如病。以烏藥磨水灌之即愈。被人踏傷。以蘇木煎湯療之。煨火疲瘁。硫黃少許納豬腸中。煮熟喂之。若生癩。用蜈蚣焙乾研末與食。數次即愈。若生虱。以瓦罈內置重量樟腦。以竹篩蓋口。閉貓其中。約三四次即愈。每次約二刻鐘。多則恐貓受傷。

●治小貓叫不絕聲法

陳皮研末塗其鼻即止。如好煨灶。以硫磺末拌飯飼之即止。

●金貓辟鼠法

壽世保元云。以椿樹葉。冬青樹葉。絲瓜梗及葉各約半斤。一年四季中。每季焚燒一次。則鼠聞之遠避。維須年年焚之。若過兩季不焚。鼠或仍有至者。

●閉塞鼠穴法

以枯荷葉塞洞。則鼠不再開。以辣椒子焚烟。則鼠悉避去。以桐油二兩。和入青油點燈。則鼠不敢竊油。皆經驗良法也。

●醫治禽獸諸疾良法

鶴病 蛇床子和大麥煮熟喂之。

鹿病 用鹽拌料豆喂之。豌豆亦佳。

百鳥瘡 鳥飲惡臭水生爛瘡。甜瓜蒂爲末敷之。即愈。

百鳥翅足折損 喂以芝蔴油。復以芝蔴嚼敷患處。自愈。

雞病 眞蔴油灌之立愈。若中蜈蚣毒。則研菜莢汁灌之。

香油調灌。入口即愈。又菜豆磨粉。水和成條。喂數次愈。 又方 生硫磺灌食極效。

犬病 以水調平胃散(藥店有售)灌之。即愈。

貓犬生癩 硫磺拌飯與食極效。或用硫磺納豬腸內。煮熟喂之。或用百部煎水塗之。

狗蠅多者。以香油遍擦立愈。

貓病 烏藥磨水灌之。如被人踏傷。蘇木煎湯洗。小貓啼叫不止。陳皮研末。塗貓鼻即

止。

猪病 割去尾尖出血即愈。若瘟疫用蘿蔔菜。或同樟樹葉與食。不食難救。

猪瘟 大黃五錢。樸硝五錢。共泡湯一罐。傾出候溫。竹筒罐下。瀉出毒即愈。又方

貫衆三兩。猪牙皂一二兩。水四五碗。煎二三十滾。再用樸硝末三兩。煮一二滾。候溫灌下。亦效。

牛猪病 大黃、黃芩、黃柏、梔子、連翹、柴胡、蒼朮各三錢。水三大碗。煎一碗。灌之自愈。

牛羊猪瘟 牙皂、細辛、川烏、草烏、雄黃同燒灰研末。吹入鼻中。五六分即愈。

牛馬疥癩 蕎麥稈燒灰。淋汁洗。又藜蘆爲末。水調塗甚妙。

羊生疥癩 鍋底煙子。及鹽與桐油各二兩。調勻塗之。

### 蟲魚辟養門

春夏之交。蟲多爲害。盡人皆知。然咸苦驅除之無方。制之莫有術也。雖然。豈真無術者哉。要亦人少考求耳。編者昔年山居無事時。好雜覽野籍。見載此類之方甚夥。遇有爲蛇虺所螫。蚊蚋所苦者。輒以所見方授之。雖有時有驗有不驗。然驗者究甚多也。今彙驗者於此。藉免壯士斷腕之嘆。後附飼養魚鱉諸術。是祠蛇不必師秦公。濟魚儘可效范蠡也。用擷鄙意。貢茲短言。集蟲魚。

#### ●辟蛇諸法

證治準繩云。香白芷栽植園中。蛇不敢入。○獨脚連草。初發生時。便似蓮房。栽植園中。蛇虺不敢過其下。○用雄黃如桐子大。燒煙。以薰衣服被褥之類。則蛇不敢近。○夷門廣牘云。五月五日午時。寫一茶字於紙。倒貼於門柱上。則蛇亦不敢來。

#### ●使毒蛇不敢近身法

研雄黃與大蒜爲丸。入山林時。藏於懷中。則毒蛇辟易。不敢近身。若未曾豫備此丸。而爲毒蛇所嚙者。急嚼碎雄黃大蒜塗之。卽治。見濟世彙方。

●辟蜈蚣法

奇方類編。仙拈集共云。頭髮燒烟薰床下。或廚房。蜈蚣聞之。入土三尺。用銀硃捲紙筒燒之尤妙。

翰按婦女每好戴香花及以茉莉花順置牀頭。不知此二物最易引蜈蚣來。切不可忽之。如被咬傷。查急救門本法治之。

●辟臭蟲法

行厨集云。用蕎麥稗鋪墊。再用蕎麥稽熬水澆淋。其蟲即死。或銀杏連皮搗汁滾滾淋之。亦除根。鰻魚頭骨一個。秦椒半斤。共入火盆內。用鋸木屑燒烟。將明窗緊閉。勿令出烟。其蟲自死。(良朋彙集仙拈集)好安息香。外塗銀硃點着。薰之盡死。行厨集云。頭二蠶蠶沙燒烟熏之。或木瓜燒烟熏之。均能收效。澄江經驗方云。用天麻子搗爛。熏有臭蟲之處。永不復生。

臭蟲最可惡。故編者不惜多載其方。以便鄉居及城市之易覓者。非繁贅也。

●治衣中生虱法

本草綱目云。百部。秦艽等分爲末。入竹籠燒烟。熏之自落。亦可糞湯洗衣。永不再生。水銀。白菓。紅棗。官粉等。塗擦亦效。又古今秘苑云。白菓。二四十枚。加水銀。二三分。搗研野菊花。三錢。研末。和漿。挾勻漿衣。永不生虱。

●治髮內生虱法

仙拈集云。用銀硃四五分。搯塗厚紙上。火點着。放於盃內。上用濕盃微露縫蓋之。待熏盡。其烟升於濕盃之上。乃以手指搯髮中。覆以毡帽。虱盡絕。或以水銀和蠟油搯之。一夜皆死。百部煎湯洗之亦效。

●驅蚊秘法

寒門廣牘云。日蝕時。用紙搓左股繩。先向外搓。合向裡。月蝕時。搓右股繩。先向內搓。合向外。各長小尺五丈。又可合作一繩如筋大。以此圍臥處。則蚊不敢入。鱧魚連皮骨晒干。攪蚊烟內燒之。蚊化爲水。(仙拈集云)一方。用五月紫背浮萍。草陰干。熏之即絕。翰按市街中最好以清潔使蚊不生爲妙。鄉間多青草。潑水。勢不能使之不生。只有用上載各法。然能使水不踏。及滴一滴火油。亦未常不效。家中積水缸。生了丫

蟲。尤宜滴火油也。

●燻蚊秘方

仁安堂經驗方云。白芷 番木鱉(切片焙) 川芎 乾淫萍 艾葉 白鱗骨(各二兩) 雄黃 蒼朮(各一兩) 爲粗末。米湯爲丸。如彈子大。加樟木屑一兩燒之。蚊亦化爲水。

●驅跳虱法

仙拈集又云。黃鱗骨。晒研。同鏹木屑捲筒燒之。其虱不敢近。桃葉煎湯澆之。盡死。五月五日燒棗核燻之。亦絕不生。木瓜置牀上亦效。蒼蒲亦佳。

●驅除蒼蠅法

古今秘苑云。春夏間用蒿本煎湯。浸粗布揩拭酒器及桌子。蠅自不來。又云。陳茶末燒烟熏之。卽去。以臘前三四日雪。收貯至夏。取酒几席間。蠅亦自遠去。行厨集云。臘八日懸猪油四兩於糞坑上。則夏月無蠅。如以柳枝醮酒揮座側。蠅卽齊集柳上。不來爲害。

●驅馬廄中蒼蠅法

馬廄中此物最多。較他處之蠅尤爲可惡。昔見物類相感志云。取瓠之枯葉燒於室內。則蠅悉去。以瓠之新葉浸水。每日用以洗馬。遂不敢來。以上皆驗法也。

按蠅類發生。皆在污穢之糞園中。如欲爲除根治法。當投蓴（音純）菜一把於園中。則蛆自絕。蛆絕則蠅不生矣。他處或亦有效。此本草綱目法也。翰按如他處澆以火油。或重量臭水及樟腦粉皆佳。蓴菜不處處有。照行厨集五月五日。收紫背浮萍草投之亦佳。

### ●驅白蟻法

養竹鷄驅白蟻。法見古今秘苑。然有效有无效。予見驗方新編用硃砂或銀硃燒濃烟燻之。殊有奇效。蓋予試之於山居也。以紅辣椒子晒乾。夾銀硃燒燻之尤效。此鄉人向予所云。又見行厨集云。勿養白雄鷄。此鷄之落羽能化白蟻。或是乎。又有人云。山梔能化白蟻爲水。

### ●驅蟻諸法

瞿佑居家宜忌云。清明日收薺菜（草名不知作何狀）和巴豆共研末。擦厨灶上。其蟻



自絕。上巳日採薺菜花鋪灶上。及坐臥等處。可辟蟲蟻。又七修類稿云。以杉木炭畫路。則螞蟻不敢過。又肥皂煎湯洗抹布拭桌及器皿。蟻不敢上。如餅甑、菜櫃、并欄、糖蜜等。饋有蟻時。以大蒜磨其沿或置於其處。皆能辟去。此粵西人對予言。蓋粵西多蟻也。

●驅蛀蟲法

事林廣記云。五月五日。取蒿芎置厨篋中。可辟蟲蛀。七月七日。收角蒿置毯褥書籍中。可辟蠹魚。採青蒿子置一切器物中。極能辟蛀。又樟腦燒烟熏衣箱簞蓆之類。可去壁虱蛀蟲。按臭蟲有多處呼爲壁虱。

●驅除蠹魚法

古今秘苑云。諸物被蠹。薺菜(草名)燒烟熏之。則蠹蟲皆盡。行厨集又云。置鯪魚骨於衣箱書櫃中。則蠹魚斷絕。

●禁蛙鳴法

編者山居時。蛙鳴閣閣。終夜不休。較之杜鵑啼血。尤爲可惡。後檢古今秘苑得一法。法用野菊花連梗葉研末。順風撒去。其鳴卽止。後又於响嘯神書得一法。法用芝麻稽磨

碎。順風撒去。蛙鳴亦止。以牛胆塗紙。置於所鳴水中。亦不鳴。均有一日半日之效。不敢自秘。書之以告同病者。

### 辟燈蛾撲火法

傳家寶藥方門載。臘月四九內。雪水浸燈草。晒干點燈。蟲蛾俱無。可免撲燈之懺。家居宜忌亦云。清明日太陽未出之時。採薺菜莖陰干。以代燈芯。可辟蚊蛾。斯皆驗法也。

### 養魚諸法

致富奇書曰。古人養魚。維蓄鯉魚。取其不相食而易長也。今人惟養魚秧。初取來時。僅如針鋒然。飼以鷄鴨卵黃。或大麥麩屑。或豆末。稍大。則膏養池中。秋冬取而貨之。亦能得利。然究易相食。不如鯉魚之佳也。白鱧。白露左右始可納池中。前一月或後一月。皆不育。漁人携魚子於舟。若煎炙。油氣觸之。則魚皆瞎目。鱖魚。出潮泥地者。不食他食。惟食泥。仲春捕盈寸者養之。秋而滿尺。腹背皆肥。池不宜太深。太深則水寒而魚不肯長。如池中。被白鵠及鳥遺糞多。則魚多自相食。糞團可解。食楊花則病。亦以清糞解之。魚遊行日夜不息。池中如以石作有洞之岩壁。使之環轉。則易滋長。池旁栽芭蕉。

則露滴入池。可以解潮汛。栽棟樹。則子落池中。可以飽魚。樹葡萄。則葉覆於上。可以免鳥糞種芙蓉。則叢生岸畔。可以避水獺。池宜三面有日。魚必聚日處。浚宜深。飼草亦宜此方。一日兩番。至冬水寒。可不食矣。飼魚不可用水草。恐有黑魚鮎魚等子在草上。大來能食魚。凡魚產子。必沿水痕。雖乾涸十年。遇水相生。其長甚易。產子時以五月。惟銀魚鱸魚則產於冰。冰解三日即生。此養魚家不可不知之法也。

●種鯽魚法

范蠡種魚經云。以活鯽魚用竹刀破開。以水銀少許。同油菜共搗碎之。拌勻原有魚子。納入魚腹。外以菜葉裹之。掛空曠處四十九日。然後剖取腹內原子一二粒。置於河水盃中。以物蓋之。頃之一粒即成一魚。

●種團魚法（俗稱鱉）

陸佃埤雅云。取鱉甲剝如碁子大。搗赤莧汁和合。以厚茅包之五六日。日午時投池澤中。經旬齋齋成鱉。又廣雅云。取鱉齋其肉爲屑。搗赤莧汁沃之。經旬即化爲鱉。如細鱉然。舉而投諸池。一月即成大鱉。

●種蝦法

廣雅云。取已榨乾之酒糟。拌米糠。撒池塘內。三五日。即能成蝦。味亦鮮美。

●以穀稗子捕魚法

古今秘苑云。以穀中稗子。煮熟。傾入河中。則魚相聚而食。下網可以多取。亦可謂廢物利用矣。

●以螢火蟲捕魚法

古今秘苑又云。夏月。取羊尿胞一個。揉軟如紙。吹脹陰乾。入螢火蟲百餘枚。仍縛胞口。繫於罾心網底。群魚不拘大小。各奔其光。聚而不動。捕之必多。

●以獼猴毛捕魚法

珍珠船云。以獼猴毛置網四角。則能多得魚。據云。魚見之。如人之見錦物然。嗟乎。人豈可貪哉。

●以春日飛燕捕魚法

古今秘苑云。以燕子去毛。煨熟。置網中。魚聞香叢至。舉網可以倍獲。

●知水中魚類多少法

甬江近海漁家告予云。欲知水中魚類多少。祇須觀其水色。水色赤者。魚多。蓋下有魚遮隔。故水似淺而其色不蒼。又魚躍之狀不敏捷者。魚亦多。蓋魚類互相接觸。其不能活潑故也。鯿魚愚蠢。鱖魚伶俐。鱖魚每爲前驅。是以捕魚者恒入海中作沙魚鳴。威嚇鱖魚。使鱖魚驚愕而失列。卽能多獲鯿魚。予以其言近理。昔年曾載入漢口楚報談苑中。今列於此。以佐漁業家研究焉。

●送活鯉至遠方法

欲送鯉魚至遠方時。以頂上茶末。充塞鯉魚口。復以水濕紙。將魚包裹數重。裝於箱內。然後起行。雖在途中十日。亦決不死。至後。盛水於桶。取魚養之。則魚異常活潑。其風味亦較常鯉爲佳。見阮葵生茶餘客話。云大熱大寒之天。則不效。

●飼養金魚并看護法

花鏡云。新缸未畜水時。缸以底尖口大者爲良。擦以生芋。然後注水。則生苔而水活。夏秋暑熱時。須隔日換水。則魚不蒸死而易大。俟季春跌子時。取大雄蝦數隻。蓋之。則

所生之魚。尾皆歧分三五。甚爲美觀。維蝦之鉗。須去其半。則魚不傷。視雄魚沿缸趕咬。卽雌魚生子之候。取其草映日照看。有子如粟米大。色亮如水晶者。卽將此草另放淺瓦盆內。貯水寸餘深。置微有樹陰處晒之。（不見日不生。遇烈日亦不生。）二三日便出。勿與大魚同處。恐爲所食。子出後。卽用熟雞鴨卵黃捻細飼之。旬日後。遂取河渠穢水內所生小紅蟲。（此蟲名沙蟲）以清水濼淨飼之。不可着多。至百餘日。黑者漸變花。次漸純白。若初變淡黃。則次漸純紅矣。如魚翻白。及水泛沫。急換新水。以免傷魚。將芭蕉葉根搗爛投水中。可治魚泛。如魚瘦而生白點。名爲魚虱。急以楓樹皮或白楊皮投入卽愈。或新蟬（音車。卽車螯。介蟲類也。色紫有殼。產海濱。此物不易得。以新瓦代之可也。）入糞桶內浸一宿。取出晒干。投缸中亦可治虱。

●作小池蓄水養各種魚法

欲作小池養魚時。須先以三和土等塗之。未入清水之前。又須先焚稻草。則永久不損。既入清水之後。每隔三四日。亦須更換其水。經六七十日。始入魚類。其時油鹽之氣悉去。池中遍生青苔。故魚類能生活。若不如是。冒冒入之。則魚類悉斃。又養魚時。宜置壺

於池中。使之有藏匿之所。則魚易長。亦古今秘苑所云。

●飾假綠毛龜法

古今秘苑云。夏日取尋常之龜。不拘大小。用生薑自然汁塗背上。又用污泥塗之。自然生出綠毛。與真者無異。

●捕蠅法補

近得近人捕蠅法。試之頗效。補之以告讀我書者。法用生松香六兩。生胡麻油二兩。蜂蜜二兩。(不論黃白皆可用)同入鍋中。文火溶化。用篲攪勻。再加清牛皮膠水一碗。浸之。塗附於無論何種新舊繩索上。斜掛於當風向陽窗牖上。任此繩隨風搖蕩。則蠅必蜂集。集上則不得脫。俟蠅集滿時。然後取下放滾水中泡死。用以飼雞。非特鷄易肥。且易生卵。洵一舉兩得妙法也。

翰按此藥料可以製數繩。并可以更替爲用。且其氣味。可以投蠅所好。不虞其不入我穀中。繩不直懸者。蓋蠅不喜集直繩。而好集斜繩也。

## 急救死傷門

事有倉卒。禍無定期。一但遭逢。何從措手。是故未雨綢繆。朱崑山引爲家誡。臨渴掘井。淮南子借作喻言。別人急戕生。世所恒有。物窮反噬。亦理常情。不有妙方。何以壽世。因特廣輯。以濟所窘。法雖出自舊書。救人實有經驗。他如局於方隅之劑。不便窮鄉之藥。暫不多靡。以免有徒法難效之慨。因書短語。布我區區。集急救。

### 奪取瘋人手中刀刃法

瘋人發狂時。手中持刀刃亂舞。極爲危險。且其力大如牛。奪之不慎。反爲所傷。今於岳家拳術秘書內覓得一法。穩而且妥。其法以身着之長單衣迎其刃力舞去。則其快口爲衣所裹。然後用力一拔。彼出其不意。手力一鬆。則刀刃脫去矣。兩無所傷。保全甚廣。洵奇法也。又法。令一人取冷水一盆。從其後淋頭澆下。彼必一驚。趁其吃驚之時。急更令二人取大被單擡頭罩下。用力縛緊一抽。彼必倒地。然後再奪刀刃。此法亦佳。但持被罩之人。亦須與取水人同時預備。否則緩不濟急。仍屬徒然。不可不知。

### 救毒蛇纏身不脫法



蛇纏人身。愈纏愈緊。最難解脫。急令其人在地。遍身亂滾。蛇自骨軟而解放也。神效。又方另請一人。用勁草刺蛇尾上小眼。亦極神效。脫後外敷雄黃。內服烟油以解毒。

⑤救蛇鑽入七竅法

夏日納涼。薰風如醉。偶爾貪眠。草地小睡。致被小青蛇鑽入。或置兒草地。父母勤農。流年不佳。或遇有此等事。千切不可驚慌。用手力拔其尾。急割母猪尾血滴入即出。或以胡椒末入蛇尾小眼內。蛇亦自退出。或用草刺蛇尾小眼。蛇亦退出。若用手拔。越拔越進。大人小兒。兩不能保矣。慎之慎之。（與後法參觀）

⑥救自刎法

急宜早救。遲則額冷氣絕。不可救矣。其法乘初割時。輕輕扶住。使仰睡。將頭墊起。合攏刀口。將血拭去。用大雄雞一隻。快手輕去其毛。生剝其皮。乘熱貼傷口。內服玉真散自愈。愈後鷄皮自落。（參用外國麻醉藥止痛尤佳。）○又法。照前合攏刀口。用生熟松香各半。或加生半夏末亦可。將傷口厚厚敷緊。（或用葱頭和白蜜搗融敷亦可。）外用膏藥。（不論何項膏藥）周圍連好肉一併粘貼。再用布條圍裹。鉤線縫好。每日服玉

眞散三錢。覺傷處生肌。則日日常服。無論食噤氣噤俱斷。一月必愈。屢試如神。如氣噤已斷。大氣已絕。只要身體微軟。一面照前敷治。另以回生丹服之。亦可活也。

翰按此法無論自刎被殺皆效。藥散各埠大藥店皆有售。能依法治。救一命即是兩命。仁人君子。務廣傳之。積德不少也。

### ●救剖腹出腸法

無論自刎被戮。苟氣未絕皆治。法用好醋煮熱洗之。(不可太熱。亦不可冷。隨洗隨入。外用活剝鷄皮。乘熱貼上。再服玉眞散(見前)自愈。有人腸出三日腐變。如法治之而愈。愈後鷄皮自落。

### ●救縊死法

不可割斷繩索。急以衣裹足。緊抵糞門。若是婦女。則連陰戶抵住。緩緩抱住解下。安被放倒。(急將所弔繩索。用碗裝好。用火蒸之。其活更快。)一人踏其兩肩。以手緊提其髮。不可使頭垂下。一人微微擦整喉嚨。一人擦按心胸。又輕輕摩其肚腹。一人摩擦手足。緩緩彎動。若已硬直。但漸漸強彎屈之。又用脚裹衣。緊抵糞門陰戶。不使洩氣。以兩人

用竹管吹其兩耳。不可住口。或用雞冠血滴鼻中。男左女右。(男用雄雞。女用雌雞。)如此一飯之久。卽有氣從口出。不可鬆手。少頃以淡姜湯。或清粥與食。令潤咽喉。漸漸能動乃止。凡弔死從早至晚。雖已冷可活。自夜至早。稍覺難救。總之身體稍軟。心下微溫者。雖一日以上。若依此救法。多吹多摸。無不活者。勿謂已冷。忽畧不救。造福不小。

◎救溺死法

撈起時急急將口撬開。橫啣筷子一根。使可出水。再以竹管吹其兩耳。碾生半夏末如豆大。吹入鼻孔。又用皂角末置管中吹其穀道。如係夏月。將溺人肚腹橫覆牛背之上。兩邊使人扶住。牽牛緩緩而行。腹中之水。自然從口中並大小便流出。再用生姜湯調蘇合丸灌之。或生姜汁灌之。並用生姜擦牙。若無牛。用一人覆臥躬腰。令溺人如前將肚腹橫覆於活人身上。令活人微微搖動。水亦可出。或用大鍋一口。覆寬檯上。將溺人覆於鍋上亦可。要將溺人臍對鍋臍俯臥。手托其頭。如係冬月。卽將濕衣更換。一面炒鹽用布包熨臍。一面厚鋪被褥。取竈內草灰。多多鋪於被褥之上。令溺人覆臥於上。臍下墊以棉枕一個。乃以草灰將渾身厚蓋之。灰上再加被褥。不可使灰暎於眼內。其撬

口啣筴。灌蘇合丸。生姜湯。吹耳鼻穀道等事。俱照夏天法。冬天甦醒後。宜少飲湯酒。夏天宜少飲粥湯。

按灰性煖而能拔水。凡蒼蠅溺水死者。以灰埋之。少頃卽活。此明驗也。溺人偷或微笑。必急掩其口鼻。如不掩住。則笑不可止。不能救矣。又不可急於見火。一見必大笑而死。俱急救者。不可不知之事也。

●救凍死法

冬月凍死之人。雖人事不知。苟胸中微溫。皆可救。偷或微笑。必急掩其口鼻。如不掩。則笑而不止。不可救矣。切不可驟令近火。但一見火。則必大笑而死。如四肢直。口噤。有微氣者。用生半夏末如豆大少許。吹入鼻內。又用大鍋炒灰布包熨心腹上。冷則換之。候目開。以溫酒及清粥少少與之。不可太熱。恐傷齒盡落。如已救活。用生姜（搗碎）陳皮（搗碎）各等分。用三碗煎一碗。溫服。○又方。用麩或草薦捲之。繩索繫定。放在平穩處。令二人相對踏。令滾轉往來如扞麩法。候四肢溫。卽服上藥。○又方。用雄黃煇硝等分爲末。點兩眼內角。亦能活。

●救跌死法

急扶之起。令盤膝坐地上。以手提其髮。將生半夏末（約豆大）吹兩鼻中。以生姜汁灌之。只要心頭微溫。雖至一日亦活。再用白糖調水與服。散其瘀血。或加童便灌之。或以回生丹（見後）灌之。立活。真仙方也。壓死治同。

●救吞鴉片烟法

急用活鴨血多多灌之。凡吞鴉片烟者。最爲神效。雖身冷氣絕。似乎已死。如身體柔軟。則臟腑經絡之氣尚在流通。實未死也。乃鴉片烈性迷醉之故耳。急將其放在潮濕陰地。用筷子撬開牙齒。（或用磁調羹撬開。或用烏梅擦之亦開。若用銅鐵等物。反不能開矣。）以筷子橫放口內。使口常開。以冷水時時灌之。或白沙糖調冷水灌之更妙。外用手帕二三條。以冷水泡透放胸前。輪流更換。或用整塊豆腐亦可。又用冷水一盆。將頭髮散放盆內。時時換水。切不可見太陽。一見日照。即不可救。三四日後。鴉片之氣散盡。即活。如身不硬。雖七日內亦可回生。切不可爲無救。即行棺殮。此法曾救多人。無論服毒輕重。雖手足青黑。照此救法。無不活也。切忌灌服醬油。恐受鹽滷之毒。反致誤。

事若服藥雜亂亦不可救慎之慎之活後多服白沙糖水及生萊豆末沖水服最效。有老伴作云檢吞服鴉片烟死者屍骨伏者居多側者亦間有之。維平仰者則甚少。蓋因其人埋在土中烟毒爲土氣吸盡仍復生活。輾轉棺中不能復出。久則眞死矣。故其骨殖不伏即側實爲服鴉片烟死者可救之確証也。

●救吞砒霜法

防風一兩研末冷水調服。或用四兩冷水搗汁灌服亦可。屢試如神。萬無一失。○又法殺白鴉取血對口急急灌下卽活。遲則血冷。如已服防風必能回生。可以不必服此。以免雜亂。反致不救。

●救服鹽鹵死法

令人急覓生豆腐漿冷服二三碗。至神至妙。如一時難得。以黃豆搗碎沖冷水去渣服之。或用活鵝鴨血多多灌之。卽活（活後戒食鵝鴨二年）○又方。以白沙糖五六兩。用冷水調服亦極效驗。○又方。用淘米水冷服三四碗亦效。

●救煤毒薰死法

工廠及其他蒸汽機關。或自來火廠。并家居之好用煤爐取煖者。皆有此害。予在漢陽鋼鐵廠供職時。親見馬丁廠（煉馬丁鋼所）煤汽爐之後。熏死數人。後得此法。亟與廠長劉君琪。監工員李君石菴言。逢有死者。以此法治之皆驗。法用蘿蔔搗汁。移向有風處從口鼻頻灌之。即甦。甦後與以重量白糖汁尤佳。（無蘿蔔時以白糖代之亦可。）予見者皆小工。因冬夜臥於爐旁取其煖氣可以代被。次日點名竟之。死矣。死時屍體青軟。面不作惡狀。一如沉睡者。救活詢之。不知也。

●救平人無故七竅流血死法

平人無故。并無服毒情事。而耳目口鼻一齊出血。名曰上虛下竭。死在須臾。不及用藥。先將冷水當面噴幾口。若是婦女。急分開頭髮。以水噴之。男子無髮可分。用粗紙數層。冷醋浸透。搭在顛門。其血即止。隨用補血湯。炙黃芪一兩。當歸五錢。煎濃湯。加沈香（五分磨汁）童便一盞兌服。血自歸經。再加調理。多有全活。否則不活。

●救男女脫精法

男女交感。樂極一洩。致精脫而死者。切不可驚走下牀。男脫則女以口哺送其熱氣。女

脫則男以口哺送其熱氣。一連數十口呵之。則必悠悠然陽氣重回矣。再以人參附子湯灌之。(送氣之法。先須閉口。提丹田之氣上來。盡力哺於口中。送下口去。可救垂絕於俄頃。)若貧者不能得參。急用黃芪四兩。當歸二兩。附子五錢。水煎服。亦有生者。○又有一法。用人抱起坐之。以人之口氣呵其口。又恐不能入喉。急以筆管通其兩頭入病人喉內。使女子呵之。不必皆妻妾也。凡婦人皆可盡力呵之。雖死去亦生。

●救吞紅頭火柴法

此物極燥烈。燐毒尤重。如和燒酒服之。其害更甚於鴉片。始作俑者不知何人。其真無後者乎。予在杭時。曾親見有用重量豆漿灌飲救活者。以相生相尅之義求之。實覺有至理存焉。故揭以傳世。急切無覓豆漿時。用石膏溶醴液灌之。功效或相同也。

●救飲燒酒醉死者法

凡飲酒醉死者。急解醉人頭髮。放新汲井水盆內。將衣解開。用豆腐遍身貼之。(無豆腐用布浸井水貼之。)少刻再換。換至數次必醒。惟寒天不宜。○又方。樟樹子四錢。酒三杯。煎滾。候溫灌之。即醒。或用樟木二兩煎水服亦可。此仙方也。屢試如神。○又方。



用鍋蓋上熱氣冲上之水半盞。灌下。半時即醒。如牙關緊閉。用烏梅擦牙。以磁調羹（即匙子）撬開灌下。或打開一牙灌入。切不可以身冷氣絕而不救也。○又方 麝香半分放口中即醒。○又方 黑豆一升煮汁。乘溫灌下。飲至三盞即醒。○又方 白蘿蔔汁。或熱尿灌之。俱效。○又方 急用生蚌瀝水灌之亦救。

所舉以上各方。皆有效驗。且便於鄉僻無法覓藥處。非好求多也。

●救各種疔瘡法（附各方）

（凡疔瘡好而復發。此疔根未出故也。若不急治。再發則根深難治。有拔疔根法見後。）○疔瘡發之最速。有朝發夕死。隨發隨死。有三日五日而不死。至一月半月而終死者。其毒最烈。或發寒熱。或發麻木。或嘔吐。或煩燥。或頭暈。眼花。或舌硬口乾。或手足青黑。或心腹脹悶。或精神沉困。或言語顛倒。此皆生疔之症。其形或大或小。或長或圓。其色或白或黃。或紅或紫。或有紅絲。名色甚多。治法則一。倘辨別不清。以生黃豆令本人嚼之。如無豆腥之味。即是疔瘡。

疔瘡多生暗處。或痛或不痛。或癢或不癢。發時人多不覺。若不早治。最易誤事。有發

寒熱數日而後生者。有當時生者。初起如粟米大。或大小不一。如發寒熱及麻癢嘔吐等症。即於遍身留心尋認。凡鬚髮眼耳口鼻肩下兩腋手甲縫冀門陰戶等處。更宜細看。一日須看數次。有則照方醫治。若前心坎後背心有紅點者。即照後羊毛疔方治之。如尋覓不見。取甌中氣垢少許納口中。必有一處痛甚。即知疔瘡所在。須急宜刺出惡血以見好血而止。（諸瘡及刀鑱疔忌用刀針。餘疔不忌。）如毒重者。急服護心散。或菜子油一碗。（真麻油亦可）以免毒氣攻心。若服菊花飲亦可。

蜘蛛拔毒法○先將疔頭用磁片刺破。尋活蜘蛛一個。（越大越好）放疔瘡上。蜘蛛一見。自能奔往吸拔其毒。少時蜘蛛不動。即取放冷水中自活。如疔未愈。可用蜘蛛再行吸拔。或另取蜘蛛用之。以毒盡爲止。無論疔在何處。雖毒重痛極。不省人事。命在垂危。立可回生。此急救第一良法。凡手指生蛇頭瘡。及毒蛇毒蟲咬傷。皆可照此拔毒。

菊花飲○白菊花葉（連根用）搥取自然汁一茶鍾。滾酒兌服。用酒煮服亦可。（不如生汁爲妙。毒重者宜多服。）渣敷患處。留頭不敷。蓋被睡臥出汗。其毒自散。無論生在何處。雖欲氣絕。亦可起死回生。至穩至便至靈。諸方皆不及此。不可遲疑自誤。無藥用

根。如根葉俱無。卽用藥店中乾白菊花四兩。少則不效。甘草四錢。酒煮。溫服亦可。  
地丁飲○紫花地丁一兩。白礬 甘草各三錢。銀花三兩。煎服。各疔俱效。有人  
生紅絲疔。已走至乳旁。服之立愈。眞神方也。

葱礬散○明礬三錢。研細。葱白七個。二味共研爛。分作七塊。每塊以熱酒一鍾送  
下。服完卽睡。蓋被取汗。如無汗。再服。葱頭湯一鍾。少頃汗出如淋。其病若失。此方不但  
治疔。一切惡症皆可治。初起未成膿者更妙。

烟油膏○用烟桿中烟油厚敷四圍。留頭不敷。少刻疔破出水而愈。奇效。如有紅絲者。  
用烟油離絲三分處敷之。絲卽不走。○又方。黃色溇雞糞。厚敷四圍。將疔頭挑破不  
敷。極效。○又方。生黃豆嚼爛敷之。極效。

◎救頭面諸疔法

治脣疔方 紫花地丁、金銀花、各一兩。白果二十個。桔梗、甘草、知母、各三錢。水煎  
服。至重五劑愈。服醒消丸亦治。并治頭面諸疔。

七星攢月疔方 一人唇口生疔七個。頭腫如斗。心悶神昏。百藥不效。後有人云。此名

七星攢月。用蛔蟲搗爛敷之。頃刻瘡口出黃水。腫消神清。次日全愈。如無蛔蟲。以五穀蟲一錢。瓦上焙研末。白礬三分。蟾酥三分。以燒酒溶化。調勻敷疔上。少刻疔亦破。流毒水而愈。○又方。凡口生疔瘡。看大腿彎中。如有紫筋。用銀針刺出血。即愈。有人不知疔在何處。但唇內癢極。須臾半面腫硬痛甚。見腿後起有紫筋。刺之立效。○又方。雄雞冠血點上。其效如神。

對口疔方。急覓癰團數個。生破一個。覓其肝貼疔上立消。如不消。乃毒重。視前貼之肝已乾。再剖一個。覓肝貼之。換至三個。無有不效者。并治面上諸疔。○又方。如急切無癰團可覓。覓鮮烏草魚一條。去其鱗。取其皮貼之。隨貼隨乾。乾則另換。至數十次。必破口而愈。不可忽視自誤。疔生在頸後對口處。故名癰團。又名蝦蟆。

### ●治葡萄疔良法

葡萄疔者。其狀如葡萄。能生於一夜之內。苟不速為療治。一日之內即死。生此疔時。艾灸此人之身不熱。嚼生黃豆不腥。反覺其有香味。治之之法。宜以大蒜煨灰存性。和糊塗之。有起死回生之功。除此藥之外。雖和緩復生。恐亦不可救治云。

●治紅絲疔法

此疔流走最快。生於足者。紅絲長至臍。生於手者。紅絲長至心。生於唇面者。紅絲長至喉。至則均不可救矣。手足兩處。可用頭髮離絲一二寸遠。緊緊捆住。並將絲頭刺破。或用燈火。或用艾火。在絲頭燒之。絲即退散而愈。不散再燒。以散爲度。其效如神。

●治羊毛疔法

羊毛疔初起時。頭必痛。身必發寒熱。兼煩悶欲嘔吐。前心後背間必有紅點如疹子形。急用針先挑破疹子。見有絲如羊毛者。急行挑出。再用明雄末二錢。青布包紮。蘸熱燒酒於前心坎瘡上一二寸外。四圍團團擦之。漸漸擦入瘡眼。其毛即奔至後背心。再於背心照前擦之。其羊毛俱拔於布上。即埋入土中。內服菊花飲。或葱白飲。地丁飲。（俱見前一護心散。俱可。此良效之法也。

●治刀鏢疔法

刀鏢疔形如韭菜。長僅一二寸。肉色紫黑者是。忌用針刺。用前葱礬散服之。並搗雞糞敷之。即愈。遲則毒歸心臟致命。如不知誤用針刺見血。恐其一但走黃。亦覺難治。

●治羊毛癩法

此症忽起一泡。其形如癰。內有羊毛。亦名羊疔。初起或頭痛。或發寒熱。卽是用黑豆蕎麥各等分研末。挑破敷之卽愈。內服菊花飲亦可。如各種疔瘡出血不止。飲真麻油一大碗卽止。或飲棗子油更妙。

●治疔瘡走黃法

凡疔毒腫痛神昏。甚至不省人事。謂之走黃。急用芭蕉根搗汁服之。立可回生。或照前菊花飲地下飲服之。均妙。人云走馬看疔瘡。況至走黃。尤爲險之又險。切不可忽之也。

●拔除疔根法

疔毒重者。好而復發。此疔根未出故也。若不急治。再發則根愈深而難治矣。方用葶麻子一粒。(去油)乳香一分。(去油)共搗爛。用飯和爲餅貼之。少時疔根自出。○又方葱白加蜜搗融。將疔刺破敷之。如人行五里。其根自出。

●救竹葉卡喉法

乞丐所售小兒玩具之笛類。多用微薄竹葉爲簧。取其易於震播出聲也。小兒不知利

害。或倒吸一口。致此簧卡入喉間。最爲危險。蓋此物易閉喉管。阻斷呼吸。少一延遲。每致不救。急取牛口白沫。以滾水沖服。葉自軟化而下。此宋陸游老學菴筆記驗方也。

●救魚鈎刺喉法

及週之兒。玩弄鈎鈎。效魚吞餌。致鈎刺喉。創痛大呼。命在須臾。大人見之。切不可驚慌亂拔。反致悞事。急用念佛數珠一粒。或其他同類大小光滑之珠亦可。不必執定用佛珠。一穿入鈎線。一將線剪斷。留尺餘穿珠。一輕輕將珠循線推進喉間。審得鈎已脫喉時。再輕輕扯出。兒必無恙。喉管雖破一小洞。然無大妨礙也。若手忙腳亂。必悞大事。

●救諸豆卡喉法

豆類逢水必膨脹。若小兒誤吞入喉中時。亦極危險。急覓土狗（蟲名。喜撲火。春夏隨地皆有。又名蛄蝼蟲）數個。搗爛敷喉外腫處。其豆自縮小而下。洵奇方也。

●治錢類梗喉法

小兒誤吞錢類入喉。梗塞將死時。用鈎床擦葶藶（又名地栗）成齏。調麻油飲之。卽出。

●治湯火傷法（附立刻止痛方）

石膏滑石量傷之輕重。配藥多少。共研爲末。以鷄蛋白和之。厚敷傷處。其痛自止。或急切無處覓藥時。以青油燈盞內之油敷之。以食鹽少許塗其上亦佳。

又法。以未生毛開眼之胎鼠。泡於真正好麻油內。不半月其鼠自化爲膏。臨用時。以此膏少加冰片於內。尤穩而且效。

又法。夏秋之交。預藏大南瓜一枚。俟冬日大雪時。卽破此瓜去子收於瓦罈內。取雪醃之。埋於田園土內。封緊勿爲蚯蚓等所入。待次年六月伏中取出。則已化爲清水。量水之重量。酌加鼎上梅花冰片。備之治湯火傷。實無上聖藥也。

附立刻止痛方 生芋芳搗融敷傷處。芋熟再換。數次立愈。卽能止痛拔毒。雖極重者。亦不至潰爛。盧陵鍾受百。(爾穀)江右國工也。爲說此方。經驗屢屢。

### ◎治犬咬法

被犬咬時。塗糖傷處。卽治。又法。急於無風處。擠去傷血。以自己小便去頭尾洗淨。塗熟牛糞於上卽治。又法。取蓖麻子五十粒去殼。和水研之成膏。先以淡鹽水洗傷處。而後塗之。又法。以白礬末摻傷處。用布包裹。自愈。又法。刮青柚子外皮塗傷處。洋犬咬同治。



●治瘻狗咬法

被瘻狗（俗名瘋狗）咬傷時。急用手力擠之。使創口出血。若出血少。則以針刺創口周圍。使之多出。又如手部被咬。則使人以小便淋其肘邊。足部被咬。則淋其膝頭。小便多。多益善。使小便流於創口沖洗。盡去污血後。以胡桃剖二去肉。填滿人糞（要無病人之糞）於殼內。覆置傷處。用艾火灸之。艾當燃緊而大。當日須灸百炷。使胡桃殼燒焦。人糞乃乾。再三換灸。灸畢。研杏仁如泥。厚塗其處。以布或木綿重裹創口。血水流後。翌日去杏仁。灸如前。而後以膽礬爲末。摻於創口。裹之以布。其後每日用黃酒洗去膽礬。再如前法灸之。灸後又敷膽礬。如是者六七日。血水尙出時。每日仍須灸百炷。及血水不出而止。洗去膽礬。再塗杏仁。以俟其愈。維須戒嘴百日。房事半年。否則復發不治。內服藥。杏仁式錢。馬錢（卽木鼈子）五分。水二碗。煎至一碗。頻飲少許。又搗韭取汁。前五六日間。須日服一杯。百日內須避大小風。忌聞鑼鼓。及一切響物切切。

●治螞蝗咬處流血不止法

螞蝗多棲於水田池沼等處。農夫每爲其所嚙。若嚙後流血不止時。急以稻草灰之黑

者塗之。塗後作癢者。恐成瘡。斯時宜塗以烟管中之烟油。

●治被蜈蚣咬法

若被蜈蚣咬傷。痛不能忍時。速以紅燭燃着。取其煤。敷患處。片刻後即能止痛。並免潰爛。又法。急破大雄鷄之冠。滴血於被咬處即治。又法於乾燥地上書一王字。即取王字中心之土。口唾和塗之亦愈。又法手指甲磨水敷。立愈如神。萬無一失。有人被蜈蚣咬傷。其色碧綠。腫大如碗。痛不可忍。百藥隨敷隨乾。其毒不散。後用此方治之。應手而愈。此法最爲簡便。毋庸第二方也。各項毒物咬傷。雖未試過。想亦可治。

●拔刺秘法

手足等誤被竹木刺入時。用螳螂膏塗之。其刺自出。法於秋間取螳螂陰干藏之。及需用時。將螳螂研細末。用飯捏和。塗於受刺部分。則刺自出。奇妙如神。

●治諸蟲及豆類入耳不出法

諸蟲或豆類。誤入耳中不出時。取猫尿滴入。則蟲立出。豆類亦自分爲二而出。洵秘法也。(取猫尿法。以生姜擦猫鼻。則尿自出。用盆盛之。取用可也。)

●治誤吞水銀法

誤吞水銀時。少服金箔。則水銀皆吸於金箔而下。又法。將山椒之黑實拔去。囓圖吞之。則水銀吸於其中。合口隨大便而下。

●治吞金法

誤吞金器。胸膈痛不可忍時。以羊頸骨煨灰研末。每服三錢。米湯送下。經一夜。其金器即隨大便而出。急切無羊頭骨寬處時。以頂上蘇油和葦菜生嚼吞服亦妙。

●治小兒誤吞鐵釘法

小兒誤吞鐵釘時。急剝新炭之皮。研爲細末。調粥三碗。使小兒食之。其釘自下。

●治大人小兒咽喉腫塞呼吸不通性命垂危法

以萵苣(菜名)根煨灰。納鉢中研末。管吹入喉。須臾即開。呼吸亦通。此方實有起死回生之效。不可等閑視之。蓋咽喉閉塞。爲至危急之症。他藥之奏效。決不能如此迅速。此藥已活人無數。洵濟世之良方也。又鼻中生瘡癩閉塞不通時。此藥吹入。亦能頃刻即

●喉痛外治法

喉痛有多種。亦至危至急之症也。今得一外治法。取鹹猪肉一薄片。以紅胡椒塗之。極厚極厚。臨睡時縛喉間。可止痛。但須辨明寒熱而用之耳。

●治小兒生下不啼法

凡難產或天寒之時。孩兒生下不啼或已死者。急用新綿衣包裹。再用香油蘸紙擦。將臍帶慢慢燒斷。暖氣入臍。漸漸作聲而活。若先剪斷臍帶。必死無疑。切宜慎之。慎之。

●治小兒陽具纏物法

一小兒被頑兒用頭髮繫住龜頭。少時氣閉腫大。無法可解。後將小兒坐冷水中。即刻縮小去髮而愈。

●治魚骨鯁喉法

孟子曰。魚我所欲也。熊掌亦我所欲也。兩者不可得兼。我其取魚者乎。然而偶不經意。則骨鯁在喉。苦趣不可名狀。若以橄欖核磨水服。則鯁立消。多嚼橄欖尤驗。如爲魚刺鯁喉。則購柿餅囓吞之。刺即隨之而下。更食橄欖。足以消化於無形。

●治誤斷手指法

用降香銼細末摻之。裹以絲綿。七日不可落水冒風。不必再換。一次即痊。

●失火時被濃烟薰悶急救法

凡失火及其他故被烟薰悶。或死而猶溫之人。急榨蘿蔔汁灌入其口。則自然蘇生。若被火灼傷。或死而未冷者。另查他條治之。或翻尋他項方書。或閱洗冤錄。或查傳家寶。(書名)或覓驗方新編均可。

●治貝類碎片刺入足底法

漁夫等入水中。偶觸貝類碎片。刺入足底。痛不可忍時。宜急捕蝦蟆一隻剖之。連腸雜貼傷處。即治。(蝦蟆俗呼癩團。目紅腹無八字紋者勿用。)

●治中笑菌毒法

笑菌多生於朽腐之楓樹上。若誤食之。即發大熱面赤眩暈。口中吐沫如砥水。狂笑不止。終至悲泣。或吐血而死。故中毒之時。宜多飲地漿。或多服糞汁。皆有奇效。

●治中螞蝗毒法

此物又名水蛭。鱉唇最多。洗滌不得其法。誤食入腹。久必生子。食人肝血。腹痛不可忍。鼈目黃瘦。不治必死。用桂圓肉（荔枝肉亦可）包烟油（即烟桿內之油。又名烟屎）吞之即死。隨於大便而出。屢試如神。此經驗第一方也。○又方 用白蜜頻頻食之。亦治。然虛人不宜。螞蝗火煉成灰。見水即活。維見蜜即化為水。不能活矣。

●治食鱉中毒法

鱉腹紅者不可食。鱉頭綠者尤不可食。鱉尾拳縮尖小而有孔者更不可食。若誤食之。腹脹若患蠱。痛急欲死。急飲藍靛汁可解。井水或冷水或清鹽飲之亦可解。（毒重者不效）能不懔穢。飲白馬尿尤佳。若與菟菜同食發毒者。飲此亦治。

●治鐵針刺入肉內法

鐵鍼入肉。隨氣游走。若走至心窩甚險。（用後虢螭蟲方治亦效）急用烏鴉翎數根。瓦上焙焦黃色。研細末。酒調服一錢。外用車輪上油垢。調真磁石末。（俗名吸鐵石。五金店藥店均皆有賣。）攤紙上如錢大。貼之。每日一換。自出。○又方 真磁石一兩研末。用菜油調敷皮外。離鍼入處寸許。漸漸移至鍼口。由受傷原處而出。神效。○又方 生

癩蝦蟆眼珠放鍼口。半日後自出。神效。

●治誤吞斷針入腹法

急覓癩蝦蟆壹隻。(目紅者勿用)活取其眼珠一對。清水生吞入腹。半日即隨大便而下。其眼珠自穿鍼之兩頭。誠奇法也。

●治五金碎片彈入肉法

不問銅鐵錫鉛之五金類。苟被其碎片彈入肉中時。以陳火腿皮搥融。連油膏敷之即治。無火腿醃肉皮亦可。

●治被鳥鎗流彈入肉法

扁魚肚膽(俗呼邊魚)煮熟。和糯米飯搗爛敷之。換二三次即出。此在手足及兩股用之。若在身上及肚腹內。用土狗(又名蝟)同扁魚肚煮熟搗爛敷。雖不能取出。其彈漸落下部。不能爲害矣。

●治被快鎗流彈入肉法

快鎗不比尋常。此言傷不在致命處也。若在致命處。神仙無法。西人之醫。亦不能逾此。

方用蜈蚣三個（俗名推車蟲）巴豆四五粒。共搗如泥。敷傷處。先止痛。後作瘻。少刻。其物必出。神效之至。○又方。蚤蟻子（又名蚤甲蟲。又名偷油婆。江蘇人呼爲蠓娘）。搗融敷之。一日即出。神效。又方。南瓜（北人呼爲倭瓜。江蘇等處亦有呼爲北瓜者。窩音倭）搗融。四圍敷之。隔日必出。極效。○又方。乾莧菜搗爛。和紅砂糖敷之。自出。奇效。○又方。眞象牙刮末。水調敷。乾則加水潤之。甚驗。

●治魚翅獸箭入肉法

魚翅獸箭。皆竹木敷藥製成。行人不慎。誤踏其機。輒爲所傷。醫不得法。動多潰爛。茲方用鹿角（燒枯存性）研末。以水調敷。久不出者。不過一夜即出。○又方以松香敷上。用布包裹。三日必出。不痛不癢。甚妙。○又方用生蒲公英搗爛敷。雖腫爛亦效。○又方取鮮牛膝搗爛敷。縱傷口已合。刺亦自出。○又方以葶麻子搗爛敷。痛止即出。神效之至。

●治碎磁入肉法

白堊（要二角形者。去壳與心）不拘多少。浸棗子油內。取出搗融貼之。日換一次。雖入肉多年。爛而不出者。二次即愈。



●治蟻入耳法

以點清油燈之油燈芯入耳。其蟻自附燈芯而出。以杏仁研末入耳亦佳。否則急以手指緊塞未入蟻之耳。使氣從入蟻之耳出。其蟻亦不能內行。自當折出也。

●治微物入目法

以柚子核煨灰存性。置於舌上即出。小飛蟲入目亦然。

●治石灰入目法

石灰糝入目中。最爲危險。可以極細之白糖。化爲清水。取其濃而清者。將眼皮展開。以糖水滴入目中。可以無害。

●治蛛絲入目法

蛛絲入目。其痛難忍。茲有一法。用明礬末和入滾水貯於盆內。將首俯於盆上。以水內之氣薰之。其絲即落於水內。屢試屢效。又法。以頂上真中國烟製之陳墨研汁點眼。絲即隨淚而出。編者兒時曾犯之。故知其效也。

●治飛塵入目法

凡風吹飛塵入目。切勿閉目。更不可以手掩目疾揉。蓋愈揉則塵入愈深。不易出也。須疾疾開闔雙目。口復疾睡不已。不俄頃。其飛塵自出。此法屢經試驗。奇效異常。不可不知也。

⑤ 治眼目爲火爆傷法

三七葉搗汁。點數次即愈。或用三七磨水滴入亦可。屢試如神。○又方以南瓜及水葵花浸油點入。亦極神效。

---

秘術海 急救死傷用



二三八

## 防患避災門

居安忘虞。舉世常經。及難失措。亦人恒性。愚意如其臨事而慌張。何如閑中爲之。備是故荀子有三餘之訓。老聃有五戒之規。防患未然。昔賢已垂木鐸。綢繆先事。豈可再讓後人。僕也不敏。頗懷斯志。用特輯集種種良方。期諸壽世。搜采等等秘法。無非齊人。警告時賢。區區初願。若云垂教。敬以待人。集防患。

### ●豫知趣避火災法

水火無情。人當趣避。然未能預知。計當奈何。今得一秘法。以手之大指、食指、中指、無名指。定爲地水火風。更以小指爲正月。大指爲二月。食指爲三月。中指爲四月。以下順次數之。若其月爲四月。卽以無名指爲朔日。小指爲初二。漸次自大指輪迴數之。如其日適當於中指之上。當有火事。須格外謹慎。其法以左手之大指爲地。以食指爲水。以中指爲火。以無名指爲風。以小指爲正月。再輪至大指。以之爲二月。以食指爲三月。以中指爲四月。以無名指爲五月。以小指爲六月。七月則更數於大指之上。又如其月爲八月。則以小指爲朔日。大指爲初二。順次數之是也。

●樓居防火法

寓居樓上。黑夜樓下陡然發火。遮住去路時。心中務宜鎮定。不可發慌。急覓洋傘或雨傘手持之。張開由窗口躍下。亦不致有性命之虞。蓋傘張開。有空氣與之抵抗。人則藉其抵抗。得以畧緩而下。亦蚌鷸相持。漁人從中得其利也。上古之時。帝舜持茅覆屋。譬叟舉火焚之。舜挾箬笠躍下。得以不傷。亦此法也。

●曳繩牕口防火法

平居之屋。樓梯僅有一二。一遇火災。燒斷樓居者之路。迷烟漫霧。動致死傷。殊可憐也。今人雖知有曳繩之一法。然光繩一根。滑而難捉。雖有繩亦爲無繩等。最妙莫於繩上尺許卽繫一結。平日置於樓窗口。一但遇患。急將繩頭之大鐵鉤。鉤於窗口椽上之大鐵環內。人再緣繩而下。既有握手處。以免光繩滑手之弊。并可平日藉以練習。如不於椽上釘環。於窗口向外枋沿上釘環亦妥。愚意臨街之窗。釘之尤妥。不過環不可釘於窗外。使賊人得以緣用耳。

●潑翻火油救法

無論何種火油燈潑翻著火時。千切萬切不可用水澆。蓋水澆適助其流。流到何處。則燒到何處。而且火燄反旺。最悞事也。如遇火油潑翻時。無論何種灰撲之即熄。如有砂順手。砂亦可。兩者俱無。急脫衣撲之。（不可用力。蓋用力則有風。有風反助其燄。燄高燎及他物。亦反爲害。）無不滅者。

### ●防火患藥水製法

火患至可慮。平時家庭間可備一種藥水。名救急備患藥水。其製法用鹽化亞摩尼亞十兩。（化學藥名。西藥房有售。）食鹽二百兩。共溶解於五十兩之清水中。注於瓶內。失火時破瓶投之。或先拔去瓶口。灑此水於火中。則能消滅甚驗。

### ●救火須知各法

凡失火時。濃烟必迷漫室中。此時如有人入內取物。或救人。必爲烟所燻。頓失知覺。此誠可危者也。避之之法。必蛇行入室。面向下。離地約一二尺許。蓋烟愈上愈濃。近地時。即無烟可得也。又如煤氣燈管爆開。煤氣迷漫室中。此時萬不可取火入內。（蓋煤氣遇火即燃。）必先將窗四面洞開。放空氣入內。俾煤烟出盡。始可取火。不然。一著無法。

可救。用煤氣者。不可不知也。

●溺者須知法

人溺水中。每倉皇失措。東竄西跑。一若無路可走。致遭滅頂者甚多。卽神經稍清者。不知方向。每以明亮處爲水面。向之力泅。豈知亮處適爲底。而黑暗處乃爲面也。故溺者當鎮定神經。直向黑暗處泅。可至水面。自無性命之虞。至於黑暗處爲面。明亮處爲底。其理非一言可盡。綜言之。反光作用使然耳。

●入水不溺法

凡不諳泅水人。跌入水中。每好手脚亂動。不知適求死道耳。何以云然。蓋人入水。面多向下。神經昏亂之際。眼見光處。悞爲水面。力往下划。人一用力。呼吸頻數。水卽隨吸氣汨汨灌入。人爲所灌。阻斷血管。死矣。最妙之法。落水時手脚勿亂動。將身體及兩手伸直。不數秒鐘卽可浮於水面。蓋身體所佔之地力。較水所佔之地方爲輕也。知水量重者。當知此道也。

●避免難產法

婦人產子。常道也。苟適其道。決無難產。世之多難產者。每由產婦誤聽人言。多憂多慮。及產婆拙劣。看護婦愚昧使然。故婦人懷妊後。決不可置其事於心。宜仍操習平常家事。活潑身心。泰然以待臨月。如農夫樵子之婦。常習勞動。從無難產者。勤其所事故也。他如有害胎之食物。亦不可食。過度之勞動。及屈腰伸手取物。皆宜深戒。若夫婦交合。懷妊後。尤當切戒。唯世人對於此等事。每不注意。且視懷妊如疾病。恆安坐不動。致食物不能消化。甚至投以種種藥。以爲調養。於是腹中受害。遂釀成難產。欲避難產者。謹守上述之言。則自無難產之患矣。

●預製救難產方

加味芎歸湯。專治難產。又陰氣虛弱。交骨不開。催生如神。藥宜早備。以資急用。當歸二兩。川芎七錢。生龜板手大一塊。醋炙研末。藥店多以熬過龜板混用。必自行看過。實係生龜板方能見效。婦人亂髮。蛋大一團。瓦焙存性。用水二碗。煎一碗。如人行五里之久。卽生。若死胎亦卽下也。有人產門不開。二日未生。服此一劑卽產。眞聖藥也。

●預製救產第一妙方



佛手散方。治胎氣受傷。或子死腹中。疼痛不已。口噤昏悶。或心腹脹滿。血上衝心。服之。生胎即安。死胎即下。又治橫生倒產。須先安臥。將此藥煎服。再行安臥。自然順生。(若兒手足在外。未能收入。切不可亂動。惟少以食鹽塗兒掌。用指甲輕搔之。並以鹽摩母腹。安臥一時。自然收入。)(藥宜早備。以資急用。)當歸一兩。川芎七錢。水七分。酒三分。同煎至七分服。若治橫生倒產。及死胎。則加黑馬料豆一合。炒焦。乘熱淬(音淒)入水中。加童便一盞煎藥服。少頃再服一劑。神效。此方又治產後腹痛發熱頭痛。能逐敗血。生新血。除諸疾。兩方皆載婦科全生集。近人已輯入驗方新編。極有效驗者也。

●預防吹乳乳癰大毒妙法

凡婦人初產。即將兩乳放溫熱淘米水內揉洗良久。將乳擠出。乳孔內有白絲數條。用手扯去。方與兒食。則小兒易於吸食。可免吹乳乳癰等病。此秘法也。見同上。

●推算產事吉凶法

所以釀成難產諸弊。及其醫治方法。予已載於前。俾人讀之。可以防患於未來。予所以不列入婦科者。卽此意也。然尙恐肯遵行之瘦弱婦女。卒因氣血不充。或不免罹是患。

致家主無所措手。姑效潛龍勿用之意。以作防患之舉。因採劉青田（即劉伯溫）『多能鄙事』（書名）所記推算吉兇之法。刪蕪擇要。錄載於左。以爲海內護生家先備之一助。惟勿泥定是說。編者曠望多多矣。

產母年齡若爲 十九歲 廿五歲 三十一歲 三十七歲 四十三歲 產爲

正月。則子不利。七月則母不利。若爲

二十歲 廿六歲 三十二歲 三十八歲 四十四歲 產爲二月。則子不利。八

月則母不利。若爲

廿一歲 廿七歲 三十三歲 三十九歲 四十五歲 產爲三月。則子不利。九

月則母不利。若爲

十六歲 廿二歲 廿八歲 三十四歲 四十歲 四十六歲 產爲四月。則子

不利。十月則母不利。若爲

十七歲 廿三歲 廿九歲 三十五歲 四十一歲 四十七歲 產爲五月。則

子不利。十一月則母不利。若爲

十八歲 廿四歲 三十歲 三十六歲 四十二歲 四十八歲 產爲六月。子不利。十二月則母不利。

右所記之月。稱爲死月。例如十八歲之婦。於六月產子。則子死。十二月產子。則母死。餘可類推。若遇產期適當是月者。須當格外謹慎。雖不必定死。總宜防患於未然也。過此則吉。但亦不可全然不問。

◎預製救濟痲閉要法

法用櫻桃四五斤。入磁罈內密封其口。以防蟲蟻爬入。埋置土中。過二三月。俱化爲水。遇此症危急者。取此汁一杯。略溫灌下。垂死回生。經驗無比。不可忽視。有志君子。多預製濟人。後嗣必昌。○又方。沉香 木香 檀香 不拘多少。於大盆內焚之。抱小兒於烟上薰之。亦卽起。此兩法皆載幼科濟生錄。極驗極驗。不可忽視。翰白。

◎預防受毒要法 計三十餘則

人至受毒。無不後悔。然悔又何及。予意不如平日勿恣情口腹。慎重衛生之爲愈耳。然每有諸物。令人感其毒於不覺者。茲翰特縷分眉列。使覽而知預防焉。

飯落水缸毒 飯落水缸。日久生毛。食之生片癰難治。最宜留心檢點。

久閉空房毒 凡屋宇久閉。陰濕閉結不散。或邪魅借以潛踪。蛇虺惡獸。從而盤踞。宜大張聲勢。或先以火驚散。否則有毒。

山洞園林毒 凡偏僻山洞。及年久園林。藤蘿花樹之下。不可飲食。恐有蛇虺毒蟲遊行其上。遺毒於食物中。爲害不小。

衣有暑毒 夏日汗透之衣。向日中曬晾。忽暴雨將至。急爲收檢。則烈日之毒。卽蘊於內。如遇酷暑汗出時。偶一衣之。則暑以引暑。立中其毒。又夏秋曬晾冬衣。必須冷透收檢。若未攤冷。卽收入箱篋。將來穿著。必受暑毒。宜於臨穿先一時。當風吹透再穿。方免其害。

草藥毒 山有毒草。入山採藥。須細心揀擇。草頭醫生。及好服草藥者。皆宜留意。瓶花水毒 凡瓶內挿過花枝。其毒最甚。不可誤飲。飲之急切無藥可救。慎之。隔夜茶水食物毒 凡夜間茶水食物。未經蓋好。必有蟲鼠遺毒。不可誤飲。

雞毒 雞食蜈蚣百蟲。年久食之則傷人。故養生家雞老不食。又夏不食雞。又黃

白蠟炒雞食之。脹悶氣塞。三日而死。無可救也。凡食藥有蠟者。前後十日忌食。鱒魚毒（鱒音善）無論白鱒黃鱒。凡昂頭出水者。食之必死。無藥可救。

魚荊並食毒。昔一婦以魚湯淘米飯餉夫。踏過荊林。荊花落於湯中。食之遂死。

凡服藥有荊芥者。前後數日。忌食魚蝦等物。

蜜鮓並食毒。韶州有僧。飽食新蜜。還至半道。遇賣鮓者。買食半觔。至寺而死。

翰接鮓似蝦。嶺表人食之。如江浙皖南人之食蠶蛾然。張華『博物志』謂似海參。當別是一類。此見『嶺表錄異』。謂食至半觔。或無此理。但書乃游行天下之物。未可範於一隅。嶺表或有是習。故仍存之。

河魴藥並食毒。凡服藥前後數日。俱不可食河魴。食之有毒。

驚菟毒。驚與菟菜同食。腹生小驚而死。飲白馬尿能治。

游波蟲毒。凡食海蛤。慎防游波蟲。其殼骨相似。惟面上無光可辨。若誤食之。令

人狂走欲投水。似有祟狀。好醋飲之立解。

屋漏水毒。屋漏水滴食物上。食之有毒。羊肝同生椒多食俱殺人。生魚同酥脆。

食物。及人乳。共食之。變諸蟲。牛肉與猪肉同食之。亦成寸白蟲。猪羊肉以桑楮柴煮炙食之。亦成寸白蟲。俱不可不慎。

種子同饗食。及同羊肉食。必致患痢腹痛。或至不救。

諸菓有異樣者。根下必有毒蛇。菓未成熟者。食之發癰瘡。並發寒熱。落地隨宿之菓。恐有蟲緣過。食之或生九漏。雙蒂者。雙子者。沉水者。均有毒。不可食。

猪肉 忌蕎麥 葵菜 胡萎 梅子 炒豆 木瓜 鵝鶉 驢馬肉 羊肉

忌梅子 豆 蕎麥 魚膾 柿餅 牛肉 忌栗子 韭菜 薑子 犬肉

黍米 犬肉 忌菱角 牛肉 雞肉 鯉魚 鱒魚 鰍魚 鱖魚 鱸魚 鱉 葱 驢

肉 忌荊芥食之有大毒 兔肉 忌生薑 橘皮 芥菜 雞 鹿 獺

雞肉 忌黃蠟食之必死 蒜 芥菜 李子 獺 兔 犬 鱉 野鷄

鴨 忌李 醬 鵝鶉 忌菌子 木耳 猪肉 雀 忌李 醬 牛肝

鱉 諸色魚 忌荊芥食之死見前又忌棗 鮑魚 忌猪肝 芥菜 蒜

糖 鱉 忌莧菜食之死(見前) 鷄 雞蛋 鴨 兔 雀 桃 李 薄荷

芥菜○鱒魚鰍魚忌 桑柴火煮 螃蟹忌 荊芥 柿 橘 棗諸瓜忌  
油餅「蕎麥忌 猪 羊 鱧魚」菜豆忌 樗子食之必死。 鯉魚同「核  
桃 忌 酒 野鷄」笋忌 糖 鱧魚 羊心肝「葱忌 蜜食之斷腸。  
雞 犬 棗 楊梅

●避蠱毒法

我國之廣東廣西雲貴及其他邊僻地。每有蓄蠱害人。因而從中取利者。是亦處世之不可不知之法也。法曰。凡人家房屋潔淨。並無灰塵蛛網者。即係有蠱之家。勿與往來。以免受害。又法。凡食茶水菜飯等物。將要食時。用筷子向杯碗上敲動。並向主人問云。食內果有蠱毒否。一經問破。則可免害。又法。將食時。自帶生大蒜頭食之。有蠱必當場吐出。不吐則死。主人畏累。則不敢下蠱。又法。大葶薺不拘多少。切片曬乾爲末。每早空心白滾湯調下二錢。入蠱家無害。此神方也。又法。凡不飲酒之人。雖受蠱。然輕而易治。飲酒者重而難治。蠱毒多在煙瘴之處。又宜飲酒以辟瘴氣。是亦不能不飲。總之在家多飲。出外少飲爲妙。

●避觸電解觸電諸法

電氣最爲虞險。亦最巧妙。視之無物。力有萬鈞。鄉人小兒。見其無人自動。(大如電機。小如風扇之類)詫爲神奇。疑有鬼使。每好撫弄。以審其巧。不知人之肉體。亦含有電氣。若誤觸於五金體之電流器上。大則立即斃命。小則終身不仁。可不懼哉。今特將救治經驗各法列左。須留意看之。以防危害。

(一)壁挿上之雙洞內。(此物譯名浦洛)含有極重大電流。萬不可以五金製絲鐵挿入。挿一洞。麻亂血系。終身不仁。雙手挿二洞立斃。無法可救。(幼兒尤宜防之)。

(二)怡治生(譯名)燈頭內之雙釘。螺絲燈頭上之螺絲。亦含有重大電流。不可撫弄。弄之其害與上等(關去總門。不在此限)。

(三)電門板。電氣開關銅具。蓄電箱內之鉛線。電池內之白金絲。(此絲極晶瑩可愛。不知者每好撫之)幻燈內演劇時之炭精燭。及其廻電器。馬達(即電器馬力機。又名電動機。又名電鼓)上之炭精磨擦器。(時有火星爆出。不知者。每好撫其熱不熱)及其他五金器具。均不可撫弄。



(四) 不論燈綫機綫。凡總名稱爲電綫者。如脫筭折斷。皆不可肉手持之。持之其害亦與上述等。(包皮線不在此限。然不知其法者。總以少動爲是。)

(五) 譬如手臂等處觸電。不能活動時。可將黃泥用溫水泡開。以手臂伸入。卽解。如已氣閉。祇須將潮潤沙土舖平。臥於地上。再將潮潤沙土滿鋪於身。亦可救。

(六) 如悞觸電綫及其他種種傳電物。震動猛烈。不可得脫時。救護之法。宜先使觸電人脫離電綫處。然後鬆其衣帶。使仰臥空氣流通中。再以冷手巾覆其腦部。以冷水洗其頭面。如不能醒。則用人工呼吸法。一出。一入。以助其氣。自能救醒。惟救護人最宜注意三事。(一) 勿以赤手。握觸電人。(二) 宜用不傳電物。(除五金性物外。餘皆不傳電。先護己身。使不與電氣相連。三) 當萬分危急時。卽用乾燥之衣裹手亦可。不必另覓他物。以免耽擱時候。總之對於電氣器具。用戶總須先審明用法及其危害。然後用之。則獲其種種利益矣。如內地新設電燈之埠。街其奇異。裝置數具。以爲撫弄審察之器。主腦先誤。則未有不受其害矣。

電器物之利害。編者昔年備員漢陽鐵廠時。知之最審。故敢擷世所習知。世所

易犯者奉告。他如電機。非常人所用。恕不喋喋。

●預防童子癆法

童子癆。曷爲而有乎。窮源究始。不得不咎其父母也。翰初見『金匱全生集』。次見『景岳全書』。三見『醫瓠』。四見『醫鏡』。五見南海吳研人『二十年目覩怪現狀』小說。後亦散見他書。說雖異同。大旨不背。意趣皆謂因夫婦居室而起。說云。童子癆。破身後。卽發。發則十死六七。究其起因。皆夫婦交樂之際。兒在旁啼哭。欲求兒不哭也。乃令母以乳塞兒嘴。父則仍盡情追歡焉。兒飲此乳十數次。卽種此病之根。根愈深。病愈重。死愈速。欲免此疾。維節此事。萬不得已時。先以糕餌代之。事畢後。擠去乳汁。少許。再令食之。可以免害。鼎好是事後。半點鐘。擠去乳汁。頭少許。再令兒食。方爲萬全也。愛兒家。盍鑑之乎。

此事爲他人所不肯道。醫集繁曠。諸公難檢。『二十年目覩怪現狀』。便而易尋。諸公欲實鄙言。可於『八十八回』以前批語中求之。自見。

●預防小兒瞎眼及患毒法

小兒每好捉一種小蟲。及蒼蠅等類。不知此等小蟲。大半含有毒液。蒼蠅尤甚。小兒不知利害。以經捉弄後。手又不知洗潔。遇有食物。即仍以此小手取而食之。因之發生種種霍亂及毒瘍諸疾。治不得法。即夭其生。又或被蟲螫痛。放聲啼哭。仍以此小手揩淚。毒汁入眼。即成患目。甚則瞽廢。上舉數則。皆常人漫不爲意。致令小兒罹此災厄者也。然捉小蟲。猶可也。以之捉螢火蟲。則爲害更甚焉。蓋螢火蟲乃夏日積陰腐草所化。生。化生最多之地。即陰濕最甚之地。其下蛇虺。蜈蚣。壁虎。毒蠍。窩聚尤衆。小兒臨捉。其害曷可勝言。願普天下惜兒者。當之意焉。

●預試井中有無毒氣法

太清外術載。五月之井及古井。皆恐有毒。主家如欲使人淘此等井時。須先以雞毛數十根投入試之。毛直下者無毒。纏繞作旋風舞者有毒。如有毒時。以好醋十餘斤煎熟投之即解。否則淘井者入。必死無救。冤枉惹場人命。何如先試之。爲愈耶。亦防患者須知也。

●辟盜賊刀兵疾病鬼怪虎狼蛇蟲法

螢火蟲 鬼羽箭 蒺藜(各一兩) 雄黃 雌黃(各一兩) 羚羊角(煨存性。二兩五錢) 枯礬(二兩) 鐵錘上木柄(取錘眼中者燒焦。一兩五錢) 共爲細末。加雄鷄冠一具。鷄蛋數枚。黃丹五錢。和搗一千下。爲丸如杏仁大。用三角形絳色綉包。每盛五丸。入病人家帶左臂上。從軍繫腰中。居家掛門上。行船掛船頭。可避盜賊刀兵疾病鬼怪。及虎狼蛇蟲諸害。有人在軍中配帶此藥。賊放箭炮。離身數尺卽落。不能傷人。此務成子方也。見本草綱目螢火小註。

◎避難時止小兒啼哭法

以綿隨兒口之大小爲小毯。以甘草煎濃汁。或用有甜味之熟棗膏浸過隨身帶之。臨時以口津潤透。放兒口中。兒不啼哭。免賊搜尋。賊過則去之。明靖康年間。有人書於通衢。救活甚衆。眞防患須知之要法也。載集驗良方。

◎安居防賊法

物類相感志云。以杉木節炭研末。安放門內。則暑一開門。其聲亦甚響。雖賊澆之以水。亦不能免其不作聲。如憐其聒耳。去之自安。

秘術海 防患避災門

◎預防野獸踐食田禾法

以破舊紡車置田中即去。挿苦竹於田塍亦然。



身體療治門 集各症經驗良方

溷居塵世。人壽未能達千。浮寄寰區。厥病倒有八百。是故古人有丹藥之傳。今賢有彙方之輯也。維是書各不同。辛涼互異。擇苟不慎。轉誤病家。用是采集單方。期壽閭浮之衆。藥求經驗。豈冀橘井留芳。不過便鄉居之無醫。助市人之常識云耳。集醫術。

●止口中腫痛法

口中腫痛時。以生茄子皮煨灰（須置陰沉地隔夜。以去其火氣）研粉。與蜜拌和。塗痛處。則立時腫退痛止。如牙疳腫爛用之亦驗。若無生茄子之時。用乾茄蒂亦可。

●治齩齒法

齩齒（俗呼虫牙）疼痛難忍時。以烏賊魚（又名墨魚）骨粉調醋。左齒痛。塗左齒。右齒痛。塗右齒。雙痛雙塗。甚效。

●治凍瘡法

冬日手足龜折（俗呼凍瘡）以羊油（牛羊之羊油。非火油）向木炭火烘化塗之。稍覺

痛。忍之。連塗一星期卽癒。癒後至次年六月伏中。以薑摩擦凍處數次。可保永不再發。又法取水仙連根葉煨灰存性。與梅干和飯塗之。亦效。又法以芭蕉連根葉煨灰研末。和飯塗之。亦佳。

●止痢疾法

以上等蕎麥粉。入鍋炒至微黃。待其溫氣全退。和以紅白糖。如單紅痢服白糖。如單白痢。服紅糖。每日三次。每服三錢。開水送下。病輕一日癒。重則五六日癒。誠簡便方也。

●治龜胸法

以龜尿時時擦之。久久自癒。龜尿頗難得。捉數龜一一以鏡照之。以鮮荷葉接之。否則流去不可得。如無鮮荷葉時。以玻璃器盛之亦可。他物不效。

●治大人小兒遺尿法

夜間遺尿。不論大人小兒。用白紙一張鋪席下。俟遺尿於上。取紙曬乾。燒灰酒服卽愈。如不愈照法再服一次。無不神效。此秘方也。○又方。大甘草頭煎湯。夜夜飲之。自愈。或用固脂一個。鹽水泡一夜。曬乾。研末。臨睡服五分。開水送下。甚效。

●治噎呃除根法

取黃牛涎一酒盞。加冰糖少許。分三次服之。終身不噎呃。

●治被打折骨法

煎楊梅樹皮蒸洗。復研其粕塗之。經一時許。傷骨即愈。

●治從高墜落受傷法

以小麥粉和楊梅樹皮（煨灰研末）石灰等分。和飯製丸。服之極效。急則用水送服粉末。不必製丸。

●治痔漏法

以木槿花根煎洗。并以其花焙乾研末塗之。極效。以楊柳枝煎洗亦妥。以山椒實研末服之亦妙。

●治失音法

蟬退二錢。研細末。清水煎服。妙。（維去脚。不可去頭翼。去則不效。）

●治喉痛法



喉痛種類甚多。初起服蘿蔔汁最佳。不愈蜜炙甘草少許煎服亦安。否則急宜診治。

●止舌出血法

炒蒲黃一錢。青黛四分。研末塗之。內以燈芯煎水頻服自愈。

●治聾耳法

以鱸魚頭煨灰存性。研末。和飯粒塗之。即治。又藥店有聾耳散出售。佳者亦效。

●治頭劇痛法

頭痛之時。略取蘿蔔汁吹入鼻孔。左痛吹左。右痛吹右。左右皆痛則吹兩孔。年久不愈者。研白芷爲細末。以茶與荊芥煎湯送下。每服三分。頭劇痛如裂者。以當歸二錢切細。用酒一合。煎至七分服之。又有簡便法。以大蒜切片（厚錢許）置臍上。用艾灸至病人口中出大蒜氣止即愈。但感冒風邪而頭痛者。宜於每食之後。嚼薄荷三葉。即治。患風痛而眩暈者。炒蟬殼研末。用溫酒沖服一錢。至效。若痛連目部者。以荊芥、細辛、川芎等分研末。食後用開水沖服一錢。神妙。

●治癡笑不止法

此頑痰爲患也。以食鹽燒紅。河水煎飲。過片時。用手指入喉。抵住舌根。使作嘔吐。嘔出熱痰。數次即愈。

◎治猝然倒地作畜類聲法

猝然倒地。口作羊馬聲。痰如泉湧。四肢抖擻。羊癩瘋之類也。症因寒而成。感寒則發也。方用 人參(三錢)白朮(一兩)茯苓(五錢)山藥(三錢)薏仁(五錢)肉桂(一錢)附子(一錢)半夏(三錢)右藥煎服。一劑即愈。可不再發。按此症得之於小兒之時居多。由內傷脾胃。外感風寒。結在胸膈。一遇風寒。便發舊疾。今純用補正之藥。不盡去痰。轉能去其病根也。若作風痰治之。雖亦奏效。終不能一劑而不再發。勿忽視之。

◎治猝然腰痛法

桂心一錢。延胡索一錢。當歸身一錢五分。煎服。或研爲末沖服亦妥。

◎治小便尿血法

白芷二錢。當歸尾一錢。煎服。或研服均可。如仍不止。是熱重或夾他症也。急延名醫治之。小兒尿血。有用升麻五分煎服治者。予究嫌升麻太表。小兒柔弱。不宜過服。

●治受寒腹痛法

受寒腹痛。以生姜一厚片。蓋於臍上灸之。或敷鹽灸之。亦佳。若痛甚脈絕者。以附子埋熱灰中煨之。取出切細。加冷茶少許。用水一碗。煎至七分。然後稍加以蜜。冷而服之。又法。若腹中微痛者。吸飲新汲水自愈。此指暑天受熱腹痛也。然亦宜慎。不可瞽從予說。若是他種腹痛。尤不可概治。總之以辨明服藥爲最妥。

●治腫病法

以黑料豆二茶杯。清水五茶杯。黃酒五茶杯。煎至三杯服之。或於伏中採黃瓜陰干。煎服亦有奇效。

●治吐血法

雲龍苓末。香附子末。全當歸末。各一錢。以吐下之血。用新瓦焙乾研末。用米湯沖服。自然引血歸經。可以戒其不吐。若是傷血。又當別論。又法。如平常飲酒者。吐血之時。榨蘿蔔出汗。入鹽少許服之。亦效。又煎萊豆花服之。亦效。又洗去頭髮油氣。煨灰存性。用醋或開水沖服亦佳。以上諸方。皆靈驗如神。幸勿輕視。

●治童子癩法

童子癩得於初生授乳之時。因夫婦交歡之際。兒在旁啼哭。父母不諒。輒以乳餉之。求其不忿斷好事。孰知禍兒之胎即種於此矣。原本不治。後讀王洪緒醫門要術。載有治方。急轉入以餉世。方用貓糞（取屋上晒白者）用黃土包裹。火內煨焦。取出。用碗蓋住。候冷。去土研末。黃糖和爲丸。每服三四錢。效若仙丹。屢試屢驗。此經驗方也。

翰按此事。南海吳研人先生。曾著入『二十年目睹之怪現狀』小說內。并云夫婦苟不免此事。莫妙於先擠去乳汁少許。再令兒食。然予拙見。有事時總以不乳兒爲佳。萬不得已。以糕代之爲妥。事關兒命。故不惜詞費一贅再贅也。

●試驗病人有無癩蟲法

用乳香燒烟。薰病人手背。男左女右。以綢帕蓋手掌心。良久有毛從掌中出。白者易治。紅者難治。黑者不治。無毛者即無癩蟲。

●灸癩蟲法

用濕紙粘貼背脊上。紙先乾者。即癩蟲處也。用墨點記。用老蒜切片貼上。以艾一團。放

蒜片上燒之。(多燒爲妙。無蒜用薑亦可。)先備火盆鐵鉗。如蟲出。卽用鉗夾入火盆內。或遠送野外。埋入土內。恐飛入人口鼻內。須謹防之。

●治癆蟲法

治癆蟲法。用雄砂硫黃各一錢。(須去潔沙泥。)麝香一分。各研極細末。磁罐收貯。以頂好燒酒和勻。用獨大蒜頭。去蒂蘸藥。從尾脊骨。徐徐逐節擦上。如有腫處。或極痛之處。卽係癆蟲所在。須於腫痛處。多擦數次。其蟲自滅。不拘新久一切癆病。皆能除根。如病重者。須擇天醫吉日。總以午時擦之爲妙。端午日更佳。忌戊日巳日除日。此藥能開背後三重關竅。卽虛怯症重之人。於端午擦之。亦能神清氣爽。經絡流通。大有裨益。此方傳自嶺表。屢試如神。○又方。於八月初一日早。收取百草頭上露水。點膏肓穴。(在背上第四節骨左右兩旁各三寸。)最爲神效。

●止垂涕法

垂涕如膿。終年不斷。最爲可憫。今覓得一法。以蒼耳子爲末。開水沖服。每次約一二錢。最有神效。

●淋病除根法

用厚朴心（厚朴本一種樹皮。今不用皮而用心）胡桃肉。紅花等煎湯。服數次。即治。又法。以生雞蛋浸於醋中一日夜。連殼搗碎服之。服後經一兩日。於臍下四寸之所。用艾灸之。又法。研麻仁八兩。入水濾去滓。以汁煮粳米二合爲粥食之。亦妙。又法。山梔煨存性研末。用開水沖服。每次一錢。如老人患淋。身熱腹脹者。用小麥一錢。木通五分。清水一茶碗半。煎至七分服。痛甚者。以葡萄汁三匙。與蜜一匙調和。用文火煎三滾。空腹服之。每服一二匙。患淋而氣滯者。曰氣淋。身體覺冷。宜煎船底苔。頻飲之。又以布包炒熟鹽。置於小腹。冷則易之。

患淋而小便赤澀者。曰熱淋。宜飲馬齒莧汁。小便不赤而冷痛者。曰冷淋。以櫛葉二錢。（切細）葱白一錢。水二碗。煎至六分。空腹服之。患淋而小便下血且疼痛者。用冬葵子一合。清水三合。煎服。患淋小便如脂而作痛者。搗葎草根。取汁二合。和以佳醋十分之一。一時時飲之。則小便出白汁而愈。

患淋出沙石者。曰石淋。宜取石首魚頭中之石十四塊。復加入當歸一味。其量須與石

首魚之石相等。共研爲末。入水五合。煎至一半飲之。但老人則宜用小麥一兩。燈草五分。入水二碗。煎至一碗服之。皆妙。

●治癩瘋法

取松脂煉之。置冷水中。隔一日夜復煉之。如是者二十度。研爲末。蜜和丸。大如胡椒。每服二十丸。空腹用開水送下。忌食有鹽味物。其痰自瘥。維須煨煉得法。否則有火毒結爲他症。不可不慎。按此症又名大痲瘋。兩廣患者多。飲以五毒酒。亦間有能愈者。

●治小舌猝腫法

燒明礬使枯。加鹽少許研末。塗之立退。

●治腋臭法

以自之小便。時洗兩腋。唯不可俟其冷。且須每日無間。則自神效。亦簡便妙法也。

●去頭虱法

以藜蘆研粉。擦入髮中。經一晝夜其虱悉死。又法。取馬醉木葉。入鍋煮爛。待其稍冷。以之洗頭。洗後卽用手巾包紮。則虱悉死。

●額髮復生法

以蛇殼(又名龍衣)度禿髮大小。剪下一方。以濕麪捏之使粘。如製膏藥之狀。塗於蛇殼。貼之髮脫處。則髮蓬勃而生。此爲治禿妙法。其他種種。無勝於此者。

●治白癜風法

硫黃、輕粉、杏仁等分研末。生薑汁攪和塗之。卽治。

●止瘡疾法

瘡疾已發三四次後。於其發日之朝。揉搓旱蓮草。敷於手脈處。以永樂錢一文置藥上。更以布緊束之。則病自止。雖初發不可止。止之恐生別病。轉爲不妙。

●治手指驟腫法

手指腫炎初起時。急平置此指於桌上。取剪刀或洋刀。徐刮指甲。先縱刮。次橫刮。刮至指甲縫白爲度。此法看似平常。然極有效。刮後闔一日。腫卽自消。且刮時亦不覺痛苦也。

●治雀斑法



以桃花與冬瓜仁等分研末。和蜜塗之。卽治。又法。搗爛蕪青（草藥名）實塗之。亦佳。

●治瘡痕法

頭面生瘡。愈後每有痕跡。最不雅觀。如以白蜜煉胡粉（卽介殼之粉。顏料中用之）塗之。或以白礬蠶粉塗之。則肌理細膩。絕無痕跡。

●除白虱法

以水銀入鷓羽之莖。束於袴帶。則白虱悉死。又旅行中生白虱時。將上下衫袴攤於空室地上一夜。則亦悉死。

●治頭髮脫落法

煎桑白皮四兩洗髮。則脫者自不脫。落者自復生。

●治頭髮粘膩法

以威靈仙十莖。側柏葉二枝。牙卑三莖。黑牽牛二十粒。黃栢皮一片。藥刀上切細。納於絹袋。浸麻油中。用以拭髮。去粘膩。生光澤。其驗極速。

●治肌膚粗糙法

凡肌膚粗糙者。每早洗面後。塗以雞蛋白。用手巾揩淨。數月之後。則肌膚自能細膩光澤。

●治面上皺痕及膚色變白法

取木瓜去實與皮三兩。加杏仁一兩。豬油一兩。用鉢搗和。每夜塗面。則雖於冬期之中。亦能面無皺痕。而膚色反變雪白。

●使顏色嬌嫩法

黃栢皮。木瓜根。研細末。加棗肉搗成泥。每日用以洗面。則顏色嬌嫩有光澤。

●治患水腫法

豬苓、澤瀉、神麩、赤豆、麥芽各等分。炒之使焦。煎水服。或研末服均可。分量以患之輕重酌定。初起無不效。忌服魚腥鹽油等類。犯之無效。

●治脫鷄眼新法

趾患鷄眼時。以軟竹布塗松節油（西藥名）貼患處。每日換二次。閱數日自脫。

●使瘡脫落法

以丹礬研細末。搓入紙捻。繫瘤之根部。該紙捻自然切緊。久而久之。瘤遂脫落。其妙如神。

◎治頭髮纏喉不出法

若誤吞頭髮。致髮纏喉中不出時。最爲危險。宜燒所脫之髮爲灰。用清水吞服一錢。卽效。

◎治漆瘡法

煎海藻汁洗之卽治。又搗蟹成泥塗之亦佳。俗有燒蟹壳薰洗者。切不可。蓋瘡毒內攻。或內閉。轉誤大事也。

◎治疣妙法

面部生疣（俗稱飯痣）之時。絕何首烏藤。取其斷處白液塗之。如是者數次。則疣自愈。若全身生疣無數者。用艾如綠豆大。灸手之大指樞。每日一次。七日神效。

◎眉毛脫落復生法

患梅毒或他故致眉毛脫落者。以生半夏研末。隨意摩擦之。以生爲止。畧有癢痛無礙。

也。維不可入口。入口則聲啞殊難治。(與閨妝門參閱)

● 嘴唇忽然腫痛治法

嘴唇忽然腫痛。或者乃肝胃受尅。水不濟火。致燥極生風。風嘯浮火上炎也。以石膏蒲一錢。芒硝四分。研粉。和井水外塗之。乾則再塗。如仍不治。是乃內部受病。非善於服藥不可矣。

● 洗髮生香法

以白芷、甘松、三奈、礪砂、廣荳蔻、各三錢。煎以洗髮。每月三次。則其髮香潤無比。

● 治猝然兩耳失聰法

肝胃氣逆。偶塞耳竅也。以香附子(炒)一錢。萊菔子二錢。煎服自愈。

● 治聲啞法

戲曲家彈唱家等。聲啞不出時。搗蘿蔔汁。加生姜汁少許調和吞之。卽出聲如常。此法極其神妙。又法。以皂莢刺(卽天丁。藥店有售者)五分。蘿蔔二片。煎湯服之。亦能奏效。

● 止噎噦法

噎噦不止。諸藥無效時。急煎高良姜（藥名）服之。或嚼而吞之。神效。輕者藥未下咽即止。又法。以大拇指強押亞門穴。復以一手押兩眉間。兩方用力片時。噎噦即止。亞門穴在頸後凹處。

●治頑癬法

治頑癬藥。雖有種種。然秘方極少。茲有極簡便法。即削鏗魚乾。（日本產。近海之處。多有售者。）搓成細末。和飯粒塗之。即治。又法。以生薑葶藶日擦之。久之自愈。

●頭部生瘡髮凝結不解治法

浸竹篠之葉於水。卽以其水潤髮梳之。應手而解。屢試屢效。

●治頭生風屑法

頭生風屑時。取鮮側柏一握。切長三寸。入水一碗。煎至七八分。待其稍冷。用以洗頭。有奇效。

●治鼻流血法

鼻血奔流不止時。左鼻患者。舉右手作向高擊物狀。右鼻患者。左手如之。自止。若奔甚

者。以好陳墨塞之。或百草霜塞之皆治。

●治夜不安眠法

用腦過度。或愁緒縈心時皆有此症。治之之法。以潮手巾蒙頭。閉目存神。如老僧打坐狀。即治。或默數一二三四五六順數不及百數。亦即入睡鄉。詢奇法也。

●治跌打損傷法

鱖魚搗爛和醋。用酒先洗傷處。(指不破皮者而言)後塗魚羹其上。更覆以柳樹皮。雖傷及筋骨者。亦無不立愈。又法。搗生姜取汁。加阿膠煎溶塗之。又法。搗大蒜成泥。和石灰使成堅塊。於七月十三日埋土中。至翌年此日取出。搗碎。藏之於瓶。用以塗敷傷處。又法。取苧麻莖葉煨灰存性服之。此方爲落馬受傷靈藥。得之秘傳。又法。以土器研末。和薄糊。塗傷處。亦佳。

●治閃腰挫氣法

以白番葡萄乾一兩。用好酒煎服。至重者兩服即愈。又法。以礪砂研細末點兩眼角立愈。

●消痰秘方

生梨汁、生姜汁、燒酒、各三茶杯。白蜜一杯半。以銅鍋煎之使成稀薄膏。後入真露薑一錢半。白朮一錢半。川貝母三錢。粉末收膏。用開水沖服。有消痰止咳之效。

●金瘡燻藥秘方

有人誤刺小刀於股。深達三寸。血流不止。痛苦不勝。以此藥燻創口。血止痛定。翌日步行。毫不覺苦。已全愈矣。此實爲金瘡第一奇方。方用白脂蘇鉢中研細。以雷丸油調和。包於絹。置炭火中。另以一器置炭火上。上穴一小孔。使藥烟從穴孔中出。卽以之燻創口。殊有神效。

●除灸癩法

針灸之後。每有癩痕。若於面部。甚爲惹厭。今以燒舊油罌研末。稍入輕粉。用蘇油塗之。則癩痕悉退。

●治眼毛翻入法

取白虱腸。(虱中黑點卽是)拔之卽治。惟虱須活者。死者不驗。

●避時疫流行法

燒蒼朮白芷或降檀香。并置降香於食水缸內。或煨香菌烏賊魚乾於木炭火中。皆治。最莫妙於平日清潔。污水不留不食。厨下屋隅。勤於糞除爲最上上法也。

●治痔漏法

凡痔瘡腫痛下血者。以山椒實。研細末服之。有奇效。

●治千日瘡法

豎頭肉一名千日瘡。患之者欲求速愈。試以洋油塗之。不數日即可脫根。法曾有人試過。非謬言也。

●治鼻臃塞法

兩鼻臃塞不聞香臭時。以石膏蒲一撮。皂莢葉兩三片。剪成條。與石膏蒲共捲之。分塞兩鼻。吹許即通。誠妙法也。

●治兩目赤腫法

兩目赤腫。不外肝胃受虧。風火上炎之故。簡便之法。維有內服上清丸。外以蟬退衣冬。



桑葉洗之。靜心默坐。日不向陽。夜不對火。三三日即愈。此至穩且妥之法也。有傳滴生薑汁入目者。害大利小不可用。

●治鼻中瘻肉法

取藕節生毛處一段。煨灰存性。研末吹之。其肉歛縮而脫。又法。用枯礬、豬脂（即猪油）搗和製丸。綿裹塞鼻數日。其瘻肉即隨藥墜出。

●治羊癩瘋法

此病發來。登時暈厥。設遇溪澗池塘之處。甚爲危險。今得一法。以明礬一兩。茶葉五錢。各研細末。蜜爲丸。如黃豆大。每次六十粒。用開水送服。即治。

●治皮膚龜裂法

五月五日早朝。取龍膽草榨汁。塗於皮膚冬日龜裂之所。則血和而宿凝去。自無龜裂覆轍。不讓莊子游澠統也。

●人乳止牙痛法

以新棉花浸入乳使足。臨臥時置痛牙處。醒轉更易以新浸者。輕者一次愈。重者三日

愈。驗方也。

●治蟲牙痛法

大蒜數瓣搗爛。加輕粉五分。調勻貼痛牙之臉皮外。用布包紮。以免其落。臉皮如作辣痛癢。皆須忍之。約半日許。總以痛癢不堪時。再行揭下。再過須臾。必有水泡墳起。急擠破之。從此永愈。予婦迄今十二年不發。此方之力也。

●止血藥秘方

搗青木葉出汁。以檀紙浸之。然後晒乾收藏。偶被刀刃所傷。以之貼於創處。則血立止。其效如神。又法於六月中。取桐木葉浸童便。晒乾復浸。如是者數十次。研粉藏之。亦有神效。

●治盜汗法

夜中熟睡之際。而滿身大汗。爲盜汗。乃陰虧體虛表示之一種。原非小小單方所可治。今從治標之法。姑以明礬五倍子研末。酌量分際。和自已口津調之。塗於臍內縛之。即治。然此乃權宜之計。根本救濟。當以延醫慎服清補之劑爲是。

●治小便不通法

田螺搗爛。和鹽塗入臍中。或塗於紙。貼足底。即通。通後宜急去。切要切要。

●淋病秘方

黃栢、羅漢松皮。等分煎湯。服之漸愈。又法。用車前子一錢。水一升。煎至四分服之。即通。又法。取田鼠煨灰存性。加甘草屑五分。開水沖服。自愈。又法。去蚯蚓腸。用清水沖服亦妙。然此法易使人反胃。究不如前載諸方爲妥也。

●小便頻數治法

此膀胱有濕。或腎氣不固也。簡便治方。莫妙於香附子研粉。以黃酒沖服。後仍服金匱腎氣丸。節慾保身自愈。

●小便偶爾閉脹治法

此不關淋病也。好食煎炒辛辣過度。亦或有之。煎冬葵子。或車前草。或木通服之。皆治。

●治頭痛新法

頭痛時。以冷熱水一杯。入檸檬汁少許。加蘇打半匙。飲之極有效。味亦不惡。（按即少

糖之嚼爛水耳)

●預防凍瘡法

凍瘡之害。痛癢難堪。預防之法。可於夏季即用冷水洗面。洗後。以乾布擦之。直至冬季。至不能再滌時。乃改用溫水。於是凍瘡可免發生。

●簡便治凍瘡法

大伏中。取屋面晒熱瓦。以熨凍瘡所生處。其冬卽不復發。又凍瘡未潰時。以海鹽酸 *hydrochloric acid* 和入水中。每夜臨睡前。取水細擦患處。極有奇效。不第能止癢。且能保其不潰也。水之製法。海鹽酸一份。加水七份。此藥各埠西藥房均有售。

●治久年下血法

炙卷柏、地榆等分。凡藥二錢。入水一碗。煎至七八分飲之。大便前下血。加石葦研末。每服二錢。用茄樹枝煎湯送下。大便後下血。加五倍子爲末。每服一錢。艾葉煎湯送下。因多飲酒下血者。當用酒煮鱒魚食之。有效。

●治白禿瘡法

頭生白禿瘡時。以水煎紫草。塗之有效。又凡患白禿瘡。髮脫不生時。以麻仁炒焦研爛。和豬油塗之。則髮復生。

●止齟齬法

即取本人臥牀下土。研細納口中。或塗頤下。即止。

●治飽食腹痛法

食物過飽。腹中脹痛時。以胡荽子研末。鹽湯沖服。即治。

●治腳氣法

取地栗（即荸薺）煎湯。洗腫處。即治。但湯宜熱。以能入手足爲度。又法。冬日寬布穀鳥食之。有奇效。然不宜用鹽。有人曾試此法。其病立愈。後不復發。

●治遺精法

以熱米湯沖白茯苓細末一錢。每日清晨服之。即治。但宜斷房事半年。

●百歲老人目光如童法

於左記之日。取芒硝六錢。溶於清水一盞內。用以洗眼。一年之後。目光如童。

正月三日

二月八日

三月四日

四月四日

五月五日

六月四日

七月三日

八月朔日

九月十三日

十月十三日

十一月十六日

十二月五日

●終身不噎法

服牛涎二匙。則一生不噎。惟取時勿令服者自見。亦勿與之言明。否則不效。

---

秘術海 身體療治門



## 婦人調衛門

婦科雖號稱難治。然施術不外七情。能順其情。加以引導。亦如挈領振衣。無折不伸矣。維是方書綦夥。搜不勝搜。輯不勝輯。何則旨奧辭深。索人費解。何則誇大術奇。無濟實用。何則藥奇製秘。不便鄉居。何則好用參朮。窮窳却步。舉斯種種。未足言醫。編者備知此弊。思力矯之。因集舊法。適我新求。藥皆家常。方均易製。庶乎有濟蒼生。廣全婦命云耳。他如不常有之疾。不常見之方。及藥肆有購之丸。概不列入。以省繁費。而簡篇幅。當世君子。有斯志乎。集婦科。

### 調經類

#### ●治經不及期先行法

(凡服調劑藥。宜於經行時多服數劑。下次經期即準矣。若丸藥。則宜常久服之乃效。如德性溫和。素無他疾者。乃血盛且有熱也。用 歸身 川芎(各七分) 赤芍 生地 知母 麥冬 地骨皮(各一錢) 甘草(五分) 水煎。空心服。如性急燥多怨多妬者。乃氣血俱熱。且有鬱也。用 製香附(炒研) 歸身 川芎 赤芍 條芩(炒) 黃連



(炒各一錢)生草(五分)水煎。食前服。兼服三補丸和之。

如形瘦素多疾且熱者。則其衝任內傷也。用四物人參知母湯。歸身 白芍 台黨

熟地 知母 麥冬(各一錢)川芎(七分)炙草(五分)薑棗引。水煎。食前服。更宜常

服地黃丸。如曾誤服辛熱煖宮之藥者。則其衝任伏火也。用四物加黃柏知母湯。

歸身 赤芍 生地 黃柏(炒)知母 木通(各一錢)川芎(七分)生草(五分)

水煎。食前服。更服三補丸和之。如形肥多痰鬱。則血虛氣熱也。用 歸身 川芎

生地(各七分)陳皮(去白)法半夏 雲苓 生草(各五分)條芩(炒)香附(童便

炒)黃連(各一錢)薑引。水煎服。丸方不贅。蓋各藥肆皆有賣也。

●治經水衍期後至法

經過期後行 如德性溫和。素無疾者。則其氣血虛少也。用八物湯。川芎 白芍

茯苓 台黨 歸身 生草 生地 白朮(各等分)薑棗引。水煎。食後服。如性急

燥多怒多妬者。則其氣逆血少也。照上八物湯加香附(炒)青皮(各等分)水煎服。兼

常服蒼沙丸以調之。蒼沙丸和中開鬱。蒼朮(米泔水浸)香附(童便浸一日夜

各三兩。條芩（酒炒一兩）共爲末。湯浸蒸餅爲丸。開水下。如形瘦素無他疾者。則其氣血俱不足也。用十全大補湯。台黨 白朮（土炒）茯苓 炙草 當歸 川芎 白芍（俱酒炒）熟地 炙薯（各一錢）肉桂（五分）薑棗引。水煎服。如形瘦食少。則其脾胃衰弱。氣血虛少也。用異功散加當歸川芎湯。台黨 白朮 茯苓 炙草 陳皮 歸身 川芎（各一錢）薑棗引。兼服地黃丸。如肥人及飲食過多之人。則其濕痰壅滯。軀肢迫塞也。用六君子加歸芎湯。台黨 白朮 茯苓 炙草 陳皮 歸身 川芎 半夏（製）香附（各一錢）薑引。兼服蒼沙丸。如素多痰者。則其脾胃虛損。氣血失養也。用參朮大補丸。

●治一月經再行法

如性急多怒氣者。乃傷肝。衝任之脈。爲其衝動所致。用四物加柴胡湯。歸身 川芎 白芍 生地 柴胡 黨參 條芩 生草 黃連煎服。更常服補陰丸。以瀉衝任之火。如曾服辛熱之藥者。用四物湯加黃柏知母及三補丸。如傷衝任之脈者。用四物黨參知母麥冬湯。及地黃丸。

●治數月經一行法

瘦人乃脾胃弱。氣血虛。用十全大補湯及地黃丸。肥人乃是多痰。兼氣血虛。用六君子加蒼沙導痰丸。淡薑湯送下。黨參 川芎 製半夏(各七分)甘草(五分)白朮 雲苓 陳皮 蒼朮(米泔水浸) 歸身 香附(童便炒)枳壳(各一錢)薑引。

●治經行或前或後法

悉從虛治。用加減八物湯。台黨 白朮 茯苓 炙草 當歸 川芎 陳皮 丹參 香附(製)丹皮(各一錢)薑棗引。水煎服。兼長服烏雞白鳳丸自愈。

●治經行或多或少法

瘦人經水來少者。氣血虛也。用四物加人參湯。台黨 川芎 白芍 歸身 生地 香附(童便炒)炙草(各一錢)薑棗引。水煎服。肥人經水來少者。痰礙經隧也。用二陳加芎歸湯。陳皮 茯苓 歸身 川芎 香附(童便炒)枳壳(各一錢)半夏(八分製)甘草(五分)滑石(三分)薑引。水煎服。凡經水來大多者。不問肥瘦。皆屬熱也。用四物加芩連湯。歸身 白芍 知母 生地 條芩 黃連(各一錢) 川

芎 熟地(各五分)黃柏(七分)水煎服兼服三補丸。

●治經來逐日幾點或數日一至法

逐日經來幾點則止。或五日或十日又來數點。一月常至三四次。面色青黃。宜用艾膠湯。阿膠(炒)熟地(各一錢)艾葉(二錢)川芎(八分)棗三枚。水煎。空心服三劑。再用 陳皮(五錢)良薑 枳壳 三稜 烏藥 (各八分) 檳榔砂仁 紅花 莪朮 (各六錢)共爲末。煮糯爲丸。如梧子大。每服三四十九丸。卽愈。

●治經行不止往來無時法

以竹紙三十張燒灰。淡酒半斤攪和。頓清溫服卽愈。

●治經來紫色法

經來紫色者。熱也。用四物加香附黃連湯。 歸尾 川芎 赤芍 香附(製)生地

黃連 甘草 丹皮(各一錢)煎服卽治。

●治經來淡色法

經來淡色者。虛也。 白朮 白朮 茯苓 歸身 川芎 白芍 熟地 炙芪 香

附(製。各一錢。)炙草(五分)薑棗引。煎服。並常服地黃丸。自然全愈。

●治經如綠水法

經如綠水。全無血色。乃大虛大寒。萬切不可用涼藥。宜用附子烏雞丸。服之半月。非但病愈。又能懷孕。附子烏雞丸。附子(三錢)鹿茸(無則用鹿膠一兩)真山藥 菴蓉 肉桂 蒲黃(炒黑)當歸 黃肉(各五錢)白芍(一兩)熟地(一兩五錢)淨烏雞肉(去皮。油酒蒸。三兩)米糊爲丸。空心酒送下一百丸。有效。

●治經來如黃水法

經來如黃水。此係虛症。不可用涼藥。須煖其經。以和其血。次月血勝而愈。宜用加味四物湯。當歸 烏藥 川芎 元胡 小茴 白芍(各八分)熟地(一錢)薑棗引。水煎空心服。

●治經來色白小便作痛法

經來全白色。五心煩熱。鬱悶難伸。小便又復作痛。此氣血兩虛也。或服加味八珍湯。或服附子烏雞丸。因人而治。不能定爲一格。病家宜急調治之。

●治經來吐食法

經來食物即吐。乃痰在胸膈。飲食不能下胃。先用烏梅丸化去痰涎。後用九仙奪命丹。烏梅丸 木香 雄黃(各五錢)草菓(一個)乳香 沒藥(各一錢)烏梅爲丸。如彈子大。每早口含化一丸。九仙奪命丹 草菓(一個)厚朴 茯苓(各一錢)枳壳 木香 山查 陳皮 蒼朮(各一錢)共爲末。薑湯下。

●治經來咳嗽吐血法

此症與倒經不同。乃肺金枯燥所致也。急用茯苓湯退其嗽。再用烏蘇丸除其根。茯苓湯 茯苓 川芎 蘇葉 前胡 半夏(製)桔梗 枳殼 乾姜 陳皮(各八分)當歸 生地 白芍(各一錢)台黨(五分)桑白皮(六分)甘草(二分)薑三片。水煎。空心服。烏蘇丸 萊菔子(九錢)貝母(四兩)共爲末。蜜丸。桐子大。空心滾開水送下五十丸。

●治經來大小便俱出法

名蹉經。因吃熱物過多。積久而生。宜用分利五苓散。去其熱毒。調其陰陽即安。分利

五苓散 猪苓 澤瀉 白朮 赤苓(各一錢)阿膠(炒)當歸 川芎(各八分)水煎。空心服即愈。

●治經來腹痛法

經水將行。腰脹腹痛者。氣滯血實也。用桃仁四物湯。 歸尾 川芎 赤芍 丹皮 香附(製)元胡索(各一錢)生地 紅花(各五分)桃仁(二十五粒)水煎服。如瘦人乃有火。加黃連(炒)黃芩(炒)各一錢。肥人乃有痰。加枳壳蒼朮各一錢。

●治經後腹痛法

經水過後。腹中痛者。虛中有滯也。用加減八物湯。 台黨 白朮 香附(醋炒)茯苓 歸身 川芎 白芍 生地(各一錢)炙草 木香(各五分)青皮(七分)薑棗引。水煎服。

●治倒經法

經逆上行。從口鼻出。名倒經。因食椒薑熱毒之物。其血亂行所致。急用犀角地黃湯。 犀角 白芍 丹皮 枳實(各一錢)黃芩 橘紅 百草霜(即鍋底烟子)以燒草

者爲佳。燒煤炭者斷不可用。桔梗（各八分）生地（二錢）甘草（三分）水煎。空心服。數劑即愈。○又方。用韭菜搗汁一盞。入童便半盞。蒸熱服極效。若無童便。其功稍緩。○又方。先以好陳墨磨水一盞服。（市中賤墨切勿用。因其用外國煤烟藥水烟有毒故也。）其血立止。次用歸尾紅花（各二錢）水一鍾半。煎八分服。

●通治經閉方

婦人女子。經閉不行。其候有三。凡脾胃傷損。飲食減少。氣耗血枯而不行者。法當補其脾胃。養其氣血。以待氣充血生。經自行矣。不可妄用通經之劑。則中氣益損。陰血益乾。致成癆瘵之疾。而不可救。所謂索千金於乞丐。鑿楚日加。徒斃其生而已。一則憂愁思慮。惱怒怨恨。氣鬱血滯。而經不行者。法當開鬱氣。行滯血。而經自行。苟用補劑。則氣得補而益結。血益凝聚。致成癥瘕脹滿之疾。所謂養虎自遺患也。一則軀肢道塞。痰涎壅滯。而經不行者。法當行氣導痰。使經得行。斯之謂良工矣。今將治法列後。

蠶沙（四兩）炒半黃色。用黃酒一斤半（甜酒亦可）用瓦罐煎滾。瀝去蠶沙。將酒入瓶



封好。溫飲一二杯即通。甚效。如因脾胃損傷。血枯不行者。用加減補中益氣湯。白  
黨 白朮(各二錢)炙棗 柴胡(各七分)歸身 白芍 川芎 陳皮(各一錢)神  
曲(炒)麥芽(炒)炙草(各五分)薑棗引。水煎服。更宜服前參朮大補丸。烏雞丸。以經  
行為度。如因氣鬱血閉不行者。用開鬱二陳湯。陳皮 茯苓 蒼朮 香附(製)  
川芎(各一錢)半夏(製)青皮 莪朮 檳榔(各七分)甘草 木香(各五分)薑引。  
水煎服。更宜服四製香附丸。以經行為度。四製香附丸 (此婦人常用之要藥也)  
淨香附一觔。用酒醋鹽水童便。各浸三日焙研。烏藥八兩共為末。醋糊為丸。開水下。  
如因痰者。用前蒼莎導痰丸。更服上開鬱二陳湯。去莪朮。加枳殼一錢服之。有愈期  
未嫁之女。偏房失寵之妾。寡居之婦。菴院之尼。欲動而不能得。遂憾憤而不能伸。多有  
閉經之疾。含羞則強忍不欲人知。致成癆瘵之病。終不可救者。宜用四製香附丸。參朮  
大補丸。攻補兼行。庶幾可瘳。此七情之變。又宜參酌而治者也。有經閉不行。骨蒸潮  
熱。脈虛者。用增減八物柴胡湯。白黨 茯苓(各一錢)炙草(五分)歸身 白芍  
生地 麥冬 知母 柴胡 有汗加地骨皮。無汗加牡丹皮。(各二錢)淡竹葉

(十五片)水煎服。凡婦人血虛有熱者。皆可服之。如熱太甚。服此不平者。加黑乾姜一片。神效。有經閉發熱。喉燥唇乾。脉實者。用四物涼膈散。歸身 川芎 赤芍 生地 黃芩(酒炒) 山梔(炒黑) 連翹 桔梗(各一錢) 生甘草 薄荷葉(各五分) 淡竹葉(拾片)水煎服。凡血實形盛。脉有力者。皆可服之。

●治經閉腹大如孕法

經閉腹大如孕。行路蹣跚。名曰石瘕。因經行之時。寒氣自陰戶而入。客於胞門。以致經血凝聚。月信不行。其腹漸大如孕子狀。婦人壯盛者。半年之後。小水長而消矣。若虛怯者。必成腫病。用溫經湯。歸身 川芎 赤芍 莪朮 台黨 炙草(各五分) 川牛膝 故紙 小茴(炒各一錢) 姜棗引。水煎服。更宜常服四製香附丸。此靈樞經秘方也。

●治室女經閉方

室女經閉。遍身浮腫。室女月水初行。不識保養。誤用冷水洗手。血見冷水。則凝而不出。面色青黃。遍身浮腫。人作水腫治之。不效。宜用通經丸。通血消腫。即愈。通經丸。

三稜 莪朮 赤芍 川芎 當歸 紫苑 劉寄奴(各八分)穿山甲(一片)共爲末。米糊爲丸。酒送下。

●治因驚經閉法

婦女因開甌爲熱氣所衝。面目腫大。經水不通。此因驚一戰。氣血陡往上提所致也。以舊蒸飯布(越舊越好燒灰)用鍋蓋上氣水。(甌蓋上氣水亦可)調敷。隨敷隨消。經水亦通。無蒸飯布。甌底木燒灰亦可。

胎產類

●保產無憂方(兼救小產)

專治一切產症。有胎能安胎。臨產能催生。不拘月分。凡胎動不安。腰酸腹痛。一服即安。再服全愈。臨盆艱危者。一服即生。橫生逆產。六七日不下。及兒死腹中。命在須臾者。一服即下。懷孕至七個月者。即宜預服一劑。八個月服二劑。九個月服三劑。十個月亦服三劑。臨產服一劑。斷無難產之患。百發百中。功效如神。紫厚朴(姜汁炒)蘄艾(醋炒各七分)當歸(酒炒)川芎(各一錢半)生芪 荆芥穗(各八分)川貝母(去

心淨爲末。不入煎。以藥沖服。兔絲子（揀淨酒泡各一錢）川羌活 生甘草（各五分）枳壳（麴炒六分）白芍（酒炒二錢）冬月只用一錢。藥須照方揀選泡製。後用戩秤準。不可加減分毫。引用老生薑三片。水二大鍾。煎至八分服。預服者。空心溫服。臨產及胎動不安。並勢欲小產者。皆臨時熱服。如人虛極。再加人參三五分更妙。已產後此藥一滴不可入口。切勿誤服。此方藥劑。分量雖輕。功效甚大。不論強弱老少皆宜。

●孕婦安胎飲（兼治小產）

專治婦人慣於墮胎。屢試神驗。平時無小產之患者。服此亦妙。一婦人小產六次。百藥不效。後服此方。連生數子無恙。屢試如神。百發百中。眞保胎第一方也。

蓮肉（去心不去皮）家用青苧麻（洗淨膠）白糯米（各二錢）水煎去麻。每早連湯服一劑。或服湯。不服蓮肉糯米亦可。

小產由於房勞。傷損足三陰。腎傷則精氣不固。肝傷則血熱妄行。脾傷則胎元自墮。蓮肉清君相之火。而能固澀眞氣。苧麻利小便而通子戶。清淫慾之痰熱。糯米補益脾陰。能實陽明空竅。使胎不妄動。而胎氣自安。以五穀果實爲方。誠王道之劑也。

●治孕婦惡食嘔吐法

其症顏色如故。脉息和平。但覺肢體沉重。頭目昏眩。擇食惡聞食氣。好食酸鹹。甚或作寒熱。心中憤悶。嘔吐痰水。胸膈煩滿。恍惚不能支持。輕者不服藥無妨。乃常病也。如重而不能飲食者。用 台黨 砂仁(炒研)甘草(各一錢)白朮 香附(童便炒)真烏梅 陳皮(各錢半)姜引。水煎。食遠服。○又方 食鹽 (三分)煨薑(六分)竹茹(三分)老米(一撮。炒)砂糖(三錢)煎水。徐徐食之。如有虵蟲吐出。加花椒(二分)烏梅(三個)煎服。立效。

●治孕婦痢疾法

以清熱和胎。行氣養血爲主。虛坐努力者。防其損胎。用 當歸黃芩芍藥湯 當歸 黃芩 黃連 白芍 焦朮 枳殼 茯苓 生地 陳皮 生草(各一錢)木香(五分)烏梅(一個)水煎。空心服。如久痢不止。用黃連阿膠湯。黃連(炒)阿膠(炒)台黨 白朮 茯苓(各一錢)乾姜(炒)炙草(各五分)木香(七分)烏梅(三個)棗引。水煎。食前服。○又方 用雞蛋一個。破孔如指頭頂大。以銀簪攪勻。加入黃

丹(五分)用紙封口。在飯上蒸熟食之。卽愈。神效非常。○又方 荷葉蒂(七個)燒枯。存性。研末。酒下。極效。

●治孕婦患瘧法

凡孕婦病瘧。不可輕用截藥。恐致損胎。用柴胡知母湯。柴胡(錢半)台黨 黃芩 歸身 知母 白朮(各一錢)甘草(五分)薑棗引。水煎。多服。以平爲期。如瘧久不退轉甚者。用七聖散 柴胡 黃芩 炙草 知母 常山(酒炒)草菓仁(錢半)眞烏梅(三個去核)水酒各半煎。臨發。五更服之。宜露一夜。盪溫服。忌生冷雞魚。

●治孕婦霍亂法

霍亂本危症。孕婦遇之。尤難措手。維於初起之時。心腹絞痛。上吐下瀉。察係霍亂。急用紫蘇 條芩 白朮(各錢半)藿香葉 陳皮 甘草(各一錢)砂仁(炒五分)薑棗引。水煎服。可治。

●治孕婦中暑法

其症發熱而渴。自汗。精神昏憤。四體倦怠。少氣。用清神和胎飲。 台黨 白朮 炙草

灸莖 黃芩 黃連 知母 麥冬(各一錢)五味(十五粒)水煎服。甚效。

●治孕婦中濕法

或早行。感受霧露之氣。或冒雨爲其所淋。或久居潮濕之地。受其薰蒸。或汗出圖爽。取冷水浴之。皆足摠是疾。其症發熱。骨節煩疼。體重。頭痛鼻塞。用黃芩白朮湯 條芩白朮(各五錢)蘇葉(二錢五分)生姜五片。煎水服。卽治。

●治孕婦中風法

孕婦中風。或手足拘攣強直。或卒倒昏悶。口眼喎斜。手足痠痿。口噤不語。不可用常中風法治之。只以補虛安胎爲本。兼用搜風之劑。用白朮 川芎 白芍 茯苓 生地 白朮 歸身 炙草 黃芩 炙莖 防風 羌活 秦艽(各二錢)姜棗引。水煎。多服以平爲度。如牙關緊閉。痰氣塞滿。不知人事。先用 黃蠟 枯礬 麻黃(各四分)爲末。共熔化。擦上牙關。再用上方服之。無不救者。

●治胎動不安法

致病之由。種種不一。茲不能例而定之。以服前頁之保產無憂方爲最妥。如急切無處

購藥。用鮮吳茱萸根搗塗兩足心。胎安趕急洗去亦治。（無鮮者乾者亦可用。藥店有賣。）否則用絲瓜兩條（又名水瓜。又名線瓜。隨地而異稱。）煎水服亦治。無瓜。藤亦可用。惟乾者力不足。

●治孕婦忽然聲啞法

孕婦至七八九三個月內。忽然聲啞不語。此少陰血下注養胎。致不能上榮於舌。子產後。自能言語。非病也。不可服藥。莫信庸醫圖利之言。只以飲食補之。切要切要。

●治孕婦無故悲泣法

孕婦無故心虛。驚恐悲泣。狀若遇邪。此臟燥症也。用 甘草（三兩）小麥（一升）大棗（十枚）用水六升。煎三升。去渣。分三服。溫服即效。再服竹茹湯數服以和之。竹茹湯 台黨 麥冬 茯苓 炙草（各一錢）小麥（一合）青竹茹雞子大一團。姜（三片）棗（五枚）水煎。食後服。奇效。

●治孕婦跌撲下血法

孕婦撲跌動胎。腹痛下血。急用砂仁不拘多少。於熨斗內漫火炒熱透。去筋膜爲末。每



服二錢。熱酒送下。即安。功最神效。

●治孕婦忽然倒地法

孕婦忽然倒地。不必驚慌。亂投藥劑。反而誤事。須知此乃血養胎兒。母欠精神。承胎不住。眼目昏花。一時倒地。不須服藥。只以飲食補之可也。若久臥地不起。則又當別論。看事而行。不可拘泥誤事也。

●治孕婦動紅勢欲小產法

孕婦小便頻數。腰酸脊脹。腹痛動紅。勢欲小產者。急用葱頭一大把。約計二三十根。趕煎濃汁。溫服。即治。并且應效如神。止後。趕服保產無憂方（方見前頁）方為完美。

●治孕婦痘症諸法

妊娠出痘。痘家最忌。蓋痘毒出於五臟。痘毒發越。則風火相搏。必致動胎。胎動則氣血耗散。勢必不能送毒行漿。况痘家用藥。多主溫補。如半夏肉桂之類。皆妊娠所忌。而黃芩烏藥。又非痘家所宜。此孕婦出痘。所以最難調治也。遇此總以清熱安胎為主。今將主治各方法列後。

▲發熱 有孕之婦。遇痘症大行時。急宜遠出迴避。若至染痘。當發熱時。卽以保胎爲本。以托痘爲標。仍用升麻葛根湯。加酒炒黃芩。土炒白朮。以保護其胎元。夫黃芩寒涼。易至冰毒。若無孕不敢早用。然有孕而毒火熏蒸。不用黃芩以清內熱。胎必不能保矣。至於出齊。熱或未清。黃芩亦不妨害於事。

▲見點 孕婦出痘。始終以安胎爲主。故見點後。多服安胎飲爲佳。若口渴者。則用人參白朮散加減。滯者。則用黃芩湯合四君子湯。加訶子。血動者。用芩連四物湯。腰痛者。保胎散宜早服。總之不問輕重。悉以清熱安胎爲主。安胎飲 台黨 白朮

條芩 當歸 白芍 川芎 砂仁 蘇葉 陳皮 熟地 甘草 生薑(三片)

紅棗(三枚)水煎溫服。黃芩湯合四君子湯 黃芩 白芍 人參 茯苓 白

朮 甘草 訶子 芩連四物湯 當歸 白芍 地黃 川芎 黃芩 黃連

保胎散 玉竹(四錢酒蒸)當歸(三錢酒洗)續斷(酒炒)杜仲(各錢半。水炒)茯

苓 黃芩(酒炒)白朮(各一錢。土炒)川芎 甘草(各八分)煎服。

▲灌漿 長漿之際。痘暈紅紫。此血分有熱。必用清毒活血湯。內有黃芩。外加白朮五

六分。以固胎元。胎必不動。若痘暈淡紅。以及淡白。必用千金內托散。倍加參芪。去肉桂。外加白朮一錢。以固胎元。胎必不動。此母子兼治之法也。

▲墮胎 孕婦出痘。以安胎爲主。若從前不能按法調治。至熱氣內蒸。而墮胎者多矣。遇此等症。令老成穩婆。撐扶產母。以熱水淨沐下身。扶其上床。不要倒睡。必要強坐一二刻。用滾水兌白酒一鍾。入童便半盞和服。行其瘀血。若痘稠密。用加味保元湯。氣血虛。用十全大補湯。若小腹急痛。瘀血未盡者。宜黑神散以滌除之。寒涼切不可用。加味保元湯 白朮 黃芪 當歸 川芎 白芷 桔梗 上厚樸 紫草

防風 牛蒡 白芍 肉桂 黑神散 熟地 當歸 川芎 甘草 肉桂

炮薑 蒲黃(炒) 黑豆 香附(醋炙) 童便酒煎服。(白酒非燒酒。不可誤用。)

●治誤服藥餌欲墜法

生白扁豆去皮爲末。米湯調服即安。或煎濃汁服亦可。此症胎氣已動未墮。口噤自汗。手強頭低。似乎中風。人多不識。若作風治必死。慎之慎之。或用保生無憂方(見前)服之。極爲妥效。

◎臨產須知各法

凡孕婦未產數日前。胎必墮下。小水頻數。此欲產也。慎重之家。於合用藥物。慣熟穩婆。俱宜備之。以防不虞。又乾漆渣。及破漆器。產時燒之。使產母得聞其氣。無血暈之疾。又燒石子放盆內。以好醋澆之。房中轉遊數次。產母常聞醋氣。亦無血暈。又取生韭菜二握。放在小嘴瓦瓶中。以熱醋澆浸。塞其大口。以嘴向產母鼻嗅之。亦止血暈。又取無病童男小便五六碗。淨器收貯。臨產之時。卽溫一二盃飲之。自無血暈。產母房中。只令穩婆一二人。緊閉門戶。勿使雜人往來。更禁人無事詢問。大驚小怪。直待胞漿已動。兒身已轉。逼近子門。不須用力。當此之時。產母護痛。其身傾側。護生者不可抱束其腰。恐致損兒。但扶其肩膊。勿令困倒。臨產時。如白蜜滾開水。薄粥美膳。常要齊備。如渴則取白蜜半盞。開水化開飲之。可以潤燥滑胎。令其易產。如飢卽以薄粥美膳與食之。令其中氣不乏。自然易生。如夏月盛暑之時。必用冷水洒掃房間。解其鬱蒸之氣。四面窗牖大開。以薄紙帳遮之。使產婦溫涼得宜。庶新血不致妄行。可免血暈。如冬月嚴寒之時。必於房中四處燃火。常使和暖之氣如春。更要閉其戶牖。塞其穴隙。使邪氣不入。

庶免風寒之疾。臨產之時。凡合用水火柴炭。鍋錐剪刀麻繩線布。無一不備可也。

●豫知分娩日期秘法

分娩日期。確有一定。苟知妊婦之最終月經爲何日。卽能推算知之。俾有所籌備也。茲將其法列表於左。

月經止日	分娩日期	月經止日	分娩日期	月經止日	分娩日期
一月一日	十月八日	五月一日	二月五日	九月一日	六月八日
十日	十七日	十日	十四日	十日	十七日
二十日	廿七日	二十日	廿四日	二十日	廿七日
二月一日	十一月四日	六月一日	三月八日	十月一日	七月八日
十日	十二日	十日	十七日	十日	十七日
二十日	廿七日	二十日	廿七日	二十日	廿七日
三月一日	十二月六日	七月一日	四月八日	十一月一日	八月八日
十日	十五日	十日	十六日	十日	十七日

二十日	廿五日	二十日	廿六日	二十日	廿七日
四月一日	一月六日	八月一日	五月八日	十二月一日	九月七日
十日	十五日	十日	十七日	十日	十六日
二十日	廿五日	二十日	廿七日	二十日	廿六日

●催生各種要方

凡催生須當正產之候。如臨月忽然腹痛。或作或止。或一二日。或三五日胎水已來。腹痛不止者。名曰弄胎。又曰試痛。非當產也。有一月前忽然腹痛。如欲即產。却又不產。此名試月。亦非當產也。不問胎水來與不來。俱不妨事。但當寬心待時。至時瓜熟蒂落。即臨盆之際。腹中氣痛轉胎。氣壯者轉身易。體虛者轉身難。延緩時刻。腹痛不已。俱非正產之時。切不可預先驚動。混服催生藥。直至腰腹一陣痛似一陣。痛極難忍。糞門挺急。如欲大便。眼中時見金光。漿破血來。方是正產之候。若未至產時。誤用催藥。轉動非時。以致倒產橫生。為害不小。催生之方最多。世傳兔腦鼠竇等丸。兩丸催生。非必不驗。然方內重用淮牛膝諸降竄之藥。一不得當。貽害無窮。閱後自見。雖屬靈驗。果當正

產服之。自然有效。若非正產。如瓜果之未熟而摘。必致傷生害命。斷不可用。惟保生無憂方服之。當生卽生。不生亦能安胎。卽橫生倒產。胎死腹中。亦能順生。毫無苦楚。百發百中。萬應萬靈。其藥甚平。其功最大。誠千古不磨之方。切不可好奇而輕忽也。朱丹溪先生云。佛手散（藥肆有售者。如無售。查集驗良方。及驗方新編婦科胎產門製之可也。）爲催生聖藥。又穩當。又效捷。與保生無憂散。功力相同。凡老婦並矮小女子。及體弱交骨不開者。服加味歸芎湯。尤極相宜。催生之藥。惟此三方。最穩最靈。萬無一失。切勿亂用別藥。又牛膝一物。催生斷不可用。服之氣血下墮。必致兩腿疼痛。叫號不已。慘不忍聞。無藥可治。死而後已。此名醫秘傳也。○又方。陳麥草（須取露天者更妙。無則用舊草帽之草亦可。）每用一兩。洗去塵灰。剪寸斷。煎湯服。救難產極效。此方須傳窮鄉僻壤。醫藥不便。及無力醫藥者。全活一命。陰功莫大。

○又方。用新硃筆。在黃紙上（無新硃筆。用新墨筆亦可。）寫語忘敬遺四字。貼床柱及門窗上。凡有門窗之處。各帖一張。臨產。令產婦默念此四字。卽產。可免邪祟。

翰按。此四字出唐人段成式酉陽雜俎之諸臯篇。亦未見甚靈。不過迷信婦女。令陰

此四字。則心有所祈。忘其艱苦。氣血得以不亂。胎兒得母順氣之助。或可安然降生。此古方之深意也。然有以上諸善法。以不用爲是。

○又方 急採樹葉一片。或花或草葉皆好。要新鮮青者。以淨水貼在床背。勿令人知。

●救治難產諸法

難產多因產母倉皇坐草太早所致。或胞漿雖破。兒身未轉。或轉未順。被母用力努催。以致足先來者。謂之逆產。手先來者。謂之橫生。或漏其肩與耳與額者。謂之側產。或被臍帶纏絆不得下者。謂之礙產。倉卒之間。二命所係。不可無端嚷鬧。大驚小怪。更不許穩婆混行動手。總以鎮靜爲主。無論逆產橫產礙產。將兒輕輕送入。用前佛手散服之。(見前方註)最穩最靈。並照以後各法救之。

救逆產 令產母正身仰臥。務要定心定神。不可驚懼。却求慣熟穩婆。剪去指甲。以香油潤手。將兒足輕輕送入。又再推上。兒身必轉。直待身轉頭正。然後服此催生之藥。渴則飲以蜜水。飢則食以薄粥。然後扶掖起身。用力一送。兒卽生矣。此在穩婆之良。若粗率蠢人。斷不可用。更不可使針刺足心。兒痛上緊。母命難存。



救橫生 一切照上。仍將兒手輕輕送入。再推上。摸定兒肩。漸漸扶正。卽下矣。忌用針刺。

救側生 亦令產母仰臥。俱如前法。穩婆用燈審視。或肩或額。或左或右。務得其真。以手法輕輕扶撥令正。仍服藥食。如前法起身用力。兒卽下矣。

救礙產 產母仰臥。穩婆用燈審視。看臍帶絆着兒之何處。仔細以手法輕輕脫取。服藥食如前法扶起。用力一送卽下矣。

一切橫生逆產 佛手散（見前）最穩最效。○又方 竈心中土（兩旁取者不效。燒煤者切不可用）研細。酒調服一錢。仍搽產母臍中。極效。○又方 用手中指。蘸鍋底烟子於小兒足心畫一叉。卽刻順生。○又方 蜂蜜真麻油各半鐘。煎至一半服。立下。盤腸生 當產之時。子腸先出。盤露於外。子隨後生。產後而腸不收。此謂盤腸生也。蓋由平日氣虛。不能斂束。血熱易於流動。下元不回。關鍵不牢。以致如此。救治之法。於子下衣來之後。却令產母仰臥。穩婆先將子腸溫水洗淨。然後託起。輕輕送入。推而上之。却令產母兩足夾緊谷道。其腸自收上也。或取葶藶子四十九粒。去壳搗爛。貼在頂心。

候腸收盡。乃急去之。次者或用冷水和醋。令人噴產婦面。一噴一收。亦漸收入。此法亦可。或照達生篇各方治之。欲免其苦者。宜於此後無孕時。多服地黃丸。加五味子一兩。肉桂一兩。以固下元之關鍵。及有孕時。多服胡連丸。加台黨一兩以補氣。又服三補丸以涼血。凡滑胎瘦胎之藥。不可輕服。如八月之時。服八物湯。加訶子。麥冬。粟壳服十餘劑。庶可免矣。各方俱見陳修園醫集及驗方彙載。如腸乾不上。諸藥不效。以刀磨水少許。酒潤腸上。另用真磁石煎水一杯。兌酒服。自然收上。此扁雀神方也。

●治胞衣不下法

此因產母力乏。氣不轉運。或因血少乾澀。或因子宮空虛而不下者。急用 芡實葉（又名鷄頭蓮葉）一張。扯作二三塊煎之服。胎衣即破作二三塊而下。又蓮蓬壳一個。扯作二三塊煎水服。或用荷葉扯碎。功亦相同。神效無比。此數物須平時收存。以備急用。○又方 明礬三分研末。開水沖服立下。○又方 用竹桿於堂中正樑上戳三下。即下。○又方 用雄雞一隻。連毛破開去腸雜。蓋孕婦臍上。鷄頭向上。以布紮縛即下。神效。○又方 生鷄蛋兩個。去黃用白。好陳醋燒開沖服。即下。○又方 葶麻子（十

四粒去壳。搗爛。敷兩足心。胎衣卽下。衣下後。趕急將藥洗去。久則恐腸出也。如腸已出。仍將此藥敷臍門上。腸自收入。隨洗去勿遲。

●治臨產有物先兒墮下法

婦人臨產。兒尙未生。有物先出。形如胞衣。此乃子宮也。此時兒尙未生。切勿用葶麻子塗在頂心。以致悞事。速將子宮納入。服以補藥。(用前保生無憂方最妙)靜候兒生。母子無恙。如慌張無措。亂用方法。則誤事矣。

●治臨盆胡言亂語法

急用四炷燈火。加礞砂五分。蓋內點之卽安。四炷者。一蓋內用四個燈火頭是也。

●治臨產暈絕法

臨產暈絕。不省人事時。急用生半夏如豆大。研末吹鼻中。得嚏卽活。

●治臨產交骨不開法

臨產艱難。及氣弱體虛。或矮小之婦女。交骨不開。極聲呼號。一時難覓醫藥時。用白蜜麻油。或半盞。煎至一半服之。立效。終不若加味歸芎湯(見前)之妙也。

●治子死腹中法

產母唇舌俱紅者。母子無事。唇青舌紅者。母死子活。唇紅舌青者。母活子死。唇舌俱青者。母子俱死。用平胃散。最爲神效。平胃散 專治胎死腹中。蒼朮（淘米水泡炒）紫川厚朴（姜汁炒）陳皮（各一錢）炙草（五分）酒水各一鍾。煎至一半。加朴硝末（五分）再煎三五滾。去渣溫服。其胎卽化爲水而出矣。若倉卒製藥不及。只用朴硝五錢。以溫童便調下亦效。如胎未死。產母舌不青黑。不可亂用。凡貓犬生子不下而叫號者。以此藥灌之。卽生。○又方 用醋炒黃牛糞敷肚腹上。用布捆好。卽下神效。

●治產後惡露不止法

產後衝任損傷。氣血虛憊。舊血未盡。新血不斂。相併而下。日久不止。漸成虛癆。大補氣血。使舊血得行。新血得生。不可輕用固澀之劑。使敗血凝聚。變爲癥瘕。反爲終身之害。用十全大補湯。（卽十全大補丸方。藥店可購。無則查醫方大成卽知）如小腹刺痛者。用四物湯加 元胡索 蒲黃（炒） 乾薑（炒）各等分。水煎服。

●治產後惡露不下法

秘術海 婦人調衛門 胎產

此有二症。治之不同。或因子宮素冷。停滯不行者。宜用黑神散。此必小腹脹滿。氣痛無時也。或因脾胃素弱。中氣本虛。敗血亦少。氣乏血阻。不能盡下。其症乍痛乍止。痛亦不甚。用加減八珍湯。台黨 白朮 雲苓 炙草 歸身 川芎 赤芍 熟地 元胡 香附 薑棗引。水煎。食前服。○又方 大黑豆炒令煙絕。酒淋。尿卽下。乘治產後中風危篤。

◎治產後乳汁不通法

或初產之婦。則乳方長。乳脈未行。或產多之婦。則氣血虛弱。乳汁短少。並用加味四物湯。歸身 黨參 川芎 赤芍 生地 桔梗 甘草 麥冬 白芷(各一錢)水煎服。如因乳不行。身體壯熱。胸膈脹悶。頭目昏眩者。加木通滑石末煎水。食後服。更煮豬蹄湯食之。則乳汁自通。豬蹄一對。洗淨煮爛。入葱調和。並汁食之。又云。要入香油炒過。穿山甲共煮。去甲食之。神效。

◎治產後血崩法

產後衝任已傷。氣血未復。或恐情慾勞動胞脈。或食辛熱。鼓動相火。或因惡露未盡。固

澀太速。以致停留。一日復行。須要詳審。先用四物湯。倍加川芎當歸。再加黨參。作大劑服之。扶其正氣。然後隨其所傷。再加減調治。因於房勞者。本方加黃耆。炙草。阿膠。(炒)艾葉同服。因於心熱者。本方加白朮。茯苓。甘草。黃連(炒)。因於固澀者。本方加香附。桃仁。如崩久不止。只用本方調石炭散服之。或用前四物湯。大劑扶其正氣。蓋崩本非輕病。產婦得之。是謂重虛。尤不可忽也。○又方。荆芥穗五錢。炒黑煎服。立止。

●治產後血暈法

產後昏眩。猝然倒地。不省人事。口噤氣冷。謂之血暈。此惡候也。不可救者多。若悞作暗風痛醫。直殺之耳。蓋由坐草之時。不知用前防血暈等方。所以有此。其症有二。當分治之。如血來太多。猝然昏仆者。此氣血兩虛也。急用非醋嗅法(見前臨產須知)。以待其醒。用澤蘭葉。黨參(各一錢)。芥穗。川芎。歸身(各一錢)。炙草(八分)。水酒各一盞。煎至一盞。入童便一鍾同服。如血去少。惡露未盡。腹中有痛而昏眩者。用上法令醒。再用黑神散。黑豆(一合炒)。熬地。當歸。肉桂(去皮)。乾姜(炒)。

灸草 白芍(酒炒) 蒲黃(各二錢)如上法煎服。○又方 提起頭髮坐定。不可倒眠。急以燒紅栗炭。或磚石秤礮等物。投入陳醋內。對鼻孔薰之自醒。另入當歸六錢。川芎(三錢) 芥穗(三錢炒黑)水煎。臨服入好酒童便和服。神效之至。○又方 五靈脂半生半炒爲末。每服一錢白滾水調下。如口噤者。用破調羹擣開灌之。入喉即愈。○又方 白紙三十張燒灰。熱酒沖服。雖已死一日。打去一牙灌之。亦活。○又方 乾漆渣。破漆器燒烟薰之即醒。或乾荷葉燒灰。溫酒調服。

翰按用地黃藕節同取汁。入童便熱飲甚效。

●治產後猝然不語法

人心有三毛七孔。產後敗血停於心竅。神志不能明了。故多昏瞶。又心通於舌。心氣閉。則舌強不語也。用七珍散。 台黨 菖蒲 生地 川芎(各一錢) 細辛(二分) 防風 辰砂(各五分研)水煎。調辰砂。食後服。又有言語不清。含糊蹇澀者。蓋心主血。血去太多。心血虛弱。舌乃心之苗。其血不能上榮於舌。故語之不出也。用加味參麥散。 台黨 麥冬 歸身 生地 灸草 石菖蒲(各一錢) 五味子(十二粒)先用

豬心一個。破開。用水二盞。煎至一半。去心。入前藥。煎七分。食後服。並治怔忡有效。

●治產後頭痛法

產後去血過多。陰血已虧。陽氣失守。頭乃諸陽之會。上湊於頭。故作頭痛。但補陰血。則陽氣得行。而頭痛自止。宜用芎歸湯。川芎當歸（各五錢）（俱不洗炒）連鬚葱頭（五個）生姜（五片）焙乾。水煎食後服。又有敗血停留子宮厥陰之位。其脈上貫頭頂作痛。宜用黑神散（見前）

●治產後腹痛法

產婦中氣多虛。不能行血。血斯凝滯。或閉而不來。或來而不盡。敗血入腹。故爲腹痛。乍作乍止。其痛如刺。手不可近。宜用黑神散（見上）或用失笑散。或後條羊肉湯俱妙。或產後血虛。外受風冷之氣。內傷寒冷之物。以致腹痛者。得人按摩則止。或熱物熨之。則止者是也。用當歸建中湯。歸身 白芍 肉桂 炙草（各二錢） 生姜（五片） 大棗（三枚）水煎。入米湯三匙。攪勻熱服。或小腹痛者。臍下胞胎所係之處。血之所聚也。產後血去不盡。卽成痛症。其症無時刺痛。痛則有形。須臾痛止。又不見形。宜用黑



神散或失笑散。或後條羊肉湯更佳。○又有因產時寒氣客於子門。入於小腹。或坐臥不謹。使風寒之氣乘虛而入。此寒症也。但不作脹。且無形影。用金鈴子散。川練子（去核）小茴 補骨脂 肉桂（各一錢） 木香（四分）磨兌。姜引。水煎。食前熱服。或後羊肉湯方更妙。

●治產後腹中有塊痛法

產後腹中有塊。上下時動。痛不可忍。此由產前聚血。產後氣虛。惡露未盡。新血與舊血相搏。俗謂之兒枕痛。卽血瘕之類也。用當歸元胡索湯。歸尾 元胡索（各錢半） 五靈脂 蒲黃（各一錢） 赤芍 肉桂紅花（各五分）水酒（各一盞）煎一盞。入童便一盞同服。或用山查肉一兩。水煎一鍾。加紅沙糖五六錢。好酒一二小杯。空心熱服。催下敗血卽安。或用失笑散亦效。羊肉湯。通治上腹痛。小腹痛。兒枕痛之神方也。精羊肉（半斤） 當歸 川芎（各五錢） 生姜（一兩）水十盞。煎三盞服。或用羊肉燉老薑食。或炖製附子均妙。

●治產後發熱法

產後血虛則陰虛。陰虛生內熱。其症心胸煩滿。呼吸氣短。頭痛悶亂。將晚轉甚。與大病後虛煩相似。用 台黨 歸身 熟地 肉桂 酒芍（各錢半） 麥冬（一錢）水二盞。先以粳米一合。淡竹葉十片。煎至一盞。去米葉。入藥並棗三枚。煎七分。溫服之。如甚加炒乾姜一錢。產後大熱。必用乾姜何也。此非有餘之熱。乃陰虛生內熱也。故以補陰藥大劑服之。且乾姜能入肺和肺氣。入肝引血藥生血。然不可獨用。必與補陰藥同用。此造化自然之妙。惟天下至神。可以語此。

●治產後汗出不止法

產後去血過多。榮血不足。衛氣失守。不能斂皮毛。固腠理。故汗洩而易出也。宜急止之。恐風寒乘虛而入。必變生他疾。宜用麻黃根湯。歸身（酒洗） 蜜芪 麻黃根 台黨 炙草（各錢半）水二盞。以浮小麥一合。煎至一盞。去麥。入藥再煎。至七分。調牡蠣粉二錢服之。又十全大補湯（見前）加防風煎服亦效。如眩暈汗出者。此名胃汗。虛極也。急用 炙薯 台黨（人參更妙） 炙草（各一錢） 熟附子（一錢）水煎。搗開口灌之。大抵此危症。頗不易治。如汗不止。風邪乘之。忽然悶倒。口眼喎斜。手足攣曲。

如角弓反張者。此危症也。急用 桂枝 葛根 白芍 甘草 炙蓍 歸身（各一錢）熟附子（五分）搗開口灌之。此亦危症。不治者多。

●治產後腰痛法

女人之腎。胞脈所係。產後下血過多。則胞脈虛。脈虛則腎氣虛。腎主腰。故令腰疼。其症隱隱作痛。用補腎地黃湯。熟地 歸身 杜仲（青鹽水炒去絲）肉桂 續斷（各一錢）生姜（三片）棗（二枚）水煎。空心服。○又敗血流入腎經。帶脈阻塞。有腰疼者。其症脹痛如刺。時作時止。手不可近。用加味復元通氣散。歸身 川芎 小茴（炒）故紙（炒槌碎）元胡（各一錢）牛膝（八分）肉桂（一錢）丹皮（一錢）水煎。另用木香末。乳香末。沒藥末（各五分）調勻。空心服。有因產時起伏。挫閃腎氣及帶脈者。亦或腰痛。用上加味復元通氣散方治之。

●治產後霍亂法

產後霍亂吐瀉。皆因產後氣血兩損。脾胃亦虛。風寒易乘。飲食易傷。少失調理。卽有是症。發時心腹絞痛。手足逆冷。吐瀉並作。用加味理中湯。黨參 白朮 炙草 乾姜

(煨) 陳皮 藿香 厚朴 姜三片。水煎。時時溫服。自治。

### 雜治類

#### ●試探身孕法

婦人月事經二三月不通。疑有孕而不能決者。以蓬草浸醋。經過三四小時後。取出焙乾。再過五六小時。待火氣去盡後。和酒煎服少許。腹痛者孕。不痛者否。

#### ●預知女子天癸始至日法

熟記女子生日。從生日數至五千零四十八日。即為天癸始至日。縱有前後。亦不過三數日耳。如體弱有病者。或遲過兩三星期。歷試詢多人。率皆不爽。誠妙法也。

#### ●治經來房事相撞法

少年夫婦。情不自恃。每有此誤。俗名撞紅。畏言不治。必生他疾。今得一方。用水飛淨真明雄三錢。好黃酒沖服。一次即愈。又藥肆有撞紅丸售。每丸一角。服一二丸亦愈。無則向廣東丸藥店購之。

#### ●治白帶白濁白淫法

秘術海 婦人調衛門 雜治

白帶白濁白淫諸疾。症固不同。治亦有別。白帶者。時常流出。清冷稠粘。此下元虛損症也。白濁者。濁隨小便而來。渾濁如米泔水。此胃中濁氣滲入膀胱也。白淫者。常在小便之後。來亦不多。此男精不攝。滑而自出。不治亦愈也。治白濁方 陳皮 半夏（製）白茯苓 白朮 益志仁（鹽水炒研）蒼朮（各一錢）炙草（五分）升麻 柴胡（各七分）薑引。水煎服。帶亦同治。

●治赤白帶下法

患下赤帶者。以蒲黃、滑石等分研粉。每服三錢。攪和清水飲之。患下白帶者。炒槐花、煨牡蠣等分研粉。每服二錢。用酒沖之。兩帶俱下者。燒兔皮存性研灰。用紅白糖熱酒沖服。每次服一錢。自效。

●治血崩不止秘法

血崩不止者（參看後老婦血崩方）用燈心一根。蘸香油點燃。燒大敦穴十下。即止。（穴在兩足大趾外側甲縫內中間。不上不下即是。如止而又崩。即在原處燒。若原處起泡。挑破燒之。無不止矣。）此治崩症神效第一方也。止後再請名醫。用藥調理。以免復

發。○又方 凡婦人有血崩血枯之症。其頭頂心必有紅髮數莖。拔之燒灰。酒調空心服甚效。○又方 用陳蓮蓬壳（燒灰存性）（五錢）棉花子（燒灰存性）（三錢）共研末。米酒冲服。奇效非常。此前人尹蓬頭方也。

●治老婦血崩秘方

凡老年婦人。驟然大崩不止。名曰倒經。速投此方。其崩立止。如仍發熱。以六安州茶葉三錢（如無。即用別項茶葉亦可）煎服一次。身熱即退。再用六君子湯。加當歸、白芍、調理而安。方用陳阿膠（一兩）（米粉拌炒成珠。無則以陳黃明膠代之。終不如何膠之妙）全當歸（一兩）（西紅花（八錢）冬瓜子（五錢）用天泉水煎服。其渣再煎服之。方名膠紅飲。此方傳自異人。每治老婦血崩。屢試如神。後見少婦大崩不止。屢服大料補劑。血流反多。飲食不下。昏暈幾次。勢甚危篤。照此方減去紅花一半服之。仍用六君子湯。加當歸、白芍調理全愈。葉天士云。初崩宜塞。久崩宜通。即此義也。紅花能去瘀生新。不與桃仁同用。並不害事。切勿疑悞。

●治婦人陰癢法

此有蟲也。甚者皮膚且被傷。以防風四錢。大戟二錢。芥葉五錢。蓮房三錢。煎湯洗之。以杏仁三錢。硫黃八分。麝香五釐。共研極細。包於綿條。納陰中。即治。

●治陰腫法

風也。蟬衣二錢。龍衣八分。桃仁一錢。鮮馬鞭草四錢。煎湯洗效。

●治陰生虱法

陰生八角虱。奇癢難忍。捉之不易。急以銀杏（俗名白果）嚼爛塗敷神效。如無銀杏。生桃仁嚼塗亦可。有麝香更佳。近日西藥房售者亦效。（男陰同治）

●治乳癰法（非乳巖）此症男婦皆有不獨婦人

乳癰初起。紅腫疼痛。（此乃陽毒。非乳巖也。）以炒白芷 製乳香 製沒藥 浙貝 歸身 各等分研末。每服五錢。酒送。一服全消。如已潰爛。用醒消丸酒送一服。以止痛。外貼洞天救苦膏自愈。如色白者。照流注治法。倘潰爛不堪者。以洞天救苦丹按法與服。七日後接服大棗丸收功。此林屋山人秘法也。醒消諸膏丸。隨地各藥肆皆有售。製方反緩不濟急也。故不列方。如鄉僻急切無處覓藥。以生蒲公英搗爛。沖酒服。渣敷

乳上。略睡片時。數次即愈。此爲乳癰聖藥。屢著神奇。不可輕視。○又方。豆腐店棹上。做豆腐淋下之水。一桶。入鍋熬乾成膏。冷透火氣。厚敷之。乾即再敷。乳上結塊自消。五七次必愈。屢試神驗。有人借貸五百金。無力歸還。以此方神效奉贈。後試之果驗。人稱爲五百金方。此方雖治乳癰。既稱乳上結塊自消。則乳巖似亦可治。

●治乳崖初起法

乳崖惡症。本非一二單方可治。茲姑照傳家寶方。斟酌損益。爲初起之治法。方以澤蘭葉四錢。蒲公英二錢。金銀花三錢。木瓜二錢。白芨三錢。地丁甘草各三錢。水煎熱服。徐飲真米酒半醉。不效。急內服大劑醒消丸。或三黃丸。外貼陽和解凝膏。再不效。或延名醫。或檢方書。參酌治之。無不效者。

●治兩乳忽然縮入法

急用兩手緊緊抓住。取公雞一隻。約重十兩內外。連毛破開。去腸雜。加真麝香（一二錢）（要當門子）入雞肚內。覆肚臍上。用布紮之。自愈。遲則難救。

●治乳塞脹痛法（參看防患門產後擠乳頭法）



用核桃肉數顆搗碎。沖滾黃酒服即愈。皂角刺。穿山甲。少用爲是。

●治乳汁不通法

浙貝母。肥知母。牡蠣粉。各二錢。研末。用淡猪蹄湯調服二錢即治。外用油木梳背梳乳亦佳。

●使妬婦不妬法

赤黍六兩。薏苡仁八兩。研細。製丸。常給其服之。自不嫉妬。藥亦有益無損。

●醫治石女法


石女不能納陽。不能受孕時。以鉛製粉。納於長條形之絹袋內。逐日納戶內數小時。久久自開。一祛上云各病矣。

●墮胎救濟方

傷春少婦。閨閣嬌娃。或被引誘。或不自恃。一旦失身。留下孽障。欲全顏面。乃亂墮胎。治不得法。兩命偕殤。甚或逼而懸樑。甚或迫而投井。門風敗壞。兩姓鬻張。雖其孽由自作。然人豈無一念之差。君子原人。概從寬論。因輯此方。權全一命。方用大麩五合。黃酒二

斤。煮數沸。去渣。空心飲酒。五次服完。孕如糜下。人無疾苦。方載證治準繩。又方。麝香一分。納臍中。以牛膝一段。挿陰戶。卽下。又方。官桂二錢。當門子二分。百草霜。威靈仙。各一錢。粥和丸。服之。自下。

秘術海 婦人調衛門 雜治



## 兒科廣濟門

麻疹驚風。爲小兒第一難關。亦育兒家第一重事。每見鄉僻之所。無處覓方。并無處求深研此道者。徃遺無措。坐天兒命。深爲痛惜。今特輯集各種經驗良方。另闢此類。俾便檢查。方不求乎新奇。藥維期諸適當。參茸珠珀諸貴品。不便鄉市。不便寒窶。暨難得真物者。概以功用相同者代之。庶免窮酸見而搖頭。富豪嘆無覓處。如其空言無補。徒遺誇大之譏。何如力踐實行。完我全兒之願。集小兒科。(後附雜治)

### 痘癩類

#### ●令小兒月內出痘法

小兒月內出痘。則先天所受之胎毒。悉從此發洩。後雖有天行痘。亦不傳染。且僅只三日。穩而且速。今編成歌謠。俾傳授鄉曲之不識字者歌唱。俾人人盡曉。功莫大焉。歌曰

小兒出痘得秘傳 十日之後休遲延 一過十八則不驗 未過十日兒力綿  
金銀花與荆芥穗 紅花桃仁各一錢 生地當歸共赤芍 各用二錢不須添

再加五分生甘草 兩茶杯水同相煎 煎成一小酒杯滿 切莫近於煤火邊  
藥引即用兒臍帶 約長三寸五焙研 研末調入藥內服 與兒數次分服全  
頭日服藥次日出 三日收功自然安 不灌漿來不結蓋 遍體色吐紅活鮮  
喂乳之人不忌嘴 小兒微熱如常眠 醫不延請神不供 不忌生人不忌言  
小兒毒輕祇出痘 毒重痘後疹相連 此方屢試既屢驗 特爲傳播歌一篇  
方用金銀花。紅花。桃仁各一錢。生地。赤芍各二錢。荆芥穗一錢。生甘草五分。當歸二錢。  
水二茶杯。煎一酒杯。用本孩臍帶約二三寸焙乾。（忌用煤火）研末。調入藥內。令小兒  
分數次服盡。頭日服藥。次日出痘。三日收功。不灌漿。亦不結壳。而形色紅活。與正痘無  
異。但須於十八日內用之。若過十八日。則不驗矣。

〔原按〕方藥極平淡。不過清疏活血之常品。而奏效如是之捷者。良由甫生嬰孩。氣血  
渾融。腠理通達。引以本身臍帶火焙之力。逗動命陽。故能將胎毒發出。理極可信。新  
安。邗江。金陵。鑲板印送者。皆縷述其效。因採入以廣福幼之意焉。

●小兒稀痘要方

以本兒初生時之臍帶。剪下一寸。熟冷水洗潔。(忌用生水)新瓦上焙乾。(用木炭火。忌煤炭。以色焦黃爲度。枯黑無用。)乘熱研末。(少停則研不碎。亦無用矣。)用厚紙包裹。置陰沉地。過一夜去火性。每末一分。入飛淨硃砂五釐和之。以當歸一錢。生地六分。煎濃汁沖服。(二三茶匙爲度)次日大便。如下黑糞即效。服至黑糞轉黃爲度。不可多服。雖遇天行時痘。亦不傳染。縱染之亦不過稀稀數粒。絕無關要。誠妙法也。(參閱傳家寶。達生福幼編。痘疹全書亦妙。)

●浴兒免痘法

除夕黃昏時。用大烏魚一尾。小者用二三尾。煮湯浴小兒遍體。須七竅俱到。可免出痘。不可嫌腥。而另以清水洗去。如不信。試留一手一足不洗。他時痘多出在不洗處。此方極有驗。不可忽視。

●不出天花經驗方

天麻子三十粒。去殼衣。揀肥大者。硃砂一錢。明透者。麝香五釐。揀真淨者。共三味。先將硃砂麝香研細末。後入天麻子。共研成膏。於五月五日午時。擦小兒頭頂心。前後心。兩

手心。兩足心。兩脚彎。兩脇。共十一處。俱要擦到。不可短少。擦如錢大。勿使藥有餘剩。擦後不可洗動。聽其自落。本年擦過一次。出痘三粒。次年端午再擦一次。出痘三粒。再次年端午再擦一次。永不出痘。如未過週歲小兒。於七月七日。九月九日。依法擦之。更效。男女治法皆同。傳方之家。不出天花三世矣。

●治麻閉秘方

凡麻閉。或發而不透。氣吁吁喘欲死時。急覓肥脂麻（俗呼芝麻）五合。（不問黑白。以黑者爲佳。）滾水泡之。連木盆置於帳中。坐兒其上。儘其熱氣燻蒸頭面。須臾即發。（維須避風）實有起死回生之妙也。又如急切無覓脂麻處時。用紅殼粟米煎水作茶常飲亦效。惟不可用白殼者。

●治麻症作癢法

今日之麻子。皆當日不能忍癢。手搔之故也。今得一法。逢麻症結痂作癢時。以好白蜜調水。（市售摻白糖與米粉者無效）鵝翎時時蘸掃自效。

●治麻伏變症法

痲症最忌風。如初發之時。因風而伏。目張鼻煽。兩手抽掣。其勢危在頃刻。藥之不及。惟急用羌萎菜斤許。煎熱湯。盛以木盆。放兒身傍薰之。用細巾浸湯絞乾。乘熱措其頭面。胸背手足。冷則再換。仍須避風。此方簡便而極效。經驗屢屢。萬勿輕視。

●治痲症要訣

痲爲陽毒。其熱甚烈。兒命存歿。定於方出之時。故發熱三日。痲當現於皮膚。若膠理緊閉。風寒嚴束。氣滯於中。毒凝於內。不能出現。則毒往內攻。須臾告變。故痘則慮難成漿。痲則懼其不出。痲前痘後。最爲緊要。此古今之通議也。當發熱三日之間。急宜觀形察色。審音辨症。以爲調理之方。如聲重鼻塞。肌栗惡食。是爲風寒所束。宜用加味升麻湯。升麻 乾葛 防風 荊芥 牛蒡 連翹 桔梗 木通 赤芍 甘草 柴胡 黃芩 陳皮 蟬退 元參（分劑量兒大小輕重定之）加葱白。水煎熱服。令出微汗。一二服間。其痲卽出。如大熱薰蒸。肌膚乾燥。目赤唇紫。毛髮焦豎。煩渴不安。驚狂癩語。二便秘結。而出不快者。乃熱毒盛壅故也。宜用 梔仁解毒湯 梔子 黃芩 黃連 石膏 知母 牛蒡 連翹 升麻 柴胡 防風 赤芍 甘草 大便秘。加



酒大黃。煩燥加麥冬。嗽甚者加杏仁。桔梗。花粉。如驚譫。則加抱龍丸。或牛黃丸。無汗腠理秘。加大黃。再用紫蘇煎水。令熱氣熏之。或用酒遍身擦之。然後以被蓋片時。其癩即退。治風寒閉者亦如是。若爲穢氣所觸。而出不快者。則用沉香。檀香。荆芥。燒烟薰之。○又有毒氣本盛。元氣又虧。而出不快者。宜用人參白虎湯。台黨二錢。石膏四錢。知母一錢五分。加升麻。防風。牛蒡。炒芩水煎服。

附孟氏治癩方 石膏二兩。煨。荆芥。地骨皮。桔梗各八錢。赤芍。牛蒡。薄荷。陳皮。枳殼身六錢。川貝。甘草各四錢。紅花三錢。乾葛。歸尾。桑白皮各一錢。共爲末。每服三錢。開水下。此方能發表透肌。清毒活血。理肺消痰。清胃解結。不拘四時皆可服。誠治癩之良方也。

●治痘變神方

痘出一半。忽然不語。昏迷不省人事。手足冰冷。目閉。面青唇白。氣息俱涼。此厥陰症也。急用雄雞一隻。生剖開。去腸雜。以燒酒噴雞肚內。敷臍上。用布紮緊。約一炷香久取出。連換數雞。其痘乃齊。其人自愈。其效如神。

●治兒體弱痘毒又盛方

有父母體弱。又好縱慾。因而成胎者。胎兒勢必秉賦不足。秉賦不足。勢必體弱。體弱而胎毒重。出痘之時。最爲危險。蓋其症必熱症方形。虛症又現。元氣本來虛弱。而毒氣猛烈。以致痘出不快。解毒既恐傷元。扶元又恐助熱。令醫者頗難用藥。惟有照上方用雞敷臍上治之。俟痘變順後。再培補兒體。屢用屢效。萬無一失。

●治痘症黑陷不起法

凡心煩氣喘。妄語見鬼。以不落水豬心血。和冰片成丸。如芡實大。每服一丸。以紫草煎酒下。少刻下瘀血。神清。痘卽紅活。透出。此醫所不能治者。百發百中。神應非常。○又方升麻一味。先煎濃湯。去渣。用胭脂十餘張。於湯內揉出紅汁。加明雄末錢餘。卽以胭脂綿蘸湯。於瘡上拭之。胭脂紅花膏所染。故能活血散毒也。如痘不起發。拭之亦可。神效非常。

●治痘不起漿法

凡痘不起漿。或漿起復收。急取癩蝦蟆一個。(目紅腹無八字紋者勿用)用手捉住。將

蝦蟆頭對住小兒之口。(用綉將小兒眼遮住。以免蝦蟆吐漿入內。離二三寸遠。約二頓飯久。放去。另換一個。仍向兒口對之。連換三次。其毒已被蝦蟆吸盡。即灌漿收功。此法起死回生。神效之至。○又方 頂好熱燒酒。用細帕蘸透。時時熨之。輕者此法最妙。

●治曉星報點痘法

諸痘未出。獨於印堂先現一顆者。名曉星報點。此痘能閉諸毒。急宜以燈蕊蘸清油燒之。但小兒畏燈。必然閃躲。須用銅錢一個。印於痘上。令痘從錢眼暴出。然後燒之。乃不差悞。

●治黑痘法 宜與黑陷辨清。黑陷有救。此較難救。不可不辨。清以致天殤。兒命

此必死之症。古方雖有數條。總以涼血解毒為主。姑載於後。以備參用。初見黑點在皮膚之間者。用硃砂冰片牛黃。或用豬尾血。調人牙散。好酒同服。初出點便黑者。用紫草茸二三錢。好酒調服。又皮膚發青紫紋者。川紫草一錢。紅花。荆芥。防風。牛蒡。生芪各八分。木香。甘草各三分。升麻五分。又黑痕並黑靨者。用蟬退五個。紫草茸一錢。又黑如煤炭。血不紅活者。用紫草。紅花。生地。牛蒡。赤芍。又黑

而軟者。氣弱而血熱也。用保元湯。加紅花 紫草 生地 又焦黑潮熱煩燥者。用小無比散三錢。加紫草 生地 紅花 磨犀角調服。人牙散方。人牙（自落者）火煨存性。入韭菜汁淬（音妻）之。研爲末。加麝香五釐。穿山甲二分。用雞冠血、葱白、煎酒調服。保元湯方。人參 黃芪 當歸 川芎 紫草 紅花 肉桂 防風 小無比散方。滑石六兩。石膏一兩。煨。煨寒水石。鬱金。甘草水煎透焙乾。甘草各五錢。共爲細末。

●治舌上鼻內出痘法

眞青扣布燒灰。攤去火性。加冰片研末吹之自愈。不用片冰亦可。然有冰片較驗也。黃丹老土磚共研末吹之亦效。礪砂燒化。檀香炭共研末吹之亦驗。皂角末吹入鼻亦治。維不可入口。柏葉煎水服亦可。舉此皆所以便鄉僻也。

●治男腎有痘法

捉公鴨（聲啞而小者是）啣之。得其口氣呵之自愈。

●治婦陰有痘法

清油調明雄末。以鴨翎蘸掃之自愈。（女孩同）

⑤ 驗痘是否出齊法

五六日後。痘當出齊。凡看痘齊與否。必以腳心爲驗。腳心有痘。則出齊矣。然痘稀少者。亦不拘此。總以熱退神清爲痘出齊矣。若然未退。雖四肢有痘。終恐未齊。不可謂毒輕。痘少。漫不介意也。

● 治痘症發熱譫語法

干足泥（卽鄉間大路之土）搗碎。雞蛋白調敷臍上自愈。又用藍錠（音殿）腳汁一盃。和燕子泥調敷臍上。燒五寸香久取去。又方。用小雄雞一隻。生剖開。用雄黃麻油塗入雞肚內。將雞敷臍上。最穩最妙。又方。以生蘿蔔搗爛。和鉛粉作餅。敷腳心亦妙。又方。用燕子窩泥。雞蛋白調餅。敷臍上亦治。又方。熱甚恐起驚風。用小針刺男左女右中指。取血爲妙。

● 治痘症狂熱麻木致死法

此症有由脚麻至小腹而死。或由頭麻至心口而死。一日死甦幾次。藥宜早製。以備急用。冬月取小男孩糞（要乾結者爲佳。稀者不用）陰乾。用泥裹好。燒成灰。去泥。取糞研

末。每用三錢。豆腐調服。神效。並用吳茱萸末。熱醋調敷足心。亦神效方也。

●治痘症大便不通法

葱一把。搗作餅。敷臍上。用錫壺盛滾水熨葱上。即通。

●治痘症小便不通法

細茶嚼融。紙包敷臍上。自通。又方用樟樹皮一握。薑一兩。葱十根。老艾一團。共搗爛炒熱。男敷小肚上。女放陰門上。即通。

●治痘症潰爛膿水淋漓方

多年蓋屋茅草。洗淨焙乾。爲末摻之。神效。○又方以松花粉摻之亦效。○又方黃牛糞焙乾研末。清油調敷。無論如何潰爛。皆能收功。又方紫草麻油熬成膏。加白蠟再熬數次。取起敷之。神效。又方京城油胭脂敷之。亦神驗也。

●治痘症泄瀉妙方

男左女右。肚角上必有一窩。即止瀉之火穴也。法用本人之手。下垂肚角。然後將其手曲轉。令手摸動。以曲骨下爲記。此處必有一窩。即於窩中。用燈火連燒三次。其泄自止。

但痘前吐瀉。總勿亂治。恐滯毒氣。若痘出而泄瀉不止。則宜施治。慮中氣虛。則痘難起脹也。泄有二端。泄糞黃而臭。小便赤而澀者。此毒氣奔越。熱泄也。痘色必紅紫。加味四苓散主之。泄而糞青白滑利者。虛寒也。痘色必淡白。參朮散主之。如虛泄不止。兼用七味豈薏丸。無不止矣。此聶久吾先生痘症經驗方也。

加味四苓散方 治痘症熱泄如神。虛泄者斷不可服。猪苓 木通各八分。赤茯苓

澤瀉各七分。川連(炒) 黃芩(炒) 牛蒡(揀淨炒香研碎) 車前子各五錢。

燈蕊一團。水煎空心服。

參朮散方 治痘症虛泄。並尋常脾虛泄瀉。試驗如神。白朮(土炒)一兩。潞黨參(高麗參最妙) 眞白茯苓。砂仁。炙甘草。薏仁(炒) 白蓮肉(去心炒) 眞神曲 查肉 各五錢。肉荳蔻(麪裹煨熟。去麪切細。紙包打去油) 訶子(火內煨去核) 廣陳皮(去筋) 各四錢。南木香三錢。共爲末。每用二錢。米湯調。空心服。小兒如不肯服。調稀粥服亦可。

●免痘入眼法

牛蒡子搗爛敷顙門穴。(顙門在頂心前)痘卽不入眼。

●治眼中生瘡法

真新象牙磨水點眼。其瘡自退。可免瞎眼。○頂上胭脂。取汁點之。亦最妙。鯁蚰蟲又名鼻涕蟲。放眼皮上。周圍走動。吐出涎水。其瘡自散。屢試如神。○又方以鯉魚尾血點之最效。○又方以鯉魚膽點之。鱧魚膽亦可。○又方用細茶葉口咀。敷眼外。又方益母草熬水點之。均治。皆便癩僻救急之妙法也。

●治發瘡時皮肉紅腫而瘡不腫法

此亦變症也。不必心慌。以三豆散治之。即效。三豆散。以黑豆、萊豆、紅飯豆。各三錢。共研細末。以醋調研成濃汁。鷺毛掃之。神效。

●雜治類

●治落盆產兒氣絕不啼法

產兒落盆。氣絕不啼者。切勿驚惶。如胎衣來時。切勿斷臍。即取胎衣放熱水中。並以水澆臍帶。俟暖氣入腹。兒氣即回。啼聲發出矣。若先斷臍帶。則不可救。慎之慎之。

●治初生小兒月內臍風法



初生小兒發臍風者。其臍上必有青筋一條上指心口。若此筋已至心。十難救一二。當此筋未至心口時。急用艾置青筋頭上灸之。則青筋自然縮下寸許。再從縮下之筋上灸之。則筋消而病愈。屢試屢驗。百不失一。但艾團不可大過赤豆。以小如粟米爲宜。此法百試百驗。勿以閑書忽視而自誤也。

●治小兒驚風法

削浮石一錢。入水一碗半。煎至一碗。服之。有奇效。

翰按小兒驚風疾。卽大人傷寒症。小兒體弱不勝。故現驚搐之狀。張仲景李瀕湖言之甚詳。此特舉其輕便急治者之一耳。若症延稍久。又當別論。不可泥之也。

●治初生小兒大小便出血法

此胎母過食辛熱物所致也。用生地黃取自然汁。和白糖少許。溫服卽治。

●治初生小兒大小便不通法

急令人用溫水嗽淨口中之穢氣。吮小兒之前後心及臍下。并兩手兩足心。計七處。每處各吮五六口。以色紅紫氣透爲度。須臾卽通。不通再照前法行之。無不通者。維宜避

風寒。○又法。以連鬚葱頭七個。生薑一大塊。淡豆豉。食鹽各三錢。搗餅。炭火烘微溫。貼繫臍上。時許即通。通即揭去。

●治初生六七日小兒陰囊縮入法

此受寒所致也。不急救不治。方用硫黃五錢。吳茱萸五錢。共研末。以大蒜搗塗臍下。炒蛇床子布包熨臍即治。

●治胎瘡法

以冰糖五錢。按日煎水與飲。十日即治。以蟬退四兩。包置兒睡枕中。亦治。兩方俱有奇效。不可輕忽視之。亂服雜藥。反致誤事也。

●治初生頸癭

生附子（去皮臍）生南星各二錢。研末。薑汁調。貼天柱骨即治。（骨在頸後）

●治舌腫如石立時氣絕法

名嬰舌。其死實非死。不要心慌。急用百草霜（即鍋底煤。但燒百草者乃效。燒煤炭者有毒不可用）塗之。奇效。如無百草霜。以皂礬二三錢。新瓦上煨紅。置地上半日去火。

氣塗之。設急不能待時。用頂上梅花冰片研敷亦效。

●治小兒蛇舌法

舌如蛇舌。常擦兩口角者是。此心火盛也。明雄末點之即治。燈芯泡水與服亦佳。重用川連二分蒸水服無不治。

●治初生兩目腫爛法

胎熱也。蚯蚓泥（俗名曲蟾。又名蝗蝻。藥名地龍泥。疳中小兒皆識。姦不贅狀）和清流水搗服額門（在頂心前）換二三次即治。以生南星。生大黃末少許。醃調塗兩足心亦治。

●治紅絲瘤法

此症乃父母先天之毒。胎兒秉之。殊鮮單方急治。維內服醒消丸。或三黃丸。外塗八寶丹以緩其勢。急倩名醫治之。父母則男服滋腎濟陰丸。女服八味地黃丸或八珍湯。以免後生兒再踏此轍。斯為根本之治法耳。

●治晝啼不止法

台烏藥一錢。煎水服神效。如風和日麗之日。抱兒野外指禽鳥與觀。以愉悅其性。亦治維不可使之望日。以乳塞兒口使之不哭。最爲快事。切宜戒之。

●治夜啼不止法

此穿蓋遇暖。熱極所致。夤夜無覓藥處。以塘鷄糞塗兒臍即治。以蟬衣七個。去頭足。取下半截炒研。加薄荷三分煎服。亦治。如面色青白或紅赤。種種失常者。查驗方新編治之亦妥。

●治小兒遍身奇癢法

風熱也。搗生薑使爛。包於稀紗布內。外蘸潤身粉擦之即治。

●治小兒初生無皮法

此母常年居樓。胎兒未受地氣。或乘受父梅毒遺傳性之故也。以毡布厚裹兒置黃泥地一宿即治。一以早稻米磨粉乾撲之。生皮乃止。均有奇驗。

●治初生小兒遍身蛇鱗法

名蛇風胎。無防礙。以白蠟蠶（去嘴部）蛇退（藥名龍衣）研末煎湯頻洗即治。

●治小兒兩大腿生瘡脫皮法

名胎剝。如不早治。任其延至小腹不救。以黃柏炙焦去火性研末。和豬膽汁調敷。即治。以灶心土（燒煉者有毒不可用）和口水調敷亦治。

●治小兒口角生瘡法

亂髮用礪砂皂角等滌去油垢燒灰。豬油調敷即治。

●治小兒吐乳法

以陳米七粒燒焦存性。水半酒杯。乳半酒杯。同煎溫至五分時服。奇效。

●治小兒腹中作蛙聲

淡豆豉二錢。鮮薑二錢。（切碎）葱五根。食鹽一兩。同炒熱。（以銅鍋爲妙。無則煮飯鍋亦可。）布包置臍上熨之。極效。葱薑煎濃汁。無風處洗肚腹。亦妙。或另搗葱薑作餅炒熱。乘大溫貼臍上亦佳。

●治小兒陰囊腫墜法

光亮而堅硬者是。方用蟬退一兩。煎湯頻洗。另用生紫蘇葉搗如泥包之。即愈。無生紫

蘇時。用乾者研末亦可。如濕腫則乾敷。乾則香油調敷。雖皮破丸出亦效。

●治小兒忽然陰腫法

此鄉間小兒。隨地而坐。被蚯蚓氣吹腫也。令婦人（不拘生母）以吹火筒吹之即消。不用真礪砂研末敷之。無不效者。如城市近。向藥店購二味拔毒散塗之亦佳。

●治初生小兒陰囊過大法

不治。恐成人後變水疝則難治矣。法於一歲內。於端陽日夜半子時。盆盛熱水。置於中堂。將患兒陰囊放水內一浸。隨將兒抱置中門門檻上中間一坐。則兒之陰囊水痕印於門檻上矣。（門檻不分木石皆效）就其濕印處。用艾火燒三次。燒時即以其艾烟高燻兒之陰囊。囊漸縮小如故。真奇妙方也。

●治小兒暑月水瀉法

猪苓一錢。赤苓一錢五分。澤瀉一錢。木瓜五分。白朮六分。木通八分。車前子五分。（暑炒）燈芯一團爲引。加食鹽數分。水煎空心服。自效。小便赤澀兼不通者。統治。如小便無恙者。去木通車前。減澤瀉四分。此二三歲兒量劑也。兒大小酌加減。

●治初生兒小便不通法

兒落胎一二日不撒尿。哭不止。急檢視兒勢。如有薄皮罩住。以猪毛刺之即通。(女同法)如無薄皮。乃係胎熱。急用葱頭一個。切四片。和乳汁半盞同蒸。分四次服即治。

●治初生兒大便不通法

以金銀簪挑破其膜。用油紙擦套住。免其再合。即治。維手法須慎。以免傷及內部。較為難治。又有用艾火筒拔法者。究不如此妥。

●治初生兒兩足趾向後法

此孕婦日日盤膝枯坐所致也。以香木瓜煎湯。日日洗兒兩足。當洗時。即輕輕撒之使轉。半年或一年後。自復常狀。以紙捲棍。外裹絲綿。縛兒兩膝後灣內。拗之使轉。同前法并用亦妥。

●治初生兒爛臍法

以舊大紅呢燒灰存性。或加冰片少許搗之均治。馬齒莧焙枯研末。草屋上舊茅草焙研末。枯礬。水龍骨。(即舊船縫中之桐油石灰)研末。車前子炒焦研末均治。隨其地所

有者而施之。不拘定格也。

●治小兒病後口不能言法

擇大生南星一個。泡去皮臍。研末。量兒之年歲大小。分三三四五六七八分。以豬胆汁調勻。淡薑湯沖服。一二次後。即能言如常。

●治兒不食乳法

心熱也。不可阻其啼哭。(蓋啼哭乃去心火之一法也)急用大葱頭一個。切成四片。以乳汁半盞同蒸。分四次與服。即能恢復原狀。若臍旁青色。眉心鼻頭黃。口撮緊。目珠定。此臍風也。趕照臍風方急治。遲則無效。不可不知。(臍風方見前面兩頁。又急查驗方新編法治之亦效。)

●治小兒疳顯法

新產小兒。月內噤口不乳。啼聲乾啞難出。兩腮腫硬有核。名疳顯。又名螻螂子。先天熱毒也。急用當門子(即麝香)一錢。硃砂五分。大田螺七個。同搗如泥。(敷顯門上。候其乾時自落。切勿剝去。)不一日自愈。若症重者。用銀針微刺患處出血。以鼎好陳墨擦



之自愈。(近年市售之賤墨不可用。因用外國藥水製之煤烟做成。有毒不可入藥。)妄用刀割。徒傷兒命。切勿爲庸醫所給。育兒家不可不知也。

●治小兒鵝口疳法(又名雪口)

百日內小兒。滿口白點如米。拭去復生。治之少緩。內竄入喉。較爲難醫。急用黃連甘草煎濃湯。以指裹舊綢。頻頻拭洗。如在春日。并剝桑樹皮內白汁塗之。無桑白皮汁時。以陳好墨塗之。重則內服辰砂益元散。燈芯湯送下。自治。并不復發。誠妙方也。

●使小兒不生瘡癩法

每年六月初六日。(指陰曆言)照小兒歲數。使服皂莢子。則自無瘡癩之患。大人則不必照歲數服之。服七粒或二十一粒可矣。

●治小兒走馬牙疳法

小兒患走馬疳者。牙齦色白而爛。若不急治。則蔓延全口。自疳出血而臭。甚者齒黑而死。此症小兒最多。宜用大鯽魚一尾。不可去鱗。唯去其腸。填滿當歸末於腹內。遍塗以泥。入火中煨之。取出去泥。研之爲粉。復燒鹽研末。拌和塗於齒齦。卽治。

●治小兒百日咳法

以干羽雀之足。和一器內。煨灰存性。研爲細末。用耳扒取二扒。使服之。必治。

●治小兒不能飲乳法

小兒病舌。不能飲乳時。以天南星粉和醋。塗小兒足心。上貼以紙。繫之。免藥落下。卽能飲乳。唯既能飲乳之後。所塗之藥。當速連紙揭去。勿遲爲要。

●初生兒洗眼方

新生小兒。眼力薄弱。若以礪砂二分許。融化於熱水中。時時洗之。極爲有益。

●治小兒夜中遺尿法

以雞腸煨灰存性。用開水服之。其驗如神。

●治小兒夜不安眠法

小兒夜不安眠。半由太暖。半由過飽。簡便法以燈芯或川連。擇一煎水與飲卽安。又或於小兒臍上。用硃筆書一田字亦治。惟須避風。否則不驗。

●使乳兒生齒法

乳兒及歲不生齒。治之之法。覓活雄鼠一隻。生剖之。以其脊骨煨灰存性。研末擦齦即生。

③ 治食牛奶小兒作渴法

牛奶性熱。小兒食之。每易作渴。渴時不得水飲。惟啼哭而已。大人誤會。亂施他法。每每多害。不如以清涼之熱水令飲。啼止即是。兼可助消化。誠一舉數善也。

● 治小兒食滯法

小兒滯食腹痛。腹上痛而不游移者是。以西藥房出售之甘草粉少許飲之即治。如無市甘草粉之鄉市。仍以所食之物燒灰（忌煤火）和砂糝飲之亦妥。舊法之建麩及午時茶亦效。

翰按近有以葶麻油（西藥名非中國製之油也）爲治者。此油乃大瀉劑。治小兒殊欠妥。不足爲訓。故不列入。

● 小兒斷乳畫眉方

小兒不肯斷乳者。此法施之頗效。方用山梔三個。煨存性。雄黃 硃砂 輕粉各少許。

黃丹一錢。共爲末。生麻油調勻。候兒熟睡。勿令知覺。以新筆蘸藥。畫兒兩眉上。醒來自然不乳。未效再塗必效。此方屢試屢驗。惟肝氣盛者難驗。又方 遠智 細辛 山奈 各等分。共研細末。人乳調擦眉上。男左女右。二次卽斷。不可遽去。

### ●育兒須知各法

(一)當兒猛聲哭泣之際。爲其母及乳媪者。萬不可以乳液授之。蓋大人心理。以爲小孩一泣。必有所不樂。投以所喜。當能轉悲爲樂。殊不知適乃求安反危之道。蓋小孩哭泣時。肺葉必膨脹。驟以大乳塞其口鼻。使之呼吸不通。於小孩之發育上。實受有莫大之障害。法宜抱小孩於庭中。或門外。使之仰視天空飛鳥。俯察地上花草。或由其母及乳媪。唱以優美歌曲。給以華麗玩具。自能使其由悲轉樂耳。倘小孩偶有過失時。(如遺尿糞。毀損物件等等)爲父母及乳媪者。萬不可以嚴厲之聲浪。盛怒之顏色。或假作舉掌欲擊狀。或猛力一拉等。最爲損害。蓋長者心理。自以爲藉此可以懲一儆百。殊不知適成反比例。蓋小孩於無意中。受此意外之刺激。其腦筋必爲震盪。由此智識遲鈍。神經奮亂。是欲禁其再犯。適導其一犯而再犯也。又每見小兒跌破頭額。血流如注。

時。伺護者狂窘。每以爐中香灰及牆角積塵按之。冀止其血。亦最害事。因病中有一種名破傷風者。皆因傷口入有不潔之物故也。初尙不覺。及至過後。卽發熱不止。最爲危險。家有兒童者。更不可不知也。

●避難救兒良方

惠直堂濟世方云。婦女避難。畏兒啼哭。棄者甚多。殊爲可慘。今茲時世。盜賊蠶起。難保不蹈此轍。是望仁人君子。廣刻傳世。功莫大焉。方用棉花團一個。不可太大。大則塞口。又不可太小。小則恐吞下。外用線略扎。蜜糖水煮透。置兒口中。得沾甜味。再不啼哭。仍以一線牽住。以便引出。惠而不費。救人之命。全人骨肉。眞濟世慈航也。

## 閩閩助妝門

張麗華髮光可鑑。豈是生成。楊玉環面若朝霞。半亦飾就。他若絳仙畫眉。龍擅隋宮。孫壽濃妝。媚傾漢代。此猶其顯著者也。矧世界女子。多趨新妝。歷古千年。未嘗或易。降茲今代。尤爭勝之。第古法漸臻失緒。今法又多費解。究何簡易。莫效準繩。職是之故。用特搜索圖籍。廣覓奇方。窮編者之思潮。泯女界之缺憾。敢云嘉惠社林。聊佐助妝云耳。集閩妝。

### ●染黃髮法

婦人髮黃。美亦不美。茲見孫思邈千金方有一法。以好醋煮黑大豆。使成稠醴之汁。再剝鐵鏽於內。慢火熬之成膏。用以染髮。百試百效。

### ●染白髮法

廣採經霜桐葉及其子搗碎。以甑蒸之。生布絞汁塗髮。白髮遂黑。洵妙方也。夷門廣臚叅曹氏秘書。

### ●令髮潤而有光法

榧子三個。核桃兩枚。側柏葉一兩。共搗爛。浸雪水中半月。以之梳頭。髮光而且潤。并永不落髮。見聖惠濟世方。

●使禿髮再生法

訶子(三錢)青果(五錢)山奈 官桂 樟腦(各一錢)香油半斤。浸三日。每早手蘸油擦三十六下。日後短者長。無者生矣。

●妙製異香烏雲油法

排草(二兩二錢)山奈 白芷 甘松 官桂 細辛(各三錢)辛夷(一錢五分)大黃 麝香 冰片(各二分)丁香(一錢)用好茶油三斤。入瓦松三錢。煎數沸。去渣。候冷入磁瓶內。將絹袋裝前藥十一味。紮緊浸油。口封固。勿使洩氣。取以擦髮。其香異常。兼能生髮。至老不白。

(另有去梳篦油垢法。見器皿門內。)

●製香髮散方

婦人髮有油泥。不用洗。將香洒上。一篋即去。 芩草(一兩)辛夷 玫瑰(各五錢)檀

香(六錢) 大黃 甘草 丹皮(各四錢) 山奈 丁香 細辛 蘇合油(各三錢)  
白芷(二兩)爲細末。用蘇合油拌勻。做紅小袋盛貯帶頭上。

●治眉毛不生法

眉毛不生。惟病不一。然不雅觀則一也。況在婦女乎。茲法以芥菜子三錢。生半夏一錢。研末。榨生薑汁調擦。數次即生。且寬窄濃淡。能隨人意。不讓吳絳仙之遠山黛也。婦女何懼乎。見孫氏效方。

●治眉毛脫落法

聖惠濟世要方云。以蔓荊子四兩炒研。和醋塗之。簡而易舉。外臺秘要則以黑脂麻花陰乾。再以黑脂麻油漬半月塗之。亦便。

●美眉奇術

友人烏君蟄廬。告予以新法。言能使婦人眉美。君云。每日曉粧時。以五十倍硼酸水。(化學藥名。西藥房有售。)反覆洗眉毫。更以刷蘸綠茶濃汁。竭力摩擦之。如是日久。則眉際自現非常美態。惟少覺癢。不可搔之。須以軟刷徐徐擦之。癢即止。



●去面上毫毛不用線法

婦女界用線拔扯面上毫毛。在鄉婦或不覺感其不便。在大家閨婦。細皮嫩肉者。未免不勝其辣燥。茲見夷門廣牘載一法。以石礮三錢。石灰二錢。冰片三分。共研極細。用水調勻。臨臥時敷面上。次晨洗之。則毛盡去。真奇方也。

●令黑面轉白法

白冬瓜一個。竹刀去皮切片。酒一升半。水一升。煮爛去皮。濾去渣。熬成膏。磁瓶收貯。每夜塗之。次早洗去。又天門冬。曬乾。和蜜搗爛爲丸。日用洗面。即轉白。枯藁口三兩。杏仁一兩。猪胰一具。同研如膏。每夜塗之。令面光潤。冬月不皴。載聖濟總錄。

●潤面七香散方

黑丑(十二兩)皂角(去皮燒四兩)天花粉 零陵香 甘松 白芷(各二兩)右爲細末。洗面或洗燥時。蘸藥擦之。容貌嬌嫩如花。此傳家寶所載秘方也。

●洗面換容方

甘松 山奈 香薷 白芷 白芨 白蘇 防風 藁本 白礬 白附子 天

花粉 零陵香 菜豆粉 肥皂(煨。各等分)爲細末。每早用以洗面。最馨香。美顏色。雀斑黑點自除。試有奇效。見載仙拈集。

●養容奇方

奇方類編載。以白菊花(一兩)梨汁(半碗)白果(一兩)白蜜(一兩)人乳(半盞)白酒釀(半盞)先將白菊花梨汁入好酒蒸濃汁。再將白果搗爛。蜜乳研在一處。臥時搽面。次早洗之。顏如童子。

●治雀斑奇方

集驗良方載。以白殭蠶 白附子 白芷 三奈 礬砂(各三錢)石膏 滑石(各三錢) 白丁香(一錢) 冰片(二分)共爲細末。臨睡用水和少許搽面。奇效。又法以生茄子切片搽面亦治。曾目見有效者。

●美人瑩面秘方

開天遺事。唐宮秘笈。千金翼同載。婦人欲面白嬌紅。瑩澤如玉者。以硃砂(二錢)雄黃(五分)輕粉(一分)右爲末。晚間用雞蛋白調勻搽面。次早洗去。數日之後。面上現桃

花色。如以母豬蹄一具。煮汁如膏。夜塗且洗。老婦漸嫩如少年。

●去面上斑痕法

白蔘。藜山。梔各一兩爲末。醋調。日洗夜塗。半月自脫。白澤如雪。較今之雪花膏。更勝數倍也。載女科切要。

●黑牙返白法

沈香 麝香(各五分) 細辛 升麻 藁本 麝香葉 甘松 白芷(各一錢二分) 石膏 寒水石(各一兩)爲末。早晚擦牙。一月自效。又方煨石膏六兩。炒香附一兩。共研極細末。每早擦之。非特令白。且除口臭。

●落牙復生法(附擦牙至寶散方)

近日鑲牙。徒飾美觀。無濟實用。昔見惠澤堂叢書載一則。以鼠骨(一具。水浸去肉。淨打碎。微炒晒乾。入飯鍋蒸。又晒。如此二次。用何首烏二斤。煎汁。浸一夜。又晒。以汁乾爲度。將骨爲細末。收貯之聽用。破故紙(鹽水浸炒) 川椒(各四兩) 當歸(酒炒一兩) 俱爲末。用羊胆汁三個。蜜等分。共熬。將前藥末入臼內搗十餘下。如乾。加蜜。丸棗豆大。

每日飯後用鹽湯下三錢。藥完其齒自生。且白潔美觀。又法。用嫩老鼠（未開眼者三四個）白芨 白芷 青鹽 細辛 當歸 熟地（各五錢）右藥共搗爛和勻。二并包鼠。外用濕紙包裹。煨烟盡研末。擦牙即生。白潔亦如前。

附擦牙至寶散方 雄鼠骨（一副。其鼠要八兩以上者。連毛用草紙包七層。再用稻草包緊。入後封固。用穀糠火煨熟。去肉。揀出全骨。酥油炙草。研爲細末。入後藥。）北細辛（洗淨土晒）真沉香（各一錢半）破故紙（青鹽水炒）白石膏（青鹽水炒）全當歸（酒炒）骨碎補（去毛淨。蜜水炒）旱蓮草（酒炒。各五錢）香白芷（青鹽水炒）懷生地（酒炒。各三錢）綠生麻（焙二錢）沒石子（雌雄一對。酒煮火炒）右爲細末。合鼠骨末拌勻。鉛盒盛之。（銀盒更佳）每早擦牙漱咽。久而不斷。牙齒動搖者。仍可堅固。不動者永保不動。甚至壯年有去牙一二。在三年以內者。竟可復生。初小而白。久則如故。妙不可言。

●使臭口生香法

藿香煎湯漱洗。并噙薄荷散一二釐。三五日即治。自後吐語且芬芳。真妙法也。又方以

香薰煎湯含漱亦佳。

●治殊唇不潤法

用橄欖油(西藥房有售)塗之自效。無則用橄欖泡湯時潤之。以其核中仁搗數尤妙。如冬月唇燥。生豬脂塗之亦妙。

●補缺唇妙法

婦女缺唇。其醜孰甚。茲憶良朋彙集載有一法。以麻雀屎。胡椒。各七粒。爲末。以燒酒調爲麻藥。搽唇上。次將唇割破。以龍骨白蠟爲丸。搽上。用花針穿絲線縫之。外將篔片夾住。居靜室七日。勿笑勿哭。以免裂開。再過三日。唇補如初。一月之內。惟勿劇笑耳。

●使燥手潔白瑩潤法

美人之手粗燥不潤。亦極一大缺憾。今得傳家寶載一法。以杏仁。天花粉(各一兩)紅棗(十個)猪胰子(三副作全具)共搗如泥。入酒四鍾。浸瓦罐內。每晨抹之。一月後。皮膚光膩如玉。雖冬月亦不凍圻。洵不傳之秘也。

●使肌膚瑩潔白澤法

方名楊妃潤體膏。專治婦人身不白澤及粗燥諸病。方用 人乳 象精 白蜜 藕汁 等分熬膏。加蘇合油調勻。浴後滿身塗之。一月之後。遍體嫩滑香潤。此楊妃宮中日用之方也。又沉香 丁香 降香 乳香 藿香 茴香 砂仁 甘松 山奈 白芷 細辛 川芎 蒿本 桂心 潮腦 當歸 百藥煎 肉豆蔻 豆粉（各二兩）麝香（一錢）共爲末。煉蜜丸。如彈子大。每早用水漱口。入舌根下含化一丸。三日口香。五日身香。十日二十日床被香。一月後洗面皆香。二三月後。面如童子。身軟如綿。兼能起陰壯陽。祛風去冷。闔闔不可不知之秘方也。

●楊妃沐浴方

防風 荆芥 細辛 當歸 羌活 獨活 皂角 香白草 藿香 白芷 蒿本 川芎 甘松 水紅花 各等分。剉片煎湯沐浴。能除惡氣。細皮膚。三日之內。其香不散。仿而行之。不減楊妃新浴於華清池畔矣。

●步步生香法

東昏侯令潘妃步步生蓮花。今古播爲美談。今更得一秘法。能令步步生香。法用防風

白芷各四錢。川芎。芸香。冰片。細辛。各二錢。爲末。行路時撒少許於鞋內。步屨輕便。不生  
箴。瘡。臨風飄灑。足汗皆香。洵妙法也。見夷門廣牘。

●縮金蓮法

宵娘遺毒。今始漸汰。編者今何爲更輯此法。躬貽撥死灰之誚乎。不知內地踏宵  
娘惡習者。櫛比皆是。躬見幼女呼號痛楚。阻之不能。因輯此法。聊代解厄去耳。  
白鳳仙連根梗花叶搗爛。加明礬少許。煎湯頻洗。乘熟包裹。骨自柔軟。近有用猴脛骨  
煎洗者。殊誤事也。見古今秘苑。或用礬砂。白茯苓。蒿本各等分。蕎麥稽燒灰。用滾水淋  
取濃汁。每藥三錢。汁三碗。同煎滾。乘熱洗脚。數日則骨軟易裹不疼矣。若脚背上小瘡  
起。用詞子末塗之。○或用白礬。夏枯草。皮硝。茵陳。共煎湯洗。足自小。

●裹足脫骨湯妙方

杏仁一錢。桑白皮四錢。水五盞。入新瓦罐內煎三盞。入朴硝五錢。乳香一錢。封口煎化。  
置足於上。先薰後洗。三日一次。十餘次後。軟若束綿。一切痛苦。悉皆捐去。方載閩閩事  
宜。洵內地幼女之苦海慈航也。

⑤ 幼女裹足不痛法

當歸半錢。各一錢。水一鍾。煎六分。加酒少許。空心服下。令血枯。外邊用蕎麥稗煮濃湯。加枯礬少許。浸足數次。束縛可以止痛。方見傳家寶。赤女子刼中一福星也。

⑥ 治脚生雞眼法

女子天足被裹。血肉凝滯。加以好裝躡底。雞眼之生。是不免矣。治之之法。以真烏梅肉搗爛。入醋少許。加鹽水調勻。貼之即消。○又以葶薺（二個）蕎麥（一錢）共搗融。貼上一晝夜。自落。○又方。取活蜈蚣。用香麻油泡一二日。取出。搗爛敷之。過夜根即拔出。不致再發。（並治髮癬）○又方。以滿天星（又名偏地金錢。又名破銅錢。生階砌及花盆上）搗融。厚敷一日一夜。根自拔出。極效。○又方。地骨皮。紅花二味。研細敷之。立愈。○又方。京城礬砂膏藥貼之。亦能除根。○又方。生白蘿蔔。口嚼如泥。敷之。止痛如神。○又方。鱒魚膏貼之。亦效。男子好穿窄鞋而生雞眼者亦同治。

⑦ 解脚臭法

此亦裹脚之弊也。男子脚固臭。然不似婦女之臭。而不可嚮邇。解之之法。以蘿蔔煎醃。



汗頻洗自愈。陸遊老學齋筆記。

●經驗放足法

近日皆趣於天足。開通之地。欲放小足。殊乏善法。茲得一經驗法。法用紅花四錢。穿山甲一錢。龍衣一錢。蟬退二錢。銀花三錢。同煎。復用溫水十之八。輕礬硫水十之二。早晚洗一次。每次浸一小時。洗後用新棉花塞趾丫處。夜眠置腳於高處。約一尺許。日中盤坐爲宜。初放時。如遍足紅腫。急用薄荷煎水洗之。後抹點燈清油少許。初放不可多行路。多勞力。從改放日起。除去裏布。更換鞋襪。合足之大小爲之。惟須從寬耳。

## 旅行須知門

旅行塗路。舉足爲艱。在昔云然。今豈或異。雖云有輪軌之通馳。豈無舟車之梗阻。矧我國幅輿廣闊。汽機所經。拾僅其一。邊僻內地。尤多山區。步履之艱。不讓天山南北。旅行之險。逾過青海東西。乏水乏食。在在堪憂。足腫足痛。豈能毋慮。不有良法秘方。何以濟夫有衆。若乏善劑要術。奚足壯此繇夫。因闢是門。特列此類。庶乎有志男兒。不致裹足不前。無膽女子。亦敢恃而不恐也。集旅行。

### ●旅行須知要法

凡水陸舟車。孤村野岸之處。有一種悶香賊匪。稍不防備。卽被迷悶。竊掠一空。臨睡時口含冰糖。(沙糖片糖亦可)或含甘草。可免。如或吞下。必須添含。其門腳窗縫。多撒白沙糖(黃沙糖亦可)爲妙。或用清水一盆置房中。亦免昏迷。並避邪鬼。如被迷悶不醒。飲冷水或糖水甘草水均可解。○又睡時用明雄(要大塊的)戴頭上。或繫左腋下。亦能辟邪。如客店人多屋少之處。多有人死未及殮埋。將屍藏匿場下。尤宜詳細看明。

### ●旅行臨路不迷法

行厨集云。帶龜而行。雖入深山無人處亦不迷路。三叉路口放之於地。依龜而行。自無舛錯。

●治旅行暈船暈車法

凡坐船頭暈嘔吐者。開船時飲白沙糖水。或用撐船竹篙水滴碗中。以滾開水兌服均治。○又下船時將竈心土一塊藏髮中。勿使人知。即安。或寫土字於手心。坐船即不恐懼。取土能掩水之義。暈車嘔吐者。亦飲童便爲妙。或白沙糖水亦可。

●治旅行渡江膽怯法

旅行渡江膽怯。用黃紙以硃砂寫禹字帶身邊即安。此法有人驗過。又江船走風。船必偏側。切不可驚惶亂動。動反悞事。如側左坐右。側右坐左即安。悟其理。則重力學也。

●遠行足不覺疲法

遠行足疲之時。以口嚼鹽塗足底。以火灸之。更以細索緊束兩股。則足自輕。但須先洗足而後塗鹽灸之。雖日行百里。亦絕不覺疲勞。以炒蘿蔔子研末。及生白礬末鋪於襪底內亦極效。○又法。切生蘿蔔一段。從膝蓋摩至腳掌。無令一處不到。三四次後。即異

常舒暢不疲。

●長途足生水泡治法

人行長途。足生水泡。疼痛艱於行步時。取旱烟管。以熱烟管頭。撫摩痛處。奇效。又法。取旱烟灰和飯。捏之使粘。糊之於紙。貼於水泡上。即治。

●旅行醫渴法

夏日旅行山野中。苦渴不得水飲。但覓柔草茸茸。或螻蟻叢聚處掘之。當得清泉。又當登高處望之。見鷗鷺及山鳥翔鳴之處。其下必有溪流。又或見有楊樹柳樹垂枝處。其地亦當有山泉也。

●冬日涉水不冷法

冬日旅行。偶逢山澗橋梁杌斷。或野渡無人之處。勢須涉水。然寒風裂膚。豈能益以冰凍。第惟勢所逼。自不得不渡。今得古人陳法。先以黃酒或燒酒力摩兩足。內服胡椒十餘粒。放心渡之。自不覺冷。誠妙法也。

●冬日旅行防受風寒法

秘術海 旅行須知門

雞聲野店。人跡板橋。冬日旅行人最易爲此等風霜所浸。今師前賢遺法。以桃花紙數層夾於衣可免。或夏日採荷瓣。以熨斗熨之。使黏成一大片。積十餘大片。兩面護以綿紙。用以綴於衣中。尤妙。此陳文恭公遺法也。

●旅行足跟痛疼法

旅行足跟疼痛。不能著地時。和鹽於黃牛糞炙之。炙熱後塗於足上。有奇效。

●旅行千里不飢法

黃芪、赤石脂、龍骨、各三錢。防風五分。烏頭一錢。用石臼搗碎。以蜜拌丸如糰子大。遇遠行前途無覓食處時。先儘量飽食一頓。後服此藥一丸。則行三四百里不覺飢。若服二丸。則行六七百里亦不飢。但烏頭有毒。其分量當注意之。又法。以糯米三合。炒焦研粉。再以黃蠟二兩。溶解於鍋。而入糯米粉。少間息火。丸如梧子大。食之可數日不飢。若思食飯。當先食胡桃二個。而後食之。無害。

●旅行疾走不喘法

旅行時。或與導者相脫。或與伴侶相離。或四野蒼暝欲晦。或山高日落催行。皆每易促

人疾走。然心慌之際。加之疾走。其發喘可知矣。今實驗得一法。當欲疾走之時。特別其呼吸。則無論若何疾走。亦決不喘。若含真正老山參鬚。尤妙。

●旅行猛犬不敢近身法

途中爲羣犬所吠。甚爲危險。然曳拖棍棒等而行。犬雖不敢近身。然究不雅觀。夜中行路。燈火息滅時。犬猶易狂吠近身。法以束腰帶。拖二三尺於地而行。則犬遠遁。其獍猛者。亦不過遠遠而吠。不敢近身狂嚙也。

●治暈船法

有暈船疾者。嘔吐兼作。最爲難受。茲覓得妙法。以生薑干薑等分。預爲末。臨時服之。卽治。又法。乘船之時。如嗅硫黃。卽無暈船之事。或服蘇合丸。或嚼濕米。均佳。

●旅中耐飢法

旅行之時。以佳茶研末。携之。偶行山野。腹飢無覓食處時。舌舐此茶粉。卽能耐飢。又蓬生之時。取蓬食之。亦能耐飢。洵妙法也。

●治足底膿泡法

旅行長途。足底生泡時。以鯨鬚（即鯨魚之鬚。內地或無售者。以頂上梅花冰片代之亦妥。）爲粉。和飯粒塗之。更貼紙於其上。卽治。又法以生灰麵調水敷一夜亦效。

◎山野旅行絕食不飢法

邊省山僻荒野之地。往往數百里無人烟。偶至其地無覓食處時。以後法所作之餅及粉末嚙食之。可以半月餘不飢。其法以洗淨黃豆三升蒸三次。去其皮。復以麻仁三升。浸水中一夜。亦蒸三次。及麻仁開口時。乃去其皮。入二物於石臼中。搗爛作餅。置火蒸之。自黃昏蒸至夜半取出。然後晒乾研粉。預料前途無覓食處時。將此粉飽食。外物不可食。可四十餘日不飢。口渴飲麻仁湯。或清水。作數十口嚙之自解。若欲飲食如常。以冬麥子三合煎湯。冷服。則所服前藥。悉從大便下。作金色。其後卽飲食如常。身體亦絕無害。此方曾有人如法試服。確能耐飢無害。故敢輯入以餉世之旅行者。

◎旅行知里數法

短人行一千三百步一里。長人一千一百餘步一里。長人足力健者。一小時約行十二里。短人十里。此普通算準法也。餘因人而異。不能依此計。

●行遠不疲法

當遠行之時。稍塗奇楠香於足心。後穿細麻鞋。則足力不疲。

●船中遇霧時拂霧知方角法

船中遇濃霧。諸方不見時。以生黃豆在鉢中研碎。或在口內嚼爛。吹散於水面。暫時之間。霧散而見方角。又在道中遇霧時。用此法亦有效。

●旅中不受病法

早朝起行時。含生姜於口。以辟霧露濕氣。則自然不爲邪氣所侵。又暑中旅行之時。宜緊束木綿於臍部。使臍溫暖。則自無中暑之事。

●旅行預卜吉兇法

旅中夜行之時。疑前途有故。心中不安時。急閉兩眼。靜心以指試押目內眥。眼中發見金圈者吉。不見金圈者。或遭不意之難。不可出行。又乘船之前。亦可以此法試之。金圈不見時。決不可往。又法。凡旅行或乘船之前。宜試小便。若小便不起泡者。必遇難。不可登程。



◎旅行不飲茶水不渴法

甘草、薄荷、葛粉（蒸過者）鹽、梅干、各四錢。烏梅一錢五分。茯苓一兩二錢。何首烏（九蒸九晒後切細）八錢五分。共研細末。製丸大如桐子。日嚼服三粒。則絕不思飲。凡旅行旱道者。不可不知此秘方。

◎旅行咽喉不燥法

搗蒜泥加口津調之。塗於鼻端。無論行何炕燥之地。則咽喉滋潤如常。且可避一切不正之氣。冬日并可避寒風所侵。

◎夜行無恐法

右手中指寫「我是鬼」三字於左手掌心。將掌握緊。則絕不畏懼。此來俊臣請君入窰之法也。蓋世本無鬼。特迷信家心懷有鬼。腦筋中又存有無數鬼像。一至陰幽黑暗之地。胆氣先怯。則想像之中。無一非鬼。久之遂如真有鬼撲矣。今書「我是鬼」三字。破其存畏。使有所恃。心不作是想。腦不幻是像。烏得有鬼哉。此即古人以迷信破迷信之妙法也。今世淺見之輩。必力疾闢之。詎知渠輩腦筋中先映有無數鬼影在。斯豈數語可

滌哉。古人神權設教。具有深心作用。不可一律盡譽其無用也。

●旅行遇無五穀處不食五穀法

取白茅根洗淨嚼之。或置石上晒之極乾。搗爲細末。吞一茶匙。卽不覺飢。川西邊境。入青海西藏販買之客。卽是此法。

●炊飯不用釜與水法

旅行深山曠野中。有米欲造飯果腹。遇無釜與水時。擇其處乾淨土地。掘五寸深。包米於薦。埋入其中。以土密閉。集其處草木葉在上燒之。少間掘出。則飯遂成。

●黑夜中照路不用燈火法

黑夜中照路不用燈火法。乃穴開酒鍾底。插入切斷朱鷺鳥（卽桃花鳥）羽莖。貼金箔於酒鍾內。以酒鍾覆於目上觀之。則夜中景象。映於金箔。宛如白晝。但開酒鍾穴時。須先將艾火灸欲開處數十次。待其有熱氣。然後用鐵箸開之。

●使狼辟易法

西北諸省多狼。每乘人不備。以前足從後爬上人肩。人一回首。彼則狂噬人喉。山野不

備。每爲所襲。如用陰乾螳螂藏懷中。則雖與群狼相遇。狼皆辟易而不敢近身。陝西客爲予所云如是。

●豫知海船遇險法

凡欲乘船出海時。而船中有鼠上岸者。則其船必遇險。不可乘之。

●草鞋一雙步行千里法

以鯨魚鱗。漬爛泥中。冬五十日。夏三十日。然後取出。用木槌打碎。使之柔軟若苧麻。製草鞋穿之。可步行千里不敝。但草鞋內須襯布片。否則恐足受傷作痛。

翰按此魚印度海日本海極多。有專業捕此魚者。中國爲奇。海夷人正如司空見慣也。

◎ 行發局書益廣海上 ◎

模範

青年



角八價定

冊二裝洋

(目) (總)

智囊一書。舊有馮氏輯本。梓行已久。然泛引羣籍。蕪雜踳駁。坊間各本。舛訛尤多。不堪寓目。若此書則為元和宋氏宗元近箸。故名新智囊。分二十卷。較昔馮氏輯本有三大特色。如集中所載朝野各事。多為馮本所未見。而抉擇之精。遠勝馮氏。特色二。每卷前有引語。每則後有評語。發明正義。透闕無遺。特色二。事有圈句。引有雙圈句。評有圈句。密轄呈露。不昧心目。特色三。邇來歐風東漸。上而政界。下而社會。變幻離奇。不可思議。得此新智囊。則應付有餘。凡我國民。尤應家有其書。備子弟講讀。收效必宏也。

卓鑒 遠猷 偉度 慧力  
仁方 政術 粒民 拆獄  
師謀 經務 諷喻 說辭  
控馭 妙應 利導 沈幾  
窮變 處嫌 釋紛 奇譎

各學探用校

小學論說文法規範

內務部註冊

文成法立。古今論文者所公認。初學作文。每多倒顛雜亂。線索不清。以編不知有法。也是編欲求作文者之易知。故分五大法。曰起冒。曰承接。曰轉折。曰收束。曰議發。每法中又示之以文。分別講解。俾易領會。最後附以選文。則由敘述而漸進於議論。以為後日作論之梯階。初學讀此事。半功倍。分訂四冊。定價四角。

○ 封開 ○ 沙長 ○ 口漢 ○ 東廣 ○ 京北 ○ 設分 ○

# 作文材料精華錄

編 二 初

◀元二價定册六十書全▶

編修慎謝

編修慎謝

## 作文法

## 文學法

全書四册  
定價四角

全書四册  
定價四角

### 初等作文捷訣

授一課。隨時出題。使之仿造。以初能聯字之學生。至多一年。即可作論。且無不通。故名曰作文捷訣。四册三角。

此書有層次。循序漸進。為國民學校。以此為課外之教授。日

是書第一章為聯字造句法。第二章為連用虛字法。第三章為聯句成文法。第四章為論說入手法。凡四章。每章各

分設 北京 漢口 廣州 開封 長沙 益廣書局

● 行發局書益廣海上 ●

模範

青年



角八價定

冊二裝洋

(目) (總)

智囊一書。舊有馮氏輯本。梓行已久。然泛引羣籍。無雜隨。馭坊間各本。舛訛尤多。不堪寓目。若此書則爲元和宋氏宗元近著。故名新智囊。分二十卷。較昔馮氏輯本有三大特色。如彙中所載。翻野各事。多爲馮本所未見。而抉擇之精。遠勝馮氏。特色一。每卷前有引語。每則後有評語。發明正義。透闢無遺。特色二。事有圈句。引有雙圈句。評有點句。密轄呈露。不昧心目。特色三。選來歐風東漸。上而政界。下而社會。變幻離奇。不可思議。得此新智囊。則應付有餘。凡我國民。尤應家有其書。備子弟講讀。收效必宏也。

卓鑒 遠猷 偉度 慧力  
 仁方 政術 粒民 拆獄  
 師謀 經務 諷喻 說辭  
 控取 妙應 利導 沈幾  
 窮變 處嫌 釋紛 奇譎

採各  
 用學  
 校

範規法文說論學小

註內  
 冊務  
 部

文成法立。古今論文者所公認。初學作文。每多倒頭雜亂。線索不清。以其不知有法也。是編欲求作文者之易知。故分五大法。曰起冒。曰承接。曰轉折。曰收束。曰議敘。每法中又示之以文。分別講解。俾易領會。最後附以選文。則由敘述而漸進於議論。以爲後日作論之梯階。初學讀此。事半功倍。分訂四冊。定價四角。

○ 封開 ○ 沙長 ○ 口漢 ○ 東廣 ○ 京北 ○ 設分 ○

# 作文材料精華錄

編 二 初

◀ 元二價定册六十書全 ▶

編修慎謝

編修慎謝

## 作文法

## 學文法

全書四册  
定價四角

全書四册  
定價四角

### 初等作文捷訣


授一課。隨時出題。使之仿造。以初能聯字之學生。至多一年。即可作論。且無不通。故名曰作文捷訣。四册三角。

是書第一章為聯字造句法。第二章為運用虛字法。第三章為聯句成文法。第四章為論說入手法。凡四章。每章各

北京 漢口 廣州 開封 長沙 廣益書局

中華民國六年四月印刷  
中華民國六年八月發行  
中華民國十年一月十二版

秘術海上二册  
定價大洋一元二角



編輯者 新智識圖書社  
印刷者 新智識圖書社  
印刷所 上海中新書局  
經售處 上海廣益書局  
分售所 各埠大書坊

代發行所 上海 廣益書局

北京 漢口 開封 廣州



上海廣益書局廣告

本書輯錄漢魏六朝以迄元明近代名人著作采精擷華彙於一編文詞取其雅潔氣事取其暢達多字皆得之秘本為近時所罕見乃說部之大觀也

唯一無二之小說

古今小說精華

全書分三十二門

◎	◎	◎	◎	◎	◎	◎	◎
國故類	地理類	人品類	文苑類	艷跡類	藝術類	神怪類	博物類
宮闈門	山水門	孝悌門	文士門	名妓門	書畫門	鬼神門	鳥獸門
游宴門	古蹟門	真烈門	隱逸門	美人門	音樂門	仙佛門	草木門
寶珍門	寶珍門	寶珍門	寶珍門	寶珍門	寶珍門	寶珍門	寶珍門

全書廿四冊  
布套四函  
定價洋四元

北京廣益書局發行

